



BIBLIOTECA NAZ.
Vittorio Emanuele III

XXIII

D

42

XIII

D

42

2
TRACTATUS
DE
GLOBIS, COE-
LESTI ET TERRESTRI
EORVMQVE VSV.

Roberto Huesio
Primum conscriptus & editus à ~~Roberto Huesio~~
semelque atque iterum à IUDOCO HONDIO excusus, & nunc ek-
gantibus iconibus & figuris locupletatus: ac de novo recognitus multisque
Observationibus oportunè illustratus ac passim auctus operâ ac studio
H.

*Jo: Isaac
Pontani*

~~Roberto Huesio~~ Medici & Philosophiæ
Professoris in Gymnasio Gelrico Hardervici.



AMSTELODAMI.

Excudebat IUDOCUS HONDIVS, sub signo
Canis vigilantis in Platea Vitulina prope Senatori-
am Domum ANNO clj lxxvii.



Amplissimo ac clarissimo viro
D. FREDERICO SANDIO
DVCATVS GELRIÆ AC COMITATVS
ZVTPHANIE CONSILIARIO AC
SENATORI DIGNISSIMO
IOHANNES ISACIUS PONTANUS.



Cum adesses superiori semestri nobis, vir clarissime ac honoratissime, deque studijs & seorsim de nostris amice & familiariter, ut fit, inter nos ageremus, accidit tunc commodum, quod erat in manibus, ut hoc de Globis caelesti ac terrestri, tibi exhiberemus. Quod cum vel argumenti nomine tum methodi aspectu, licet perfunctorie inspectum, arrideret, omnino faciendum putavi, ut postquam jam, Hondio curante, typis exaratum sit, non nisi ipsi tibi dicatum mitteretur. Nec ambigo quin intuitu primo quod placuit, nunc propius inspectum for-
 misque Hondianis eleganter descriptum magis magisque sit placiturum. Nec enim longis ambagibus & gradu, quod dicitur, suspensio, sed in rem presentem & ad usum suum singula explicata deducuntur. Satiricus Arbiter agens de seculi sui declamatoribus ac studijs, existimabat in scholis fieri adolescentes stultissimos, quia nihil ex ijs, quæ in usu essent aut audirent aut viderent. Quod effatum si uspiam, certe in hisce, Astronomicis inquam & Geographicis, locum sibi vindicare proprie existimandum. Vnde & summa semper ope annisi illi veteres, ut nihil profuturum seculis diu lateret. Hinc Eratosthenes antiquorum geographicas descriptiones seu, ut Strabo loquitur, τῶν ὁριζουμένων χωρῶν ad examen vocans, multa à prioribus perperam tradita convellit atque emendat. Et post vicissim non modo Eratosthenem, sed & Hipparchum, Posidonium, Polybium resumens idem argumentum Strabo posse se novi aliquid afferre docet, quod illis prædecessoribus suis ne notum quidem esse potuerit. Propertius, qui in tempora Strabonis incidit, hac & ejusmodi, pictos mundos eleganter appellans, cujusmodi eorum usus & tractatio suo avo fuerit, subindicat, cum ait:

E P I S T O L A

Cogor & è tabula pictos ediscere mundos,
Qualis & hæc docti sit positura Dei.
Et disco quâ parte fluat vincendus Araxes,
Quot sine aquâ Parthus millia currat eques.
Quæ tellus sit lenta gelu, quæ putris ab æstu,
Ventus in Italiam qui bene vela ferat.

Quo loci positura est, quod Græci Cosmographi signanter & quâ soleri appellare. Cujusmodi Themata Constantini Porphyrogeneta Imp. super occiduo imperij Orientalis districtu Lutetia olim edita habemus beneficio Frederici Morellij architypographi regij. Quæ tamen omnia, ut & illa priora, quàm inculta & rudi adhuc Minerva exasciata fuerint, demonstrant, præter alia, quæ vel ipse de Cratetis terrestri Globo refert libro 2 Strabo. Ut omittam ad testimonium citare antiquissimam illam itinerariam Tabulam, à Velsero nuper Plantinianis typis publicatam, quæ in longum & secundum terræ planiciem protensa, nullis latitudinum aut longitudinum notis insignis aliaque incommoda habens satis ostendit quàm in hoc genere absolutiora nunc & ad summam perfectionem atque elegantiam perducta sint omnia. Nec aliud Astronomiæ fatum fuerit, ut esse magnarum rerum tardi progressus solent. Nam si primum cælestis spheræ authorem requirimus, alius Atlantem, alius Anaximandrum, alij denique alios ciebunt: inter quos & Architas Tarentinus nominabitur non ignobilis scriptor. Cicero primo Tusculanarum Questionum Archimedes Syracusanum Lunæ & Solis nec non quinque reliquorum errantium motus in spheram alligasse dicet. Quem secutus exinde, & veluti explicans uberius Ciceronem, Firmianus Lactantius addit eam spheram concavo ære similitudinem mundi ac figuram reddidisse; In quo ita Solem & Lunam idem Siculus composuerit, ut inæquales motus & cælestibus similes conversionibus, singulis quasi diebus effecerit, & non modo accessus Solis & recessus, incrementaque ac diminutiones Lunæ, verum etiam stellarum vel inerrantium vel vagantium dispares cursus, orbis ille dum verteretur, exhibuerit. Claudianus, qui in eandem spheram elegantissimo epigrammate ludit, non ex ære, ut Lactantius, sed ex vitro fabricatam tradit. Ipsum Epigrammation licet prolixius sit, fidei tamen & rei causi addendum. Ita enim habet:

Iupiter in parvo, cum cerneret æthera vitro,
Risit, & ad superos talia dicta dedit:
Huccine mortalis progressa potentia curæ?
Iam meus in fragili luditur orbe labor?
Iura poli rerumque fidem legesque Deorum
Ecce Syracusius transtulit arte senex.

Inclusus

D E D I C A T O R I A.

Inclusus varijs famulatur spiritus astris,
 Et vivum certis motibus urget opus.
 Percurrit proprium mentitus signifer annum
 Et simulata novo Cynthia mense redit.
 Iamque suum volvens audax industria mundum,
 Gaudet & humana sidera mente regi.

Mirabile automaton! & quo verè demonstravit Archimedes (quod de eo refert Tullius) ingenium atque animum suum plane divinum ac similem quodammodo ejus, qui ea machinatus in celo est. Nec tamen in totum & omnibus suis numeris expressisse celestia Archimedem verisimile faciant posteriorum adinventum. Nam & multò post, Soligenis demum operâ, cursus Solis constitutus est, & eodem artifice usus fuit ad annum emendandum Iulius Cæsar. Cui successit Andromachus Cretenfis, qui Theoricarum faber celebratur, atque inde Proclus Diadochus, cujus Sphærica sunt in manibus; itemque Menelaus Romanus, qui & Milæus, Geometra nominatur. Adco ut pedetentim & haud levibus sed nostrorum similibus adminiculis ad tanti fastigij gradum pervenisse Mathematicam credibile habemus. Quamvis Cardanus illis seculis difficillimum fuisse memoret astrorum motus ad numeros revocasse, non exstantibus scilicet ephemeridibus. Verum Cardano quis fidem fecerat ephemerides novitium aut majorum nostrorum inventum esse? Quid? nonne earum mentionem Iuvenalis disertè facit, qui tanquam pingua succina tritas ephemerides Satirâ sextâ dixit, & Porphyrius Arabico nomine Almenichia vocans; tum & Plutarchus, qui πνδων αἰσχρονομικῶν vocabulo extulit? ut notavit ad Manilium Scaliger. Quibus addendus erat egregius locus Plinij ex libro 29, cap. 1, ubi de Crina sive Critia Massiliensi, celebri apud Romanos medico, Neronis temporibus: Critias, inquit, Massiliensis arte geminata, ut cautior religiofiorque, ad siderum motus ex EPHEMERIDEBUS MATHEMATICA cibos dando horasque observando auctoritate Thessalum præcessit. Et ante Plinium, illo ipso Neronis ævo florens Arbiter Petronius demonstrat haud sine Tabulis aut ephemeridibus Planetarum motus eruisse aut thema constituisse eos, ubi inquit: Altera Tabula Lunæ cursum stellarumque septem imagines pictas habebat, & qui dies boni, quique incommodi essent distinguente bulla notabantur. Et ut hæc prima illa artis & artificum rudimenta fuerint, ita ad eorum diligentiam aliquid assidue procudendo sequentes adjecisse, nec unquam adhuc posteritati à superioribus relictum defuisse, quod aut emendatore aut illustratore non indignuerit, esse in confesso videatur. Sic illa antiquiora tempora excipiens Claudius Ptolemæus existimari poterat summam rei manum imposuisse, nisi postmodum Alphonsus Hispaniarum rex suis Tabulis, quid desideraretur, ostendisset. In

Germania deinde summi viri Peurbachius, Regiomontanus, Stöfflerinus, Copernicus, repetitis observationibus, Tabularum quoque Alphonsinarum defectum & aberrationes demonstrare ac supplere pro virili fuerunt conati. Et tandem nostro hoc seculo omnes omnium antecedentium curas atque industriam supergressi ~~et~~ Tycho Brahe, & Iosephus Scaliger: Quorum ille animadvertens siderum motus accuratius à se inspectos, nequaquam aut veterum aut recentiorum artificum observatis respondere, idque organorum, quibus usi fuerant, vitio, occurrere incommodo magnis animis atque incredibili impendio instituit, fabricatis successive (de quibus & ipse αὐτόπτης & domesticus olim ejus contestari possum) talibus instrumentis, quibus omnia exacte calitus deducerentur. Ijsque subsidys ad Astronomiae mox instaurationem progressus, illa eruditi pulveris volumina, quae hodie apud omnes & praesertim intelligentes summo sunt in pretio, posteritati reliquit; praeter viginti & unum manuscriptos codices, qui penes heredes sunt, totidem annorum accuratissima observata complectentes. Iosephus verò Scaliger quàm multa ignorata hactenus etiam à doctis, & quorum in vulgatis praeceptionibus nulla exstant vestigia, perlustratis Graecorum, Latinorum, Persarum, Arabum ac Chaldaeorum monumentis, ex prima ultimaque antiquitate eruit atque illustravit, ejus in Manilij Astronomicon posteriores Animadversiones & Libri de Temporum Emendatione testes sint. Atque hi, virorum eximie, illi sunt, quorum meminisse voluit divinus vates hisce versibus:

Felices animi, quibus haec cognoscere primum
Inque domos superas scandere cura fuit.
Credibile est illos vitijque jocisque relictis,
Altius humanis exeruisse caput.

Sanè huc se totos dedisse omnino consentaneum habendum, autumantes scilicet, quod Platonem dixisse legimus, ad hac praecipue contemplanda mortalibus ab immortali Deo oculos fuisse concessos. Quo & Senecam collimasse & Corsici exsilijs solitudinem haud alijs contemplationibus lenivisse, ejus in Octaviae verba indicant. Ita enim de se ipse loquens introducit:

Melius latebam procul ab invidiae malis
Remotus, inter Corsici rupes maris,
Ubi liber animus & sui juris, mihi
Semper vacabat studia recolenti mea.
O quàm juvabat (quo nihil majus parens
Natura genuit, operis immensi artifex)
Caelum intueri, Solis & cursus sacros
Mundique motus.

D E D I C A T O R I A.

Quæ vel obiter interferenda putavi, quo in ipso quasi aditu præclara hujus doctrina commonefacti adolescentes intelligant quid hic statuendum habeant, quum de eâ totoque hoc artium choro ab omni ævo semperque tam honorifice senserint viri sine exemplo maximi. Cum autem in omnibus disciplinis prosit initio brevita quadam elementa ad animos veluti studiosorum præparandos in promptu haberi, huic præcipue rei istud, quod nunc exhibemus, & factum & accommodatum judicamus; utpote non tantum Cælestis sed & Terrestris Globi, hoc est, & Astronomia & Geographia conjunctam quandam usuique & Globis ipsis rei que nauticæ ac navigationibus aptatam Isagogen succinctè complectens: Tantum quod desiderari apodixes nonnullas ac demonstrationes aliæque animadverterem: quæ posteriorum (quos dixi quoque in hunc finem diligenter adhibui) cogitatis ac curis expolienda, nec non & nostris, quæ usu assiduo publicisque prælectionibus observata habuimus, adinventis, quantum id rei institutum pateretur, & exornanda perficiendaque assumimus. Tibi verò, vir amplissime, ut hæc dicemus, licet occasio, ut modò dictum, huc duxerit, non tamen aut casus aut fortuna, sed virtus tua & in omni disciplinarum genere eximia doctrina præcipuum & incentivum & causa fuerunt. Nam si Dijs immortalibus delubra ac manibus facta templa consecravit antiquitas, quibus nos justius aut convenientius hæc mentis atque ingenij opera, quàm qui eadem intelligunt ac possident bona, deferre debeamus? Nihil nunc dicam de amicitia nostra, quæ multis jam annis inter nos vetus & constans suo quodammodo jure hoc ipsum quoque flagitare videbatur. Hæc igitur hoc quidquid est tibi consecratum tuisque virtutibus ac meritis multiplicibus si non par, saltem nostra in te observantia atque adfectus devotum sanctumque apud posteros mansurum monumen. Dabam Hardervici Gelrorum ipsis Calendis Augusti cIdIo cXvii.

AD

AD LECTOREM.

ILLUD in vestibulo, benigne Lector, monendum te putavi, verba & textum *Roberti Huesij*, qualis antehac editus fuit, majusculo charactere, nostra verò, quæ passim interspersa sunt additamenta, typo minore expressa esse. De polis quoque & Sphæra recta, quod ex Lerio ad pag. 23 indicavimus, in sphæra nimirum ejusmodi, utrumque polum, Arcticum & Antarcticum, ut voluit hætenus communis opinio, haud videri, id etiam ex eodem Lerio observatum CL. V. Abrahamo Schulteto. Qui Sphæricorum libro primo cap. 7 pag. 22 hæc insuper addit: *Quod uterque polus in sphæra recta non cernitur: quod Zonæ terrestres respondent celestibus: quod Finiens mutetur mutato loco: quod sensibilis Finiens ab intelligibili differt, id omne ideo fit, quod terra ad nos collata maxima est. Itaque ratione nostri occidunt & oriuntur sidera: ratione nostri differunt sensibilis & rationalis Finiens: ratione nostri mutatur idem finiens, cum revera terra nil nisi punctum referat cum cæli spheris superioribus præsertim comparata: dico cum superioribus, quia ad Lunam aliqua terræ proportio, sed non æquæ ad stellas superiores. Postremo ad pag. 63 versu 25 quod annotatur de *Sinenibus & Cathaia*, hoc totum ad paginam 65 referendum: ubi de Asia sigillatim agitur, & Cathaie regionem distinctam & semotam à Sinenibus cum Tartaris & Moscovitis Asiæ borealiora occupare obiter monstratur. Atque hæc præcipue erant, quæ studiosorum animos ne fortasse remorarentur, præmonenda censui. Tu Lector vale & frue.*

INDEX

P R A E C I P V O R V M

H V I V S T R A C T A T V S

C A P I T V M.

PRÆFATIO, ubi antiquitas & præstantia Globorum præ cæteris instrumentis indicatur, eorum forma præstantissima ad cæli & terræ imaginem exprimendam. Rotunditas terræ contra Patricij deliramenta astruitur. Montium celsitudo quantum detrahat rotunditati terræ.

P A R S P R I M A.

C A P. I.

Quid Globus, quæ ejus partes, & de circulis extra Globum, quid horizon, quæ in materiali Globorum horizonte describantur, quid meridians, quid poli & axis, quid Cyclas & Index horarius.

C A P. II

De circulis qui in Globorum superficie delineantur, quid æquator sive æquinoctialis, quid dies, tum naturalis tum artificialis: item horæ æquales & inæquales. Quid Zodiacus et ecliptica. Quid annus, ejus spatium indeterminatum, multorum de eo sententiæ, multorum item errores. Quid æquinoctium & solstitium, eorum sedes mutatae, & anticipatio in Calendario multis observatis confirmata. Sosigenis & Iulij Cæsaris error in æquinoctio designando. Coluri quid. Stellarum fixarum longitudes & declinationes mutatae observatis probantur. Ptolemæi locus 7. cap. 1. 1. Geograph. ab injurijs interpretum vindicatus & Strabonis autoritate confirmatus. Quid Tropici, eorum declinationis mutatae narratio. Quid circulus Arcticus & Antarcticus. Quid verticales circuli, & quadrans altitudinis.

C A P. III.

De Sphæra parallela, recta, obliqua, & earum affectionibus.

B

C A P.

I N D E X.

C A P. III.

De Zonis & earum numero. Antiquiorum de Zonarum qualitate deliria antiquis testimonijs & recenti experientia reiecta.

C A P. V.

De Amphiscijs, Periscijs, & Heteroscijs.

C A P. VI.

De Periacis, Antacis, Antipodibus, & eorum comparatione.

C A P. VII.

De Climatibus & Parallelis.

S E C V N D A P A R S.

C A P. I.

De ijs quæ propria sunt cælesti Globo, utpote de stellis : ac primò de planetis sive errantibus.

C A P. II.

De stellis fixis & earum efformationibus.

C A P. III.*

Hemisphærij Borealis constellationes.

C A P. IV.

Zodiaci signa, ac primum Borealia.

C A P. V.

Hemisphærij Austrini effigies, ac primò in Zodiaco.

C A P. VI.

Hemisphærij Australis constellationes extra Zodiacum.

C A P. VII.

De stellis in Globo non expressis. Cur stellæ interdum plures, aliis pauciores, quandoque majores sæpius minores conspiciantur, ineptæ quo rundam rationes refutantur. Americi Vespuccij: Cardani & Patricij deliramenta

deliramenta, de inusitata magnitudine stellarum Austrini orbis, nostrâ experientiâ rejecta.

P A R S T E R T I A.

C A P. I.

De Geographica descriptione Globi terrestris, & partibus terræ cognite. Ptolemæi errores de Australi Africa & Asiæ, itémque Boreali Europæ termino, ex Antiquorum scriptis, & recentiorum varia experientia damnantur.

C A P. II.

De ambitu terræ & mensurâ unius gradus varie opiniones Græcorum, Eratosthenis, Hipparchi, Posidonij, Cleomedis, & Ptolemæi: diversæ Arabum: item Italorum, Germanorum, Anglorum & Hispanorum. Posidonius & Eratosthenes ex suis ipsorum observatis & assumptis rejiciuntur. Ptolemæi sententia cæteris prælata, à Maurolyci calumnijs liberatur. Maurolycus taxatur, quòd perperam favens Posidonio, iniquè damnavit Ptolemæum.

P A R S Q U A R T A.

C A P. I.

De inveniendâ longitudine, latitudine, distantia, & positionis angulo, vel situ locorum in terrestri Globo expressorum.

C A P. II.

De latitudine locorum.

C A P. III.

De distantia duorum locorum & angulo positionis vel situ inveniendâ.

C A P. IV.

De altitudine Solis aut Stellarum.

I N D E X.

C A P. V.

De inveniendō Solis loco ejusque declinatione ad diem datum.

C A P. VI.

De inveniendā loci latitudine ex observata Meridiana altitudine Solis aut stellarum.

C A P. VII.

De Ascensione recta & obliqua Solis & stellarum inveniendā, ad datam quamlibet loci latitudinem & tempus.

C A P. VIII.

Quomodo inveniatur ad datum tempus & locum differentia horizontalis inter Meridianum, & circulum verticalem Solis aut Stelle alicujus, quam vocant Azimuth.

C A P. IX.

De inveniendā hora, itemque amplitudine ortus & occasus Solis & stellarum ad datum tempus & latitudinem alicujus loci.

C A P. X.

De triplici ortu & occasu stellarum.

C A P. XI.

De inveniendō crepusculorum initio et fine ad datum quodvis tempus & latitudinem loci.

C A P. XII.

Quomodo ad datum aliquod tempus & locum inveniatur quantitas diei artificialis aut noctis, vel quantitas paralleli Solaris, quæ supra horizontem manet, quæque infra latet. idem etiam de stella aliqua invenire.

C A P. XIII.

De inveniendā hora diei & noctis tam æquali quàm inæquali ad datum quodvis tempus et latitudinem loci.

C A P.

I N D E X.

C A P. XIV.

De inveniendâ longitudine, latitudine et declinatione stellarum fixarum, ut in globo exprimuntur.

C A P. XV.

De inveniendâ deflexione acus magneticæ à veri meridiani situ, in vulgo vocant nostrates compassi variationem, ad datam quamlatitudinem, ubi multorum errores deteguntur, qui assignarunt acui magnetice certum aliquem meridianum, et fixum aliquod punctum quod indicet et intueatur: et qui æquabilem faciunt ac regularem hujus deflexionis mutationem, horum autem vanæ conjecturæ, & malè assumptæ hypotheser, ex certioribus tum nostris tum aliorum observatis reperiuntur.

C A P. XVI.

Quomodo per Globum construaturs horologium sciotericum, ad datam quamlibet loci latitudinem.

P A R S V L T I M A.

De Rumbis in terrestri Globo delineatis, ubi eorum naturâ, origo et usus in navigandi ratione tractatur.

I. H O N D I V S.

Postremo adjunxit auctor tabulam geographicam, quam nos (quod veritati minus consentanea videbatur) omisimus, quamvis globos de quibus loquitur, ipse auctori geographice celebraverim.

P R Æ F A T I O.

DUO sunt instrumentorum genera, quibus totam cœli terræ-
que faciem mira & multiplici varietate distinctam, quadam
quasi Synopsi exprimi & sensibus objici commodissimè pos-
se, censuerunt artifices. Alterum quod in solido rotundo ideam hâc
proponat, Globus vel Sphæra vocatur: Alterum quod in Plano, ex-
primat, Planisphærium vocarunt. Vtrunque ab antiquis admodum
temporibus excogitatū, ad nostra usque secula continuâ quasi tra-
ditione deductum, suas semper per successionem temporis cepit ac-
cessionem. Sphæram sive Globum ejusque usum Atlantem Libycum
primò invenisse refert Diodorus Siculus: unde orta fabula, cœlum
humeris suis sustinuisse. Alij hoc inventum Thaleti tribuunt. Exco-
luerunt autem postea Crates, cujus meminit Strabo, Archimedes,
Proclus, maximè omnium Ptolemæus: ad cuius præcipuè mentem
& præcepta, sphæras solidas à posteris fabricari solitas Leōtius tra-
dit Mechanicus. Recentioribus seculis plurimum excultum est hoc
instrumentum à Gemma Frisio & Gerar. Mercatore, quorum indu-
striæ & diligentiae magna est accessio in his Globis, qui Londini e-
diti sunt Anno 1593, ut vix quicquam ulterius addi posse videatur.
Planisphærium quidem præclarum inventum mirum habet artifici-
um, si ex Geometricis & Opticis fontibus deducta sit fabricatio:
miram etiam cōcinnitatem, suam item jucunditatem habet. Sed al-
terum illud natura prius & antiquius, forma convenientius, intelle-
ctui & cogitationi magis accommodum: ut mittam venustatem &
delectationem: proprijs enim & genuinis formis res ipsas exprimit.
Nam cœli formam, quin esset rotunda, vix quisquam vocavit in du-
bium. De forma etiam terræ utcunque multæ apud veteres Physic-
os divulgatæ sint opiniones: alijs planam, alijs cavam, nonnullis
cubicam, cæteris pyramidalem contendentibus: hæc tamen sola,
explosis reliquis, summa cum ratione obtinuit, ut rotunda censere-
tur. Rotundam autem dicimus, ut habeat suas inæqualitates, in tan-
ta eminentia montium & depressione vallium. Terram esse formâ
Globi, non ut torno facti, sed qui habeat quasdam inæqualitates,
dixit Eratosthenes. Strabo. l. 1. Absoluti orbis figura terræ non inest
in tanta montium celsitate & camporum planitie: recte Plinius l. 2.
c. 21. Terram cum aqua Globum constituere, non ut cœlum, sed non
multum ab ea forma aberrantem, voluit Strabo l. 1. Astruitur etiam
rationibus

rationibus terræ cum interjecto mari rotunditas. Orientem & Occidentem versus Globosam esse probant Sol, Luna & stellæ, prius Orientalibus posterius Occidentalibus orientes & occidentes. Persæ ad ortum habitantes, prius horis quatuor Solis radios excipiunt quam Iberi ad occasum habitantes. Cleomedes l. 1. Eclipses (præcipuè Lunares) evincunt, quæ eodem tempore factæ, iisdem horis, eodem dici tempore non sunt observatæ, sed posterior est hora observationis Orientalibus quam Occidentalibus. Eclipsim quæ hora quinta in Arbelis accidit, Carthagini hora secunda conspectam refert Ptol. l. 1. Geog. c. 4. Defectum Solis, quem Campania inter septimam & octavam dici horam vidit, Corbulo dux in Armenia inter decimam & undecimam visum prodidit Plin. l. 2. c. 70. In Austrum & Boream quæ vergit, rotunditatem eius demonstrant occultationes, emersiones, elationes, & depressiones stellarum & polorum. Lucidum illud sidus, quod in summo Argus gubernaculo conspicuè fulget (Canobus Græcis nominatur) in Rhodo ægrè conspicitur, aut certè ab editis locis, in Alexandria, quarta circiter signi portione supra horizontem extante, conspicuè admodum cernitur, inquit Proclus in fine libelli de Sphæra. Lego enim, conspicuè cernitur, non ut vulgò, prorsus non cernitur, utcunque reclamante Græco codice & invito Latino interprete. In Eclipsibus Lunaribus (quæ fiunt adventu Lunæ in umbram terræ) ejusdem umbræ extremitates rotundas videmus: quod ab alio quàm rotundo & Globoso corpore fieri non posse probant Optici. Unica hæc ratio major est omni exceptione, quod ex alto mari terram petentibus, primò se præbent conspicienda montium cacumina, radices non nisi cum propius accesseris, propter intervenientem terræ gibbositatem. Cava, cubica, pyramidalis & plana forma propter quas causas rejecta sit; Ptolemæi interpres, Theon, Cleomedes, vulgati prope ad unum Sphæaræ autores, prolixè declarant. Planam terræ figuram, tanquam cramben recoctam, ad usque nauseam appositam novo quodam apparatu denuò obtrudit Franc. Patricius frigidis quibusdam rationibus & male intellectis experimentis planitiem comprobans, rotunditatem destruens. Præcipua ejus argumenta obiter attingam, neque enim in eorum refutatione prolixius insistere nostrum patitur institutum. Adversus terræ rotunditatem facere videntur montium eminentiæ, vallium profunditates, ab æquali camporum planitie.

nitie. Quis ferat, inquit Patricius, altissimos Norwegiæ montes, Montem sub polo Slotum mundanorum omnium eminentissimum, ejusdem esse superficiei cum subiecto mari? Præcipua hæc cum sit ratio, qua terræ cum interjecto mari rotunditas corruiere videatur, minutius paulo discutiamus: quantaque sit hæc eminentia, ut de æqualitate hujus Globi detrahere videatur, perpendamus. Multa quidem de altitudine Athonis montis Macedonia, Casij Syriæ, itemque alterius ejus nominis Arabiæ, & de monte Caucaſo, admiranda & ad fabulam proximè accedentia, ab Aristotele, Mela, Plinio, & Solino commemorantur. Inter miracula notarunt, quòd Athos mons, è Macedonia, in forum Myrrhinæ, in Lemno insula oppidi, umbram projiciat, cum Athos à Lemno 86 miliaribus distet. Sed cum Athos mons ad Occidentem Lemno sit, ut tabulæ indicant Ptolemaicæ, non adeò miramur, ad tantam distantiam umbram jaculari, quoniam oriente ut etiam occidente Sole umbras longissime projici, quotidiana testetur experientia. Hoc fabulis magis annumerarim, quod Plinius & Solinus de eodem monte referunt, adeo elatum esse, ut credatur altius, quàm inde imbres cadunt, surgere. Cepit autem (inquiunt) opinio fidem, quia de aris, quas in vertice sustinet, non abluitur cinis, sed quo relinquitur aggere manet. Accedunt huc eclogæ è fine vii lib. Strab. quæ tradunt, ejusdem montis verticem incolentes videre Solem orientem tribus horis ante eos qui mare accolunt. Aristoteles Caucaſi montis celsitatem celebrat, quòd ipsius summitas ad tertiam noctis partem cum mane tum vesperi radijs Solaribus illustretur. Plinius & Solinus æquè fabulose de Casio Syriæ monte referunt, summo vertice à quarta vigilia ortum Solis ostendere, quod de Casio etiam Arabiæ Mela videtur tradere. Hæc autem omnia fabulis annumeranda, Petrus Nonius ex ipsis fontibus Geometricis acutè comprobavit. Ridiculum est quod Eustathius tradit, Calpen & Abennam (Columnas Herculis dictas) propter celsitatem miraculose celebrari à Dionysio Periegete: neque tamen assurgere ultra 100 ulnas, hoc est unum stadium. Ad tantam altitudinem assurgunt Pyramides Ægyptiorum teste Strabone: ad majorè arbores Indicæ; si qua fide eorū digna est relatio, qui apud eundem Strabonem referunt, ad flumen Hyarotidem arborē fecisse umbram Meridianam stadiorum quinque. Antiquorum fabulis accedit recētioris seculi vanitas. Tenariffem unam è Canarijs

ad xv Leucarum celsitudinē assurgere; quod efficiat milliaria plusquam 60, ex quorundam narrationibus refert Scaliger. Patricius his non acquiescens, ad 70. milliaria, effert. Celebrantur & aliorum montium eminentiā, utpote Andium Peruvix & insulæ Pico Acorensium, at non æque ac Tenariffis. Quam fidem mereantur hæ relationes, disquiramus. Tenariffim quidē adeo exsurgere multorū testantur narrationes, ut probabile sit orbē terrarum editiorē non videre (ne excepto quidē monte Sloto, quem quisnam viderit mortalium ignoramus, præterquam quod de mago quodam Necromantico eò delato fabulantur.) Eā tamen altitudinem attingere non posse quam refert Scaliger, maximam fidem facit, quod perpetuas fere nives iugo sustineat, vix enim uno, saltem altero æstatis mense, nivibus immunem tradunt Hispanorum scripta. Nives autem generari 70 aut etiam 60 milliariibus supra aquæ aut terræ planitiem, nunquam persuadebunt, cū summi vapores, ex assumpta etiam Eratosthenis mensurā, terrestris ambitus 48 milliaria non attingant; ex Ptolemaica autem mensura, vix 41 milliaria adæquent. Cardanus quidem & alij quidam ex professō Mathematici, ad 288 usque milliaria vapores attollunt: at non mediocri labe sui nominis, has nugas scriptis mandarunt. Atlantis montis cacumina ad usque lunaris circuli viciniam assurgere refert Solinus: at suum ipse prodit errorem, quod ejus verticem nivibus opertum & nocturnis ignibus lucentem fateatur. Non dissimilia sunt, quæ de ejus altitudine Herodorus, Dionysius Apher, ejusque Scholiasies Eustathius tradunt: unde & cœlorum columen vocarunt. Sed vanis ac prodigiosis his relationibus omissis, accedamus ad ea, quæ majus fidei argumentum præ se ferunt. Eratosthenes instrumentis dioptricis, ex dimensis intervallis, deprehendit, perpendiculum ductum à summi montis cacumine ad imas valles non esse majus stadijs x. Cleomedes refert non inveniri montem editiorem stadijs xv, atque tantæ altitudinis præruptam & excelsam in Bactriana rupem fuisse, quæ Sifimitræ Petra dicta fuit, lib. xi suæ Geographiæ memorat Strabo. Thessalicorum montium cacumina arctiora esse, quam usquam proceritas montana attolli valeat, tradit Solinus. At si Plinio credimus, Dicæarchus regum curā montes permensus, deprehendit Pelion cæteris excelsiorem non exsurgere ultra passus 1250, hoc est stadia 10. At ulterius progrediemur, ne restrictiores in his videamur esse, aut arctioribus quam par

est limitibus definire. Addemus summitati montium maris profunditatem. De ea sic scribit illustrissimus Iul. Scaliger exercit. 38 contra Cardanum. *Aqua profunditas non multa, nempe raro passus excedit 80; plurimis in locis non accedit ad vicenos, haud paucis senos explet, paucissimis ad centenos accedit, paucioribus hunc superat numerum.* At quia hæc à vero deficere plurimum, quotidiana navigatium testatur experientia, depressionem hanc fundi maris faciamus æqualem montium elationi, ut ad 10 stadia subsideat; quantam esse Sardoï maris maximam profunditatem, apud Strabonem perhibet Posidonius, vel si placet, ad 15 etiam stadia deprimatur, sic enim volunt Cleomedes, & Fabianus apud Plin. lib. 2 cap. 102. Georgius Valla mala fide Cleomedem transfert, cum 30 stadiorum mensuram profunditati Maris attribuit.) His ita assumptis fundamentis, quæ sit ratio eminentiæ montium ad totius terræ diametrum, ut inde colligamus, montium elationes vix quicquam à rotunditate detrahere, sed erit hæc excrescentia quasi festucæ aut pulvisculi in pila, ut Cleomedes affirmat. Si enim accipiamus ambitum terræ esse stadiorum 180000, ut Ptolemæo placet (neque minorem mēsuram quisquam antiquorum posuit; ut Strabo testatur) erit ejus dimetiens (ex Archimedeâ ratione diametri ad peripheriam) stadiorum amplius 57272. Si igitur montes exsurgant ad usque stadia x (quod placuit Eratostheni & Dicæarcho) erit ratio editioris montis ad diametrum terræ quæ est unius ad 5727 (Lapsus est Peucerus, cum dixit, dimetientis terræ ad perpendicularum x stadiorum esse rationem 18000 ad unum, hæc ratio est ad totam circumferentiam non ad diametrum.) Si ad xv stadia altitudo montium excurrat (ut voluit Cleomedes) erit ea ratio quæ est unius ad 3818. Sed ad 30 etiam, si placeat, stadia montes emineant, ad quantam altitudinem petram in Sogdiana assurgere refert Strabo lib. xi (atqui majorem non esse mensuram summi montis, adjecta etiam maris profunditate ad perpendicularum, Cleomedi videtur) ratio ea nō erit major quā sit unius ad 1908. Assurgat etiam, si libet, ad quatuor milliaria, sive stadia xxxi i (quantum Cassius Syriæ in directum surgere, autor est Plinius) erit ea ratio aliquanto minor, quam sit unius ad 1789. Tantum igitur abest ut credam Patricio de altitudine Tenariff. lxxi i Miliariorum (nisi multis ambagibus & obliquis itineribus metiatur: quomodo Plinius Alpiū cacumina ad 50 milliaria effert, ut nō assentiar Alhazeno Arabi

rabi (qui ad VIIII miliaria Arabica vel stadia LXXX, ut ego arbitror, extulit montium cacumina) neque Plinio lib. 4 cap. 11 de montis Hæmi excelſitate VI miliariorum: vix eidem Plinio de altitudine IV miliariorum. Vltcrius aſſurgere dicenti Mercurio haud facile crederem. Haſtenus de montium celſitate, quæ hujus Globi terreſtris rotunditatem impedire videbatur.

Adjungit Patricius, aquas etiam in ſphæræ modum non rotundari. Argumentum ſumit ab aquarum libratoribus, qui adhibitis inſtrumentis dioptricis aquas eſſe æqua & plana ſuperficie (niſi quatenus ventis agitantur) deprehendere. Eratoſthenes contra apud Strabonem aſſirmat, ſuperficiem maris alibi eminere, aliâs ſubſidere. Inſcitæ ſuæ teſtes vocat item architectos ſive aquarum libratores, qui Demetrio Iſthmum Peloponneſiacum effoſſuro, renuntiaverunt; comperiffe ſe dimensionibus, mare quod eſt in ſinu Corinthiaco, elatius eſſe eo quod ad Cenchræas. Sefoſtrim Ægypti regem Iſthmum Arabicum diſciſſurum deſtitiffe ferunt, quòd ſuperficiem aquæ in Arabico ſinu ſublimiorem judicaret, quàm quæ in mediterraneo mari. Ariſt. in ſine libri I Meteororum. Idem poſtea Dario contigiffe, eodem loco teſtis eſt idem Ariſtoteles. Ecquid Sefoſtris, Darij & Demetrij Architecſti majori fide digni ſint, quam quos Patricius nominat, non laboro. Strabo Eratoſthenem inſectatur, quòd eminentias & depressiones ſuperficie maris attribuit. Archimedes docet omnis humidi, quod conſiſtit & permanet, ſuperficiem eſſe Sphæricam, & habere cum terra commune centrum; ut utroſque merito rejiciamus, tum qui rectam maris ſuperficiem volunt, tum qui eminentiam & ſubſidentiam tribuunt. Hoc unum fateamur ratio cogit, exiguam hujus Globi portionem, quantam capiat oculorum acies, à recta ſuperficie quibuſvis inſtrumentis non poſſe diſcerni: ut inde penitus corruat argumentum illud, quod à libratorum fide & experientia deducit Patricius.

Elevationes & depressiones, occultationes item & emerſiones ſolarum & ſtellarum, quemadmodum quotidiana navigantium experientia teſtatur, fieri poſſe, ut cunque plana ſit aqua contendit Patricius. Si enim ſtella aliqua, alicujus loci vertici imminet; hac aut illac ab eo loco ſi diſceſſeris, deprimi videbitur; in plano etiam faſto itinere. At aliud eſt quod non advertit Patricius. Aequali curſu conſecto verſus Austrum aut Boream, ſtella ſemper æqualiter

elevatur aut deprimitur, quod fieri posse in recta superficie nunquā docebit. Si sumamus stellam aliquam propè Æquatorem positam, ea in cursu 60 milliariorum nostratium, proximè per unum gradum ab Horizonte attollitur, sive ea stella vertici immineat, sive inde discesseris ut à vertice deprimatur per triginta, quinquaginta gradus, aut alio quovis numero: quod in plano fieri non posse, Geometrica demonstrant fundamenta. Unum hoc Patricio (in Hispanorum navigationibus bene versato, quod testantur eius scripta) fidem facere poterat, maris superficiem non esse rectam: quòd Victoria navis ea, qua Ferdināus Magellanus ex Hispania solvi, tñstituto cursu inter Austrum & Occidentem ad Fretum illud quod ab eo nomen accipit, redijt in Hispaniam, pravecta Promontorium Bonæ spei, toto terrarum ambitu enavigato. Mitto illustrissimorum nostratium navigationes D. Fran. Drake, & Thomæ Candish exteris fortassis non adeo notas, quæ id ipsum quod dicimus evincunt. Obiter attigimus quæ summa habet suæ causæ fundamenta Patricius. Experimenta, quæ male intellecta ad causam suam firmandam adducit, omitto, cum ejus opinionem destruant potius quam astruant.

Astrueta ad hunc modum rotunditate terræ, cum altissimorum montium eminentiæ vix habeant eam rationem ad semidimetientem terræ, quam unum ad mille (quæ quàm sit exigua, facile quivis agnosceret) Globosam formam ad exprimendam cœli terræque imaginem, naturæ convenientiorem, intellectu faciliorem, ipsaque venustate jucundiorē otiosum arbitramur ut probare contendamus.

In Globis autem materialibus, præter aptam & convenientem locorum delineationem, quod præcipuum est, duo maximè desiderantur, magnitudo sive capacitas, ut particulares quàm fieri potest locorum descriptiones complectantur. Secundum est levitas, ne pondere & gravitate offendant. Strabo lib. II. Globum voluit diametri x pedum, ut capiat mediocrem rerum particularium descriptionem. Immanior plane est hæc moles quam quæ commode tractari possit. Atqui hac parte, existimo hos Globos, de quibus tractare instituimus, cæteris omnibus, qui hætenus editi sunt, jure præferēdos, quod & capaciores reliquis, sunt enim diametri pedum duorum & partis sextæ. Ii autem quos Mercator edidit (quibus maiores nemo ad hæc usque tempora, quod sciam, edidit) pedem unum & partem tertiam vix attingunt diametri. Erit itaque superficiei horum Globorum ad

eos quos Mercator edidit, ea ratio quæ est unius ad duo cum tribus octavis, aliquanto etiam major. Quælibet igitur regio his Globis erit major quam in illis duplo amplius, unde quælibet loca facilius multo in his delineari possunt quam in illis. Sed hæc intelligenda volumus de ijs, qui majori forma editi sunt à Gulielmo Sanderfono cive Londinensi (de quorum præcipuè usu conscripsimus hunc tractatum.) Nam & minores etiam edidit, ut mole & magnitudine minores, sic etiam pretio viliori, ut tenuiorum studijs consultum esse videatur. Ad ipsam quod spectat Geographiam, cum ex recentioribus chartis & descriptionibus sit desumpta, cæterorum descriptionibus multo perfectiorem arbitramur: ut cunque suis fortassis non vacat erroribus. Hoc autem in his Globis edendis præstitum esse, eorum artifex mea opinione gloriari poterit.

Unum hoc monemus, particularium locorum descriptiones aliunde petendas esse, neque enim in Globis hoc expectandum est. In particularibus autem locorum descriptionibus, Gerardus Mercator Tabulis Geographicis cæterorum industriam & diligentiam superasse videtur. Hinc itaque commodissimè peti posse ducimus.

Loquitur Strabo loco & libro jam indicato de globo terrestri: non quem talem aut tali magnitudine ac mole ipse confecerit, sed quæ ejusmodi confici suadeat, ut omnia suis numeris constent: Nostro autem seculo magnificus & illustris vir Tycho Brahe, quem hodie ut Atlantem cæli omnes non immerito celebrant, cælestem ex lignea interius materiâ constantem atque in exactam Globi formam levigatum laminisque ex orichalco artificiose superinductum fieri curavit, pedes in diametro sex continentem, præter Meridianum & horizontem ceteraque quæ æstimari inde possint. Cujusmodi Globi machinam, adeo solidè & subtiliter elaboratam & undiquaque sibi rite correspondentem, a nemine antea constructam uspiam aut absolutam esse arbitror. Opus ingens & magnificentum: cuiusque videndi ergo multi è varijs regionibus in Daniam venêre, dum ibi adhuc ageret. Tycho postmodum, concedente ipso ad Cæsaream majestatem, & Globus ille una cum alijs aliquot Mathematicis instrumentis, ab Imperatore, post ipsius Tychonis obitum, multis thalerorum millibus redemptus Præg nunc in vitridario sive arce Cæsareâ inter alia miranda servatur. Circa horizontem hæc verba aureis characteribus leguntur:

ANNO A CHRISTO NATO CIO. IO. XXCIV, REGNANTE IN DANIA FRIDERICO SECUNDO HUNC COELESTI MACHINÆ CONFORMEM GLOBVM, IN QVO AFFIXA OCTAVÆ SPHÆRÆ SIDERA COELITVS ORGANIS DEPREHENSASVIS QVÆQVE LOCIS AD AMYSSIM REPRESENTARE, ERRANTIVMQVE STELLARVM PER HÆC APPARENTIAS PERVESTIGARE DECRE-

P R A E F A T I O.

VIT: COELO TERRIGENIS, QUI RATIONE MEAM CAPIUNT,
MÆCHANICO OPERE PATEFACTO, TYCHO BRAHE O. F. SIBI
ET POSTERIS F. F.

Qui Globus præ ceteris ob insignem suam magnitudinem hoc prærogativæ habet, quod omnia in eo exactissime adeoque in ipso minuto exsequi liceat. Præsertim quæ primi mobilis doctrinam spectant, corporumque cælestium observationes, aspectu Eclipticæ & æquatoris, absque laboriosa supputatione in eo mechanicè possunt perfici.

Habet & magnus Hetruriæ Dux haud minori magnitudine duos insignes globos, sed communi fabrica, alterum terrestrem: cælestem alterum, qui est armillaris, circulis tantum & orbibus suis constans.

Quos deinde Mercatoris memorat globos author, eos postea J. Hondius ad Tychonis observata accurate emendatos cum magnâ tum minori formâ evulgavit, hodie quæ adhuc filius & hæredes eleganter ac graphice delineatos evulgant.

Porro quia sæpenumero in hoc de Globis tractatu *Puncti, lineæ, superficies, Anguli, rhombi, axis*, similibusque Geometricis atque artis vocabulis opus erit, quæ & qualia ea sint obiter præmittendum.

Punctum est, cujus pars nulla est: sive quid indivisibile, hoc est, quod in partes deduci aut dividi non potest.

Linea, est longitudo sine latitudine. Cujus quidem extremitates sunt duo puncta.

Linea recta, est ab uno puncto ad aliud brevissima extensio.

Lineæ parallele, sunt lineæ æquidistantes: quæ quantumvis protrahantur, nunquam concurrunt, equaliter semper à seipsis remotæ.

Linea perpendicularis, est recta linea rectè insistens duosque circum se angulos rectos faciens.

Superficies est longitudo latitudinem tantum habens, cujus extrema & termini sunt lineæ.

Figura est, quæ termino vel terminis clauditur: termino comprehenditur *circulus*: sub terminis reliquæ omnes figuræ, triangulus, quadrangulus &c.

Terminus, est quod uniuscuiusque finis est.

Circulus est figura plana, quæ una circumducta linea continetur, in cujus medio punctus est, à quo ad circumferentiam omnes productæ lineæ sibi sunt æquales.

Circuli centrum est punctus ille medius, à quo lineæ æquales ad circumferentiam ducuntur.

Circuli diameter, est recta linea per circuli centrum transiens & ex utraque parte in Circuli peripheria seu circumferentiâ terminata, circulum in duas æquales partes dividens.

Semicirculus est dimidiâ circuli pars, quæ sub diametro circuli & dimidiâ circumferentiæ parte continetur.

Arcus, est quævis circuli figuræ pars, quæ sub recta linea & circumferentiæ parte semicirculo majore aut minore continetur.

Angulus.

Angulus est duarum linearum contactus, quarum expansio est super superficiem planam applicatioque non directa.

Angulus rectus est, qui ex recta linea, super rectam lineam cadente, & utrimque duos æquales angulos faciente, ^a producit^rur : quæ & ^b perpendicularis linea dici potest, de qua ante.

Angulus obtusus dicitur, qui recto angulo major ^c est.

Angulus acutus, est qui recto ^d minor est.

Angulus solidus est, qui sub pluribus quam duobus planis angulis, in eodem plano non existentibus, ad unum signum sive punctum concurrentibus & constitutis, continetur, ut sunt anguli in *cubo* sive *tessera*.

Rhombus est, qui æquilaterus quidem, sed rectangulus non est.

Rhomboides, qui neque latera neque angulos æquales habet, latera tamen opposita, & angulos oppositos æquales habet.

Solidum sive *corpus* dicitur, quod longitudinem, latitudinem, sive crassitiem habet, ut *tessera* sive *cubus*: Solidi verò termini sive extrema sunt superficies.

Axis diameter est ille, circa quem sphaera volvitur & circumducitur.

Poli Sphaera sunt extrema puncta axem in superficie terminantia, poli cardines & vertices vocantur.

Sphaera, dehniente Euclide, est, quando semicirculi manente diametro, circumductus semicirculus in seipsum rursus revolvitur unde inceptit coassumpta figura.


a | b

c / d

PRIMA



GLOBVS TERRESTRIS.





PRIMA PARS
DE IIS QVÆ
COMMVNIA SVNT
UTRISQVE GLOBIS.


CAPVT I.

QVID GLOBVS, QVÆ EIVS PAR-
TES, ET DE CIRCV-
LIS EXTRA GLOBVM.



GLOBVS, quod ad nostrum spe-
ctat institutum, vocamus analogicas cœli
terræque imagines. Analogicas autem di-
cimus, non solum propter formam, quia
Rotundi; ut sunt cœlum & terra cum in-
terfluo mari : sed præcipue quia cœli si-
dera suis imaginibus & Asterismis (Con-
stellationes vocant) expressa, terræque tra-
ctus & regiones, singula suâ proportionem,
magnitudine, & distantia expressa, nobis
exhibent : delineatis etiam ad eorum usum *circulis* tum *majoribus*
tum *minoribus*, quos in cœlo terræque congruè suis observatis con-
ceperunt artifices. *Circuli* autem *Majores* sunt, qui totam Globi su-
perficiem in æquales duas portiones dispescunt : *Minores*, qui in
duas inæquales dirimunt.

Globus vulgo etiam *Sphæra* nominatur. Id tamen inter utrumque discriminis
est, quod *Sphæra* proprie; armillaris sit, id est, globus non quidem solidus, sed ar-
millis, circulis atque orbibus artificialibus constans. Qui *Circuli*, quamvis re, ve-
ra tales in cœlo nulli sint, assumpti tamen ab artificibus in eum finem sunt, ut e-
orum



orum beneficio vera caelestium motuum historia cōmodius perciperetur. Quod de circulis, æquatore, Zodiaco, axibus ceterisque dicimus, idem quoque de reliquis orbibus eorumque hypothefibus accipiendum judicamus. Nā quod Rheticus

telcus olim & PETRVS RAMVS lib. 2 Schol. Math. veterum Ægyptiorum in astris scrutandis facilitatem obijciant, de eo quid censuerit ipsique Ramo aliquando præfens præfenti responderit nobilissimus Tycho, operæpretium est ex ipsius Epistolarum Astronomicarum lib. 1 pag. 60 cognoscere. ita enim ait: *Quod celeberrimus ille nostri ævi Philosophus Petrus Ramus existimarit, sine Hypothesibus per logicas rationes Astronomiam constitui posse, caret fundamento. Proposuit quidem ille mihi ante annos elapsos 16, cum Augusta Vindelicorum unâ effemus, hanc opinionem, & hortator simul erat, ut postquam per hypotheses siderum cursum in exactum ordinem redegissem, idem sine his sentire affectarem. Id enim fieri posse, hac ratione addita, existimabam, quod scilicet legisset, Ægyptios facillimam olim habuisse Astronomia cognitionem: Cumque hypothesium ratio difficilis & intricata videatur, oportuisse eos aliâ compendiosiore & planiore via siderum cursus cognovisse, ideoque citra omnes hypotheses. At ego illi resistebam, ostendens sine hypothesibus phenomena celestia non posse in scientiam certam redigi, neque ut intelligantur, excusari. Facilitatem verò illam Ægyptiacam saltem in æquatorijs Planetarum, quibus se à supputatione laboriosa liberarunt, cum ephemeridum expedita ratio nondum in usu fuit, extraxisse. Verum cum is, vir aliâ perspicaci ingenio præditus & veritatis si quis alius amans, penetrabilia artis hujus, non penitus perspexisse videretur veritatemque in motu siderum statis anni temporibus nequaquam recurrentem non animadvertisse, quicquam hac in parte obtinere ab ipso nec potui nec volui. Habet is plerisque adhuc affectus, qui idem fieri posse sperant, sed qui rem ipsam neque intelligant, neque unquam in effectum sint deducturi. Cum enim omnia constant numeris, ponderibus & mensura, sine his etiam, quicquam in mundo visibili explicari nequit. Hypotheses autem nihil aliud, quàm mensuram apparentis motus per circulum aliasque figuras ostendant, quas Arithmetica in numeros resolvit. Sine his si quis Astrorum motus comprehendere velit, fortunam quod dici soles invocat, & supramundanam extra hominum intellectum planeque incorpoream & plusquam Seraphicam rationem imaginetur, necesse est.*

Præter ipsa Globorum corpora, in quibus ea quæ diximus inscripta sunt, quæ Solida sunt rotunda, adhibetur utrique machina cum instrumentis quibusdam necessarijs ad eorum usum, quorum singula ordine explicabimus.

Machinæ fabrica sic habet. Primò basis est ad Globorum sustentationem, cui ad perpendicularum eriguntur sex columellæ, æqualis ad invicem longitudinis, quibus ad libellam insistit cyclus annularis, benè crassus & latus, basi parallelus, quem horizontem vocant, quod ejus superficies, quæ supera est, veri horizontis officio fungitur. Hæc enim ita est sita, ut Globi superficiem in duas æquas partes dirimat. Quarum altera quæ eminet, conspectam mundi partem nobis indicat: altera quæ deprimitur, inconspectam mundi partem denotat. Is autem circulus, qui conspectam mundi partem ab inconspicua dirimit, *Horizon* vocatur. Atque illud punctum quod in su-

Horizon.

D 2

pero

pero hemisphærio vertici imminet, æqualiter undiquaque ab horizonte semotum, *Zenith* vulgo vocatur: Arabes *Semith* vocant. Sed corruptum illud nomen obtinuit, ut vulgò reciperetur. Huic è regione in infero hemisphærio quod opponitur, *Nathir* vocant Arabes, vulgò *Nadir*. Hæc duo puncta Poli horizontis dicuntur.

In horizonte Globi materialis hæc adscribuntur ad oram. Primò duodecim Zodiaci signa. Quodlibet ex his in triginta minutiores partes dividitur, ut totus Horizō in 360 partes (quos gradus vocāt) dirimatur. Si gradus autem in 60 etiam partes divisus conspiciatur, quælibet earum scrupulum vel minutum dicitur, & ex simili minutorum dīvisione fiunt secunda, dehinc tertia, itémque quarta & quinta, &c, ex simili semper partitione.

Inter duodecim hæc signa loco medio certi characteres in eodem horizonte annotantur indicantes, hæc signa, quibus adscribuntur, pertinere ad domū planetæ illius characteris.

Quæ his proxima est Sectio indicat cuiusque hebdomadæ diem: post eam sequitur numerus dierum cuiusque mensis. Præterea Dies suis quique locis has habent sibi additas literas K.N.I. notantes *Kalendas*, *Nonas* & *Idus*: quibus utebantur Romani prisca ad significandum cuiusque mensis diem. Non enim illi, ut nos hodie, à 1 ad 30 aut 31, verum juxta *Kalendas*, *Nonas* & *Idus* dies accipiebāt. Primus cuiusque mensis dies illis erant *Kalendæ*, reliqui deinde *Calendarum* dies non antrosum sed retrogrado ordine numerabantur. Exempli gratia, dies ultimus Decembris, qui est 31, illis erat secundus *Calendarum* Ianuarij 30, tertius *Calend.* Ianua. idque eousque continuabant dum perveniretur ad *Idus*, qui 14 erat Decemb. 19 verò *Calend.* Ianu. Eadem servabatur in *Nonis* & *Idibus* ratio. Qui vero mensium plures aut pauciores habeat *Kalendas* aut *Nonas* ex ipso, quem diximus, horizonte intelligi potest; hisque insuper versiculis subindicatur:

Maius sex Nonas, October, Iulius et Mars:

Quattuor at reliqui, tenet idus quilibet octo.

Inde dies reliquos dic omnes esse Kalendas.

Glossæ, *Idus*, *μεσομήνην*.

Adscribitur item huic horizonti *Calendarium Romanum*, atque illud triplici forma. Antiqua, quæ etiamnum apud nos in usu. Recentior, à Gregorio XI & Papa instituta, quæ æquinoctia & solstitia restituantur ad eas sedes, quas tempore Concilij Niceni tenuerunt. Tertium restituit eadem æquinoctia & solstitia ad sedes, quas obtinuerunt tempore nativitatis Christi. *Calendarij* menses dividuntur in dies

in dies & septimanas, quibus adjiciuntur Characteres earum indices, nempe VII priores literæ Alphabeti Romani. Qui modus designandi mensium dies introductus est post tempora Concilij Niceni, autore Dionysio exiguo Abbate Romano. Extima horizontis ora in XXXII. partes dividitur pro numero ventorum, quos recentiores Nautæ in navigationibus observant, quibusque cœli plagas & regionum tractus solent designare. Antiquiores enim IV ventos numerabant: sequuti, eis præterea quatuor adjecerunt: deinde numerabant XII: postea introducti sunt XXIV, ut Vitruvius docet. Recentior ætas XXXII. numerat, quorum nomina Anglica itémque Latina in horizonte Globorum materialium exprimuntur.

Horizon aut est *rationalis* aut *sensibilis*: *Rationalis* seu *intelligibilis* spheram in superiorem & inferiorem partes æquales exactè dividit: *Sensibilis* aliàs *apparens* dicitur, quia videtur nobis cælum in duas æquales partes sive Hemisphæria dividere, cum id non exquisitè sed apparenter tantum faciat. Priorem, id est, *rationalem*, nonnulli etiam *artificialem* vocant, quod artis Astronomicę beneficio sit invetus.

Horizontis usus & Officium multiplex est. 1. dividit cælum in duo Hemisphæria, superius & inferius. 2. ostendit quæ stellæ sint perpetuæ apparitionis, quæ perpetuæ occultationis, quæ denique oriantur & occidunt. 3. ostendit causam æqualitatis & inæqualitatis noctium & dierum artificialium. 4. conducit ad inveniendam latitudinem loci. 5. Est causa habitudinis rectæ & obliquæ spherę de quo postea cap. 3.

Huic horizonti in duplici fissura circulus æneus insitit ad rectos angulos, ita ut hæc illæc per easdem fissuras circumduci queat, ut usus postulat. Hic vocatur *Meridianus*, quia altera ejus superficies, quæ in gradus 360 (ut & horizon) dividitur, veri meridiani vicem sustinet. Est autem meridianus, circulus major transiens per polos mundi itémque horizontis, quem cum Sol attigerit diurna revolutione in supero hemisphærio, medios dies, cum in infero, medias noctes efficit.

*Meridia-
nus,*

Hi duo circuli, Horizon & Meridianus, in cœlo terræque varij sunt & mutabiles pro locorum mutatione. Sed in Globis materialibus facti sunt simplices, constantes & invariabiles: Terra autem facta est volubilis, ut eidem Meridiano omnium locorum vertices applicari possint.

Officium & usus Meridiani, præter cetera, in hoc versatur: ut tempus semidiurnum & seminocturnum diei artificialis determinet: unde & ab hoc circulo diei initium ordiuntur Astronomi. Notatur in Meridiano Zenith à quo postea


distantiæ stellarum & circularum parallelorum colliguntur. 3 Longitudines & latitudines locorum ab eodem petuntur. 4 ostendit Solis & omnium stellarum maximam altitudinem seu elevationem, quæ Meridiana altitudo dicitur. 5 Meridiana Solis altitudo æquinoctialis elevationem Poli & sphaeræ habitudinem demonstrare potest. Nam circuli quadrans cum sit 90 graduum, si ergo meridiana Solis altitudinem in æquinoctio à 90 gradibus subtrahamus, reliqui gradus elevationem poli ostendit: exēpli gratia. Elevatio Solis Meridiana Amstelodami tempore æquinoctij sit graduum 38; ijs deductis à 90 relinquitur elevatio poli 52. Romæ æquinoctialis altitudo Solis est grad. circiter 48 quā sublatā de circuli quadrante, 90 nimirum, relinquitur Poli altitudo Romana 42 grad.

Axis.

Duobus hujus Meridiani punctis oppositis affixæ sunt extremitates stili per Globi soliditatem ejusque centrum trajecti. Harum extremitatum alteram, polum mundi Boreum sive Arcticum: alteram, Austrinum vel antarcticum: ipsumque stilum, *axem* vocant mundi. *Axis* enim mundi est dimetiens ipsius circa quam voluitur. *Axis* extremitates poli sunt.

Circulus horarius.

Alterutri polorum, cum postularit usus, adjungendus est circulus minutior, & ipse æneus, in xxiv æquas partes, seu bis 12 interstitia æqualia, divisus pro numero horarum integræ dici & noctis. Ideoque *circulum* nominant *horarium*. Hunc alterutri polorum ita oportet applicare, ut sectio utriusque horæ duodecimæ, tum mediæ dici tum mediæ noctis, veri meridiani superficiiei exactè congruat.




Index horarius.

Extremitati axis per centrum horarii circuli transeuntis adjiciendus est stilus minutior, quem *Indicem* vocant *horarium*, qui sic fabricatus

bricatus est, ut volutato Globo stilus axi adhærens per omnium horarum sectiones percurrat. Hunc indicem licebit circumquaque movere, & ad singulas horas horarij circuli, ejus cuspidem, ut libuerit, applicare.

Vfus circelli hujus & Indicis horarij est, ut horas ortus & occasus Solis noter. Quod in hunc modum fiet: Primum Globus constituatur ad poli elevationem ejus loci, in quo degis, deinde signum & gradus signi in quo Sol versatur meridiano applicetur: Index autem circelli horę sive interstitio duodenario superiori imponatur, atque ita moto globo cum dicto signi gradu ad horizontem Orientis, horam ortus Solis indicabit; ad horizontem verò occidentis, horam occasus Solaris dabit.

DE CIRCULO VERTICALI, QUI ALIAS QUADRANS DICITVR.



Quadrans è chalybe seu laminâ æneâ oblongus est juxtaque sphærę gibbositatem formatus, habens in longitudine quartam partem magni sive integri circuli; apraturque in hanc formam meridiano, ut omnium locorum Zenith accommodari queat, divisus ab extremitate versus summitatem, qua Meridiano affigitur, in gradus 90. vulgo *quartam altitudinis vocât.*

DE COMPASSO SIVE PIXIDE NAVTICA.

AD Globi pedem constituitur *compassus* sive *pixis nautica*: Cujus beneficio animadverti potest, nū rite & ad quatuor mundi plagas machina dirigatur.

CAPVT. II.

DE CIRCVLIS, QUI IN GLOBI SUPERFICIE DELINEANTVR.

SEQUVNTVR circuli in ipsa Globi superficie descripti. Primò æquali ab utroque polo distantia sive xc graduum intervallo delineatur maior circulus, qui vocatur *Æquinoctialis*, vel *Æquator*

Æquator, *Æquator*, ideo quia cum Sol in hoc circulo constituitur, dies noctibus ubique locorum adæquat. Hujus circuli revolutione definitur dies naturalis, *ῥυξὸς ἡμέραν*. Est enim *dies duplex: Naturalis & Artificialis*. *Naturalis* est spatium, quo integra æquatoris periodus absolvitur, & est xxiv. horarum. *Artificialis* est spatium, quo Sol superum percurrit hemisphærium, cui nox opponitur, cum scilicet Sol in infero fertur hemisphærio. Artificialis dies ejusque nox æquatur dici Naturali.

Diei partes horæ sunt, quæ vel *æquales* vel *inaequales*. *Æqualis* est vicesima quarta pars dici Naturalis: quo tempore quindecim æquatoris gradus supra horizontem emergunt & deprimuntur. *Inæqualis* est duodecima pars dici Artificialis, inter orientem & occidentem Solem. *Horarum partes* sunt *Minuta*. *Minutum* est pars sexagesima horæ æqualis: quo tempore quadrans unius gradus æquatoris sive minuta xv oriuntur & occidunt.

Officium & usus *Æquatoris* in his præcipue versatur, 1 quod ostendat æquinoctia, quæ fiunt illis ipsis diebus, quibus Sol incidit in circulum æquinoctialem: Quod fit Sole ingrediente primos gradus arietis aut libræ. Vnde Manilius:

Libra ariesque parem reddunt noctemque diemque.

2 dividit cælum in duas partes, quarum altera vocatur Septentrionalis, altera Meridionalis. 3 indicat ascensiones & descensiones Zodiaci. Vnde lōgītudo dici & noctis artificialis in quacunque habitatione observari potest. 4 ostendit quæ stellæ & partes Eclipticæ habeant aliquam declinationem.

Zodiacus.

Æquatorem in duobus punctis oppositis obliquè secat circulus etiam major, qui *Zodiacus* & *signifer* nominatur. Ejus obliquitatem primū intellexisse Anaximandrum Milesium Olymp. lviij refert Plin. lib. 2. cap. 8. Hunc in xii. partes (quæ Signa vocant) divisum cernimus, eaque Cleostratus Tenedius primus observasse dicitur ab eodem Plinio eodem capite. Harum quælibet in xxx rursus minutiores partes secatur, ut totus Zodiacus (sicut reliqui etiam circuli) gradus complectatur 360. Primam partem duodecimam ab altera intersectionum *Æquatoris* & *Zodiaci*, ab occidente ortum versus numerando, Aries occupat, secundam Taurus, &c. Sed dubitare jure poterunt rerum Astronomicarum imperitiores, propter quā causam primi triginta gradus, vel prima pars duodecima, totius Zodiaci, tribuantur Arieti, cum prima stella imaginis Arietis non minus

xxvii gradibus sequatur interfectione æquatoris & Zodiaci. Causa hæc est. Antiquiorum Græcorum temporibus, qui primi stellarum fixarum loca & sedes observarunt, easque suis asterismis expresse-
runt, prima Arietis stella ab ipsa interfectione vix modico intervallo distabat. Nam *Thaletis Milefij* ætate duobus gradibus antecede-
bat interfectionem. *Metonis* Attici tempore in ipsa stetit interfectione. *Timocharis* ævo duobus gradibus sequebatur. Ob hanc propinquitatē, primam partem Zodiaci antiquiores dederunt Arieti, secundā Taurō, & reliquis suo ordine. Eorum traditionem qui subsecuti sunt ad nostra usque tempora retinuerunt.

Thales Milefius primus æquinoctia atque Eclipses numeris præscripsit; floruit usque ad annum mundi 3370 ante Christi nativitatem 634 annis. *Meton* ante Christum natum annis 431 claruit anno mundi conditi 3517. Filius fuit Pausanix, vir magnæ in Astronomia eruditionis. Proposuit cyclum deceni novennalem: cujus primum novilunium fuit decimo tertio die Scirophorionis, qui nobis est dies 26 Iunii, feria sexta. Vide *Diodorum Siculum*. *Censorinus* de eo hæc habet: Præterea sunt anni magni complures: ut *Metonicus*, quem *Meton Atheniensis* ex annis undeviginti constituit &c. *Timocharis* natione Alexandrinus fuit vixitque anno ante Christum 300.

Sub hoc circulo Sol reliquique Planetæ suos motus peragunt, suo quisque modo & tempore periodum absolvens. In medio Zodiaci spatio Sol suū iter peragit: ad ejus cursum ecliptica describitur. Cæteri ab ecliptica sive Solis cursu, suas habent in latitudinem aberrationes. Propter eorum digressiones Zodiaco latitudo tribuitur apud antiquiores graduum xii. Recentiores propter Martis sed præcipuè Veneris evagationes binos utrinque gradus adjecerunt, ut tota ejus latitudo gradibus xvi definiatur. Sed ecliptica sola in Globis delineatur, eaque in 360 gradus divisa, ut reliqui circuli.

Zodiæus secundum latitudinem dividitur bifariam per eclipticam, quæ est peripheria sive circumferentia sub qua Sol perpetuo incedit: unde & via Solis & orbita Solis dicitur, des *Sonnen Strikel*: & κύκλος διαμέσων τῶν ζωδίων, id est, circulus per medium signorum, hoc est bifariam dividens latitudinem signorum. Ecliptica dicta est quasi in ea defectus, quia Lunæ & Solis defectus fiunt ijs sub hæc linea conjunctis vel oppositis.

Hanc Sol annuo motu percurrit, singulis diebus gradū ferè unum medio motu conficiens, hoc est l ix minuta, viii secunda, bis æquatorem pertransit, indeque æquali utrinque intervallo discedit. Cum æquatorem pertransit in principio Arietis & Libræ constitutus, fi-

E. unt æ-

unt æquinoctia, & dies nocti æquatur. Cùm longissimè ab æquatore discesserit, & initium Cancrì aut Capricorni attigerit, Solstitium fit & Bruma. Aliam scio mentem (at ab alia causa) Vitruvio, Plinio, Theoni Alexandrino, Censorino, & Columellæ: cùm docent, æquinoctia fieri Sole percurrente octavum gradum Arietis & Libræ, solstitium & Brumam, cùm octavum item gradum Cancrì aut Capricorni occupaverit. Hi enim solstitia definierunt retrocessione umbrarum gnomonum, umbra autem non percipitur retroagi, ut Theon docet, antequam Sol octavum gradum Cancrì aut Capricorni attigerit. Hinc etiam æquinoctia octavis gradibus Libræ & Arietis tribuerunt.

Officium & usus Zodiaci hic est: 1. Est via & regula seu mensura motus proprii planetarum. 2. Beneficio Zodiaci vera loca omnium stellarum inveniuntur; item sciri potest, in quo signo stellæ fixæ vel planetæ esse dicantur. 3. ostendit latitudines planetarum & stellarum fixarum. 4. sub Zodiaco seu ecliptica fiunt eclipses Solis & Lunæ. 5. obliquitas eclipticæ est causa inæqualitatis dierum & noctium artificialium.

Annus.

Spatio, quo Sol Zodiacum percurrit, Annus definitur, est autem illud dierum 365 cum quadrante, paulo minus. Accuratum enim hujus periodi tempus qui quærunt, frustra quærunt. Inæquali enim tempore absolvitur. Magna de hoc tempore controversia inter antiquiores, nondum apud recentiores definita. Philolaus Pythagoræus statuit dierum 365. Reliqui omnes huic tempori aliquid adjecerunt. Harpalus definivit diebus 365 & dimidio. Democritus 365 cum quadrante & centesima sexagesima quarta parte. Oenopides diebus 365, horis 9 fere. Meton Atricus statuit anni quantitatem dierum 365 hor. 6. m. 19 fere. Post hunc Calippus ad dies 365 & quadrantem reduxit, quem secuti Aristarchus Samius & Archimedes Syracusanus. Ad eorum mentem Iulius Cæsar descripsit annum civilem, edoctus (inquit Dion) ab Alexandrinis, adhibito (ut ferunt) in consilium Sosigene Peripatetico magni nominis Mathematico. At majorem justo anni quantitatem hi omnes præscripserunt præter Philolaum, qui defectu aberravit. Minorem enim diebus 365 & quadrante, evincunt accuratiores omnes omnium temporum & artificum observationes. At quantò hoc spatium excedat justam anni quantitatem, non est adeo facile explicatu. Hipparchus eumque secutus Ptolemæus voverunt eximendam trecentessimam partem diei, ut non rectè monuerit

erit Iacobus Christmannus, annum Tropicum ex Hipparchi & Ptolemæi sententia constare diebus 365, & trecentesima parte. Statuunt enim ij minorem diebus 365 cum quadrante, diei unius trecentesima parte, ut patet 2. cap. lib. 3. Almag. Ptolemæi, & ipse Christmannus alibi rectè advertit. Hanc anni quantitatem justam, perpetuam & immutabilem voluit Ptolemæus. Neque Hipparchi de inæquali periodi solaris restitutione observata, contrarium persuadere poterant. At eorum qui secuti sunt observationes, cum Hipparchi & Ptolemæi observatis collatæ, contrarium probant. Albategnius adimit sexcentesimam partem diei. Indi & Iudæi partem centesimam vigesimam : Persæ centesimam decimam quintam, ad quorum mentem Messalah & Albumasar conscripserunt tabulas medijs motus Solis. Azaphius, Avarius & Arzachel dixerunt excessum hunc esse centesimæ tricesimæ sextæ partis diei. Alfonso eximit centesimam vicecentimam secundam partem diei. Alij centesimam vicecentimam octavâ, Alij centesimam tricesimam demunt. Qui nuper Calendarium Romanum restituerunt, centesimam tricesimam tertiam partem ferè eximendam voluerunt, quadringentis annis tres dies integros accrescere arbitrati. Copernicus centesimam decimam quintam partem diei huic tempori deesse deprehendit. Rectè igitur Censorinus ait, annum complecti dies 365, & portionem nescio quam Astrologis adhuc inexploratum.

Ex ijs Dion erroris planè ridiculi convincitur : qui in annis 1461 Julianis arbitratur diem integrum deficere ad justam anni quantitatem, quem intercalandum vult, ut annus civilis Iulianus accurate congruat Solaribus revolutionibus. Gravius etiam aberrat Galenus, magnus ille Medicorum princeps, qui arbitratur annum esse dierum 365 cum quadrante, & præterea partis cujusdam propemodum centesimæ, unde in singulis annis centesimis sequeretur nova intercalatio integræ diei.

Aequinoct. et solstit. mutatio.

Quoniam autem annus Iulianus (qui à Iulio Cæsare institutus, & post ejus tempora receptus, hodie est in usu) aliquanto majorem justo quantitatem obtinet, hinc fit, ut æquinoctia & solstitia antiquas in Calendario sedes anteverterint. Annis circiter 432 ante incarnationem Christi, æquinoctium vernum à Metone & Euctemone observatum, in viii. Kal. Aprilis vel xxv Martij, secundum computum

anni Iuliani, hæſſiſſe deprehenditur. Anno cXLVI ante incarnationē, ex Hipparchi obſervatis ad xxiv ejuſdem menſis vel ix. Kal. referendum eſſe conſtat. Hinc patet Soſigenis (utut magni Mathematici) error, qui c. amplius poſt Hipparchum annis, in ordinatione Calendarij Iuliani idem æquinoctium ſtatuit in xxv. Mart. vel viii Kal. April. quem locum propemodum cccc annis ante ejus tempora occupare debuiffet. Atque hic error Soſigenis ad poſteros etiam dimanavit, unde Galeni tempore (cc paulo minus poſt Cęſarem annis) æquinoctia circa xxiv dies menſium Romanorum, Martij & Septembris, inſigniri ſolita, autor eſt Theodorus Gaza. Anno incarnationis Chriſti factum eſt x. Kal. ſive xiiii Martij. Annis cxi poſt incarnationem, Ptolemæus obſervavit xi. Kal. Tempore Concilij Nicæni circa annum Chriſti cccxxviii hæſit in die xxi Martij, vel xii Kal. April. Oſtingentefimo triceſimo primo poſt incarnationem anno, Thebit Benchorah obſervavit æquinoctium verum die xvii Martij. Alfragani ætate hæſit in xvi Martij. Arzachel Hiſpanus milleſimo nonageſimo anno obſervavit Id. Mar. ſive die xv ejuſdem menſis. Anno mcccxvi obſervatū eſt die Martij xiii. Noſtra ætate ad xi & x ejuſdem menſis devenit. Ita ut annis circiter mille viginti duobus, non minus diebus xiv antiquas ſedes anteverterint. Tempus item ſolſtitij à Metone & Euctemone obſervati annis circiter 388, ante natalem Domini congruit xxviii Iunii, ut docent Joſephus Scaliger & Jacobus Chriſtmanus. At noſtris temporibus in xii ejuſdem menſis deprehenditur.

Coluri Solſtitiorum & æquinoctiorum.

Eclipticam & Æquatorem tranſverſim ſecant duo circuli, majores item, qui *Coluri* vocantur. Vterque per mundi polos tranſit & æquatorem rectè ſecat. Alter per utriuſque interſectionis puncta tranſit, & vocatur Colurus æquinoctiorum: Alter per puncta maximæ diſtantię, & Colurus ſolſtitiorum nominatur.

Colurorum in genere officia communia ſunt, 1. oſtendere quatuor principalia puncta Zodiaci, in quibus propter motum Solis maxime temporis mutationes ſiunt: Quorum punctorum duo in equatore ſunt *aries* nimirum & *libra*, conſtituentia colurum æquinoctiorum; & duo in Tropiſis, *Cancer* & *Capricornus*, qui efficiunt colurum ſolſtitiorum: 2. diſtinguere æquatorem, Zodiacum & totum cælum in quatuor æquales partes. Cujus rei uſus in loco de ſignorum aſcenſionibus præcipue patet.

Differunt

Differunt inter se coluri quod *Colurus solstitialis* transeat per polos Mundi & *Zodiaci* simul: *Aequinoctialis* transeat per polos Mundi tantum.

Vtrumque Colurorum, ut & æquinoctiorū puncta, ab antiquis quæ in cælo tenuerunt sedibus discessisse, qui motus cœlestes diligentius speculati sunt, facile adverterunt, siue stellæ fixæ progressæ sint in antecedentia secundum signorum ordinem, ut Ptolemæo placuit, vel puncta æquinoctiorum & solstitiorum retrocesserint in consequentia contra ordinem signorum Zodiaci, ut voluit Copernicus.

Quid de hac Æquinoctiorum processione ac sententia Ptolemæi ac Copernici censuerit olim Iosephus Scaliger, cum illustrium Ordinum Hollandiæ rogatus electi essent arbitri super questione quapiam mathematicâ; atque ipse in illis esset, expressit in Epistola quadam ad Isaacum Casaubonum, quæ edita est postmodum Lutetiæ Parisiorum cum alijs aliquot ejusdem epistolis atque opusculis: Quid item Tycho noster statuerit, exstat in Progymnasmatibus inſtauratae Astronomiæ pag. 255. Sed primum ponam verba & sententiam Scaligeri: atque inde Tychonis aliaque subjungam. Scaliger ita loquitur:

Altera literæ tuæ postridie mihi redditæ sunt, postquam priores accepi. Tū illis meministi cujusdam, qui Magnetica cuspidis directionem proficitur. Multi hoc conati sunt, conanturque quotidie maximis ab Ordinum illustrium consilio propositis premijs. Quidam obtulerunt epicheiremata sua: capti sunt de ea arbitri. Ego unus in illis fui: in quibus Mathematici & nautæ peritissimi. Sed qui eorum Mathematica profitebantur, illi τῶν ναυτικῶν ἀπείροι, οἱ δὲ ναυτικῶν ἀναπρόδοχοι erant. Præterea auctores illi, de quibus sententiam ferre debebamus, nihil tanto hiatu dignum præstiterunt. Quidam Anglus ante triennium libro de Magnete edito nihil dignum expectatione ea, quam excitarat, protulit. Ego sæpe proposui Mathematicis his, qui hic profitentur, rem, quam ipsi nunquam concoquere potuerunt, risu & ludibrio exceperunt. Hipparchus primus omnium rem joculari & ridiculam excogitavit, motum, inquam Octavæ spheræ in Occidentem; & stellæ in Occidentem promoveri eodem situ, ordine, intervallis servatis per-suasit Ptolemæo, Ptolemæus ita confirmavit, ut posteritati de eo dubitare religio fuerit. Primus omnium memoria patrum nostrorum, alter Astrologia vindex Nic. Copernicus odoratus est futilitatem epicheirematis Hipparchei. Et non octavam spheram in Occidentem, sed æquinoctialia puncta αἱ τὰ ἀεὶ ἰσημερια procedere animadvertit: idque vocat ἀεὶ ἰσημεριῶν πλῆθος. Hanc præclaram animadversionem publicatam, nulla demonstratione eorum, qua ex illa pendere necesse est, illustravit. Sed rem nudam tantum

E 3

proposuit,

proposuit, nos vero animadvertimus stellas, ut fabulantur Hipparchus & Ptolemæus, eis τὰ ἐσόμενα progressas nunquam fuisse: & τὴν κινήσασθαι 4 temporibus Eudoxi eodem intervallo à polo mundi propius abesse, ut hodie. ejusque rei exempla collegimus. Quibus animadversis præcessio æquinoctiorum concedenda est. Nam alterutrum concedendum, aut τῆς ὁρῶντος σφαίρας eis τὰ ἐσόμενα κινήσθαι, aut τῶν ἰσημερινῶν κέντρων eis τὰ ἀστρογόμενα μεταβάσθαι, alterum nō esse vincit ἢ ἀκίνητὰ τῶν ἀπλανῶν ab Eudoxi temporibus. Ergo alterum est. Sunt igitur præcessionēs æquinoctiorum; quas non potuit demonstrare summus ille ἄνθρωπος, si ex τῶν φαινόμενων, ex quibus tam potest defendi alter motus, quam præcessio. Iam habemus ἀστρογόμενον ἰσημερινόν. Quid est? τῶν ἰσημερινῶν κέντρων εἰς τὰ ἀστρογόμενα κινήσις. Punctorum æquinoctialium in antecedentia motus, si moventur puncta æquinoctialia, circulus autem æquinoctialis ad illa puncta describitur, ergo circulus æquinoctialis mobilis est, quod vero verius. Si circulus æquinoctialis mobilis, & polus quoque ejus mobilis est. Itaque polus circuli æquinoctialis erit alius à polo mundi. Polus enim mundi ἀκίνητος, iste κινήσας. Præterea omnes meridiani transeunt per polos æquinoctialis, & in superficijs lapidum linea meridiana, quæ ad collocanda horologia solaria designatur, ea intelligitur per polos æquinoctialis transire, quod & omnes fatentur, & verum est. Sed quia poli æquinoctialis circuli sunt mobiles, & lineæ quoque meridiana, quæ per illos transeunt, sunt mobiles. Ac propterea necesse est, ut post aliquot annos linearum meridianarum usus nullus futurus sit, ad designandas horas, & iterum capienda erit linea alia meridiana, & reformandus situs horologij, non horologium ipsum. Concludamus, horologia solaria post aliquod tempus fidem decoquere, nisi instauretur linea meridiana. Hoc Mathematicæ ipsa κίησις ἀποδείξει convincit. Sed præter id, habemus, præclara veterum exempla, quæ vincunt post aliquot annos horologia non respondere prioribus designationibus, quæ quidem omnia studiose collegimus. His ita demonstratis ego proposui istis Mathematicis, ut quia totum negotium magnetica cuspidis versatur circa meridianos, consideraret, an hac doctrina à nobis primis prolata aliquam viam huic rei munire possit. &c. Hactenus Scaliger, Nunc Tychonem audiamus, Inæqualitatis, inquit, circa motum inerrantium stellarum, sive ut Copernicus loquitur, anticipationis æquinoctiorum rationes, quas ille admodum ingeniosè & subtiliter speculatus est, ut omnium antecessorum inventa tueretur atque conciliaret, nequaquam rectè constare, vel hi septuaginta ab ejus prima observatione in Spica virginis elapsi anni testantur, in quibus multo celcior est reddita æquinoctiorum reciprocatio,

catio, aut stellarum promotio, quam ille futuram putabat, adeo ut cum nunc in posterum centum circiter annis, unum gradum conficere deberent, in 70 illum absoluant, anni etiam quantitate, nequaquam ita tarda existente, ut ipse putavit, velut ex ijs quæ priori capite tradidimus, liquet. Hac enim duo apud Copernicum, quasi invicem coherent, ut tardissimus sit fixarum motus, quando anni quantitas maxima est. Verum præsentium annorum accurate observationes hæc elidunt, cum ipsius periodicis restitutionibus non corresponsdeant.

Hæc duo illustria seculi nostri lumina Tycho & Scaliger: Quibus addi potest Gulielmus Colcectrensis Anglus, Medicus Londinensis, qui libro 6 de Magnete præcessionem æquinoctiorum mavult a magnetico motu polorum telluris deducere. Est autem ille ipse quantum colligo, Anglus quem supra tetigit Scaliger. Eum vide libro 6 jam indicato Capite octavo.

Prima Arietis stella, quæ Metonis Attici tempore in ipsa intersectione vernali fuit, Thaletis Milefsij tempore eandem intersectionem duobus gradibus anteceffit. Timocharis ætate 2 grad. 24 m. sequebatur. Hipparchi ævo 4 gr. 40. m. Albumasis 17. gr. 50. m. Albareni 18. gr. 10 m. Arzachelis 19. gr. 37. m. Alfonsi 23. gr. 48 m. Copernici & Rhæticici. 27. gr. 21. m. Hinc Francisci Barocij error deprehenditur, qui voluit primam Arietis stellam tempore natalis Christi intersectione verna hæsisse: præsertim verò quòd ex Ptolemæi observatis illud contendit; è quibus non minus quinque gradibus secutam esse comprobatur.

Eodem modo & solstitiorum sedes mutatae sunt, quia æquali semper spatio ab æquinoctiorum punctis distant. Hanc motionem fieri super polis eclipticæ Ptolemæus, ante eum Hipparchus, & ij omnes qui secuti sunt, fatentur. Qua de causa stellarum fixarum latitudo eadem semper manet, declinationes autem mutantur. Multa hujus rei testimonia petantur ex c. 3. l. 7. Alm. Ptolemæi. Vnicum cæteris magis insigne proferam ex 7. c. l. 1. Geograph. Ptolem. Stellam quam vocamus Polarem, in extremitate caudæ ursæ minoris, nostra ætate vix tribus gradibus à polo remotam certissimum est: hanc tamen Hipparchi tempore 111 amplius gradibus distantem Marinus apud Ptolemæum docet. Integrum locum profero. In Zona torrida Zodiacus totus super ipsam fertur, quare utrinque projiciuntur umbrae, & omnia astra oriuntur & occidunt. Sola Vrsæ minor tota supra terram apparere incipit in locis Ocei Borealioribus 500 stadijs. Parallelus enim per Oceum grad. 11 & duabus quintis ab æquatore distat. Ab Hipparcho autem traditur minoris ursæ stellam Australissimam, in ipsa cauda extremam, à polo distare gradibus 12 & duabus quin-

bus quintis. Pulcherrimum hunc locum interpretes malè vertēdo turpissimè deformatunt (quod post Ioannem Wernerum advertit etiam P. Nonius) pro quingentis stadijs *quinque mille*, pro *Australissimam* reponentes *Borealissimam*: decepti fortassis, quòd nostro ævo borealissima sit. Si Marini & Ptolemæi fidem in hac re suspectam habeant, Strabo 2. l. Geogr. liberabit eos hoc crimine. Sic autem scribit. *Ait ergo Hipparchus, eos qui in Cinnamoniferæ parallelo habitant (qui à Meroe versus Austrum abest 3000 stadijs, rursumque ab hoc æquinoctialis 8800) proxime omnino abesse à situ medio inter æquatorem & æstivum tropicum, qui per Syenem transit (quæ à Meroe abest 5000 stadijs, apud hos autem primos ursam minorem totam arctico circulo includi, nunquamque occidere, nam stellam in extrema canda lucidam (quæ maxime versus Austrum vergit) in ipso circulo ita collocari, ut horizontem tangat.* Hæc Strabo, eadem plane mente, quæ Ptolemæus & Marinus, nisi quod ex Eratosthenis sententia tum hîc tum alibi semper 700 stadia uni gradui in terra tribuit, cùm Marinus & Ptolemæus 300 solum stadia congruere faciant, de qua re postea agamus.

Vide cap. 5 partis quartæ & præsertim cap. 14 ejusdem partis.

Sequuntur circuli minores in Globis delineati. Hi omnes æquatori sunt paralleli. Primo Tropici, qui per puncta maximæ declinationis eclipticæ ab utraque parte æquatoris ducuntur. Qui ad Boream vergit, Tropicus Cancrî; qui ad Austrum, Capricorni dicitur. Sol enim annuo motu eclipticam percurrens, cum ad terminum maximæ ab æquatore distantia pervenerit, retrocedit æquatorem versus. Hunc retrocessum *ὑποχώρησις* Græci vocant, & parallelos circulos per initia retrocessionis ductos, Tropicos nominant.

Tropicus
Cancrî &
Capricorni.

Ufus & officium Tropicorum est, 1 ut monstrent, quando Sol in Sphærâ obliquâ puncto nostro verticali sit proximus, & quando sit remotissimus. 2 ut ostendant, quando Sol suo motu diurno diem totius anni vel longissimum vel brevissimum efficiat. 3 ut sint veluti limites includentes in cælo regionem intra quam Sol perpetuo movetur. 4 ut separent in cælo Zonam torridam à duabus temperatis.

Tropicorum ab æquatore distantiam variè immutatam esse, ex collatis veterum & recentiorum observatis facîle constat. Vt enim mittamus Strabonem, Proclum, & Leontium mechanicum, qui distantiam alterutrius Tropici ab æquatore graduum 24 posuerunt (neque enim satis accuratè tractasse videntur) ex accuratioribus maximorum artifi-

cum

cum observatis hoc ipsum licebit deprehendere. Ptolemæus enim alterutrius Tropici ab æquatore distantiam 23. gr. 51. & tertiam partem invenit, quantam ante eum Eratosthenes & Hipparchus, ideoque immutabilem existimavit. Machometes Aretensis distantiam hanc observavit 23. gr. 35. m. quantam ante eum Almamon Arabum Rex. Arzabel Hispanus 23. gr. 34. m. Almehon filius Albumasaris 23. gr. 33. cū dimidio m. Prophatius Iudeus 23. gr. 32. m. Purbachius & Regiomontanus 23. gr. 28. m. Ioannes Wernerus 23. gr. 28. cum dimidio m. Copernicus 23. gr. cum dimidio m. deprehendit.

Hæc Tropicorum ab æquatore distantia fit ob Solis, quam Astronomi appellant, declinationem maximam. Quæ Solis maxima declinatio diversa diversis temporibus inventa fuit. Nam à primis temporibus, quantum fieri potuit, per olympiades & annos Christi adusque nostra seu tempora Tychonis calculum deducentes talem invenimus circa gradus & minuta, cuiusmodi in tabella sequenti proponitur:

<i>Aratus,</i>	24,	0	0	Olympiade	124.	
<i>Hipparchus</i>	23,	51	$\frac{1}{2}$	Olympiade eadem.		
<i>Eratosthenes.</i>	23,	51	$\frac{1}{2}$	Olympiade	127.	
<i>C. Ptolemæus</i>	23,	51,	20	Anno Christ.	140.	
<i>* Albategnius</i>	23,	35	0	Anno Christ.	749.	* <i>Alia.</i>
<i>Airabel</i>	23,	34	0	Anno C. N.	1070.	<i>Mahome-</i>
<i>Alcmeon</i>	23,	33	0	Anno C. N.	1140.	<i>ica Aret-</i>
<i>Prophatius Iudeus,</i>	23,	32	0	Anno C. N.	1300.	<i>ensis.</i>
<i>Purbachius</i>	23,	29.	30	Anno C. N.	1458.	
<i>Regiomontanus</i>	23,	30	0	Anno C. N.	1490.	
<i>Copernicus</i>	23,	28.	30	Anno C. N.	1500.	
<i>Tycho Brahe</i>	23,	31	$\frac{1}{2}$	Anno C. N.	1592.	

Quibus addenda sunt Tychonis hæc verba ex lib. 1. de stellâ novâ anni 1572 pag. 101: *mutari declinationem maximam, & ob id quoque reliquas intermediâs, diutina temporum labente serie ab artificibus compertum est, adeo ut ea circa ævum Ptolemæi & aliquot præcedentium Astronomorum fuerit p. 23. 51. nec unquam majorem deprehensam, nîlis veterum monumentis constât.* Vnde colligere est Aratum, qui primo loco ponitur, & grad. 24 assignavit, lato modo &, quemadmodum author de Strabone, Proclo & Leontio mechanico refert, minus accurate hæc tractasse.

Circuli Arct. & Antarct.

Tantâ ab utroque polo distantia quanta est Tropicorum ab æquatore, ducuntur duo circuli minores, qui à polis ad quos accedunt

F.

sumpse-

*Circulus
Arcticus
& antar-
cticus.*

*Poli Eclip-
tica.*

sumpserunt nomina; ut alter dicatur circulus Arcticus vel Borealis; oppositus autem, Antarticus vel Austrinus. In his circulis *poli eclipticae* siti sunt, ubi Colurus solstitiorum eos interfecat. Strabo, Proclus, Cleomedes Græci, & quidam Latinorum certam aliquam distantiam hisce circulis à polis non attribuunt; varios faciunt & mutabiles pro diversa poli elevatione, sive inclinatione sphaeræ: ut alter describi concipiatur intervallo poli manifesti ab horizonte; & erit maximus parallelorum semper apparentium: alter æquali ab infero polo distantia; & est maximus semper latentium.

Arcticus & Antarticus circuli ostendunt, 1 polos Zodiaci, eorumque distantiam à polis *Mundi*, 2 distinguunt Zonas frigidas à temperatis & una cum Tropici totum primum mobile in quinque partes seu regiones, quas *Zonas* vocant, dividunt.

Circuli verticales.

*Circuli
verticales.*

Præter hos circulos in Globis expressos, in familiari usu sunt rerum coelestium observatoribus, circuli quos vocant Verticales. Hi majores sunt circuli, quot libuerit, à vertice ad horizontem ducti. Arabes circulos Azimuth vocant, quo etiam nomine ut plurimum vulgo appellantur. Horum officium in Globorum usu præstabit quadrans circuli ænei in 90 partes divisus. Hunc vertici cujusque loci, cum postulat usus, oportet adjungere, ut terminus 90 à vertice graduum horizontem ubique attingat. Hic mobilis factus est, ut vertici cujusque loci affigiqueat. Vocant quadrantem altitudinis.

*Quadrans
altitudinis.*


Arcticum & antarticum circulos mutabiles seu mobiles esse Iosephus Scaliger se primum ex veterum, & præsertim Græcorum, mente commonuisse asserit in Commentarijs Manilianis, à se ante obitum recognitis atque evulgatis. Nec existimat, nisi Latinum aliquem scriptorem & quidem recentiorum quadringentis annis, imo vix ante Sacroboscum immobiles eos quempiam statuisse. Sed cum multa præclara eo loco a Scaligero indicata concurrant, & rem ob oculos per demonstrationes ponat, operæ prætium existimavi, quia & author obiter de eodem mentionem injicit, si Scaligeri sententiam, & quidem ipsius verbis, hic apponerem: Ait itaque ad illos versus Manilij lib. 1 Astronomici:

Circulus ad Boream fulgentem sustinet arcton,

Sexque fugit solidas a celi vertice partes:

Ait, inquam, in hunc modum: Describuntur circuli Æquinoctiali paralleli xc. ij erunt, quos Geminus vocat αειφωρεῖς. Is autem, qui punctum *O-
rizonis* ad communem intersectionem Meridiani & *Orizonis* tanget, erit
μέγας

μῆκος τῶν ἀειφανερῶν ac proinde Arcticus illius loci. Quia verò horizon-
tes mobiles, sic & Arctici mobiles. Ita in climate Cnidi, ubi polus ad xxxvi
grad. attollitur, Eudoxus scripsit Arcticum circum totidem partibus a polo
mundi distare. In alio climate alius erit, nempe pro ratione ἐξαρματ, id est,
elevationis polaris. Hipparchus : ὁδ' ἐν Αθῆναις αὐφανὴς κύκλος ἀπὸ τοῦ πό-
λου τῆς πόλεως πρὸς τοὺς μείζους λς. ὁδ' ἐν Ρόδῳ πρὸς τοὺς μείζους λς. & quāta erit altitudo loci, in
tantum à polo distare punctum illud necesse est, cuius intervallo circulus Ar-
cticus describitur. Itaque vetustissimi Græci Arcticum circum definierunt
τὸ ἀρκικώτατον σημεῖον τῶν ὀρίζοντων, vel, τὸ ἀρκικώτατον τῆς οἰκίας σημεῖον. I-
ta circulus Arcticus nihil aliud est, quam punctum habitationis, quod finito-
rem propius tangit. Nam punctum circinationis commune cum horizonte ha-
bet. In hoc differunt, quod centrum Arcti-
ci circuli est polus Mundi: Centrum ho-
rizontis est punctum verticale seu zenith
loci. A F D E est horizon. A G C H, circulus
Arcticus. A D, Meridianus. A, intersectio
communis horizonis & Meridiani, ubi
& contactus seu commune punctum cir-
cinationis. D, Polus; C, Zenith loci. I, op-
positum punctum diametri circuli Arcti-
ci. Quod si poli elevatio xlv grad. absolu-
te fuerit, ut Vienna Allobrogum, tunc pun-
ctum I, idem erit cum C, hoc est, opposita
pars peripherie Arctici premet Zenith
loci. Sin fuerit minor xlv grad. Zenith erit extra circum: si maior, intra
circulum. Ita fiet, ut quo propius Æquinoctialem accedetur, eo minores fiant
circuli. Contra, majores, quo longius ab ipso receditur: sub Æquinoctiali au-
tem, id est, sphaera recta, nulli porus sunt Arctici. Pytheas scripsit habitantibus
Thulen Tropicum esse vicem Arctici. Sive igitur intra Arcticum erit, sive
extra, tantum à puncto I, distabit, quanta est differentia elevationis poli ab e-
levatione Æquinoctialis supra horizontem loci. Exempli gratia: Roma polus
attollitur grad. 41. Ergo Æquinoctialis attollitur ad 48. 20. Differentia, 7.
40. Proinde Zenith Romæ extra circum à sui Arctici circumferentia distat
grad. 7. 40. Sic habitantibus Thulen ea distantia est grad. xlii. 11, utpote qui-
bus polus est grad. 66. 30: Tropicus autem radis punctum intersectionis com-
munis. Quare Martiano Capella Arcticus circum definitur semper appa-
rens, & contingens confinia Finitoris nunquam merfus assurgēs. Con-



finia Finitoris dicit intersectiones horizontis & meridiani in σημείοι ἀρκτικῶν.

His ita positis videmus, quot habitationes, tot circulos Arcticos esse, non fixos, non ἀμεταβάτους, sed pro locorum differentia alios atque alios. Multum igitur errant recentiores, qui in Sphæra mechanica illum apponunt & alium à veterum descriptione, quum illum à puncto poli Ecliptica circa polum Mundi describunt. Nam talis Arcticus non potest esse, nisi eorum, quorum inclinatio tanta, quanta maxima Solis declinatio: ut accidit ijs, qui Syenem Niloticam habitant. Illis enim polus attollitur ad grad. 23. 30. His animadversis, Circulus Arcticus non potest in Sphæra mechanica locum habere, nisi Sphæra ad loci inclinationem fabricata sit. Aliter nullus est circulus Arcticus. Quum ego hac in Aquitania de Circulo Arctico proposuissem, ubi multi docti, indoctique, nobiles paedagogique erant, non potest dici quanto sibilo exceptus fuerim. Quum eorum pertinacia meam constantiam non obtunderet, pene vapulaui. Tandem victi dixerunt, illum circulum esse utilem ad Zonas distinguendas. In quo maiorem risum mihi sustulerunt. Nam Zona locum hodie non habent in nobis, quibus totus orbis navigationibus Lusitanorum & Hispanorum patefactus est. Cujus rei gratia verba Strabonis consultanda horum Mathematicorum sententia adduxi: ὃ δὲ Πολύβιος ἐκ εὐ, τοιοῦτον τινα ζώνας τοῖς ἀρκτικοῖς διακρίναι, δύο μὲν τὰς ὑπερπληθύνουσιν αἰσίοις, δύο ἢ τὰς τέτρων καὶ τῷ ἑσπερικῶν. εἰρηται γὰρ ὅτι τοῖς μετὰ πῆλυσιν σημείοις ἐκ ὁρατῶν τα ἀμεταβάτω. Itaque friget eorum Philosophia. Sed impudentia adhuc finis non est. Vix invenias ex istis, qui mathematica profitentur, quibus non videamur insanire, si in doctrina circulorum diversa à Iohanne Sacrobosco sentiamus. Quidam tamen nuper priore editione Manilij monitus, obiter & quasi invitatus dicit alium usum fuisse veteribus Arcti corum circularum &c. Et post pauca: Quis auctor tam ridiculi commenti fuerit, nihil aliud possum dicere, quam Latinum scriptorem fuisse, & quidem recentiore quadringentis annis. An alius ante Sacroboscum id professus sit, nescio. Certe in presentia antiquior non succurrit. Vt igitur nostri errant, qui immobilem Arcticum constituunt contra veterum mentem: ita veteres illi, & post illos nostri castigandi, qui illum circulum tribus reliquis parallelum constituunt, quum paralleli circuli in sphæra polum eundem cum ipsa babeant. At polus Arctici semper est idem cum sphæra polo. Polus reliquorum trium variat, ut puncta tropica & æquinoctialia. Equinoctialia enim & Tropica antevertunt loca in Zodiaco, ita ut in aliquot annis unum gradum in antecedentia promoveantur. Circuli autem Equinoctiales & tropici nulli alij sunt, quam qui ad illa puncta mobilia describuntur. Mobiles sunt

les sunt & proinde eorum poli mobiles quoque. Pro istis quoque vapulabimus priusquam longa dies hominibus hoc persuadebit, apud quos vis rationis nihil potest.

Hæc Scaligeri & veterum de Arcticiis circulis sententia fuit. Quam nuper Iohannes Pincierus, vir eruditissimus lib. 2. Cap. 13 Parergorum Otij Marpurgenfis ita excussit ac refellere conatus est.

Arctici, inquit, circuli descriptio à Proclo reddita talis est : Arcticus circulus omnium qui perpetuo conspiciuntur, maximus est, attingitque horizontem uno puncto totusque supra terram cohibetur; Antarctici autem talis : Antarcticus circulus æqualis & parallelus arctico est, attingitque horizontem uno puncto totusque sub terram cohibetur. Procli igitur hæc est mens, arcticum & antarcticum esse circulos mobiles: describi à puncto sphaeræ Horizontem, à quo polo est proximus, tangente: mutari, quoties ab Aquilone in Austrum progredienti mutatur horizon & contra. Unde efficitur, quo viciniore sunt polis, eò fieri angustiores: quo longius ab ijs removentur, eo reddi ampliores: & quia fixis sedibus carent, in sphaera armillari designari non posse.

Inde tria nascuntur incommoda : primo Arctici à Proclo descripti ad Zonas frigidas à temperatis distinguendas, ob incertum eorum situm & mutabilitatem, haud quaquam erunt idonei: Deinde apud illos, quorum sedes à polis abest viginti tribus gradibus & semisse (quanta scilicet est maxima Solis ab æquatore declinatio) arcticus cum tropico Cancri, antarcticus cum tropico Capricorni, ut loquuntur, coincidit fietque utrobique ex duobus circulis unus. Erunt igitur illis re ipsa duo tantum siue paralleli siue circuli minores, qui non plures tribus Zonas efficient, duas frigidas & unam torridam. Frigidarum enim à temperatis in ea circularum confusione nulla est distinctio. Imo sub ipso degentibus æquatore Arcticorum copia nulla. Tertiò habitationibus, ut vocant, accidentia certa haud poterunt assignari, nisi frigida & temperata secernantur & utraque fixis statisque limitibus coerçantur. Vt, cum enarrandum, quam accidunt inter tropicum Cancri & circulum Arcticum commorantibus, quam sub ipso circulo Arctico: quam inter circulum arcticum & polum mundi. Ad hanc enim rem fixis Arcticiis est opus. Denique maximum lumen & adminiculum eriperetur tabulis geographicis & instrumentis Astronomicis, si circuli arctici in ijs depingi non possent, quod profecto contingeret, si nullam certam haberent sedem, sed subinde cum horizonte mutarentur.

Talia incommoda ab ijs facillime evitantur, qui circulum Arcticum à

polo Zodiaci antarctico circa polos mundi rotatis delineari docent, quasi arctici polorum Zodiaci sint vestigia. Scaligeri filij cum Proclo arcticos mobiles fingentis auctoritate non moveor, licet haud sim nescius, in tantam eruditionem tantumque iudicium vix cadere errorem. Quod ex Strabonis lib. 2. Geograph. afferunt, satis esse, si arctici in habitationibus temperatis sint, & apud quos sunt, apud eos non esse uniusmodi, ἔδει πρὸς ἑλεγχον, ut ipsiusmet Strabonis verbis utar. Nullius enim tunc essent usus. Non possum igitur assentiri viro, à cuius dogmate natura rei & ratio dissentiunt.

Ad Proclum in extremo huius fabulae actu redeo, qui cum ipsemet quinque Zonas agnoscat: exque ijs duas, quae sunt circa polos, à circulis arcticis determinatas: eisque proximas duas temperatas, quarum limites hinc tropici, illinc arctici, inter quas torrida tropici inclusa. Tacite profecto videtur immobiles statuere arcticos, sine quibus frigidarum & temperatarum statim termini esse neutiquam possunt.

Haec Scaliger & Pincierus. In quibus, quod de Zonis dicitur & veteres tradiderunt, alias aestu, alias frigore nimio esse inhabitabiles, & si nostratum hodie & Lusitanorum olim navigationibus contrarium & falsum deprehensum sit, tamen in singulis peculiare quiddam occurrere nemo negaverit: adeo ut vel doctrinae gratia hos omnesque circulos ac Zonas habere distinctas utile sit: Nec aspernandum si quid inventis veterum à recentioribus additum, quod ad usum & captum discientium accommodatius obscurisque lucem atque intricatis perspicuitatem conciliat.

CAP. III.

DE SPHÆRA PARALLELA,
RECTA ET OBLIQA.

Sphæra seu Globi positio triplex. **P**RO varia habitudine æquatoris ad horizontem (vel enim parallelus est, vel secatur, idque vel ad angulos rectos vel obliquos) triplicem sphaera vel globi situm nobis tradiderunt. Primus est eorum, quorum verticibus polus alteruter imminet, his enim æquator & horizon paralleli sunt, vel potius eundem circulum constituunt. Secundus est eorum, quorum zenith est sub æquatore. Tertius omnibus præterea locis congruit. Primum situm liceat vocare sphaeram Parallelam, secundum Rectam, tertium Obliquam. Prima & secunda positio simplex est, tertia multiplex & varia pro varia locorum latitudine. Harum omnium consequentes affectiones sic habent.

Sphæra parallela, recta, obliqua

Sphæra



Sphæra Parallela, diurnâ revoluzione neque orientes neque occidentes, nec altiores aut depressiores videt vel Solem, vel stellas. Præterea cùm Sol annuo motu Zodiacum percurrat, quem æquator in duas æquas partes dispescit; quarum altera ad Boream, altera ad Austrum vergit; sequitur ut Sol cùm percurrit ea signa quæ polo verticali propiora sunt, nunquam sub horizonte demergatur, id eoque perpetuum faciet

Sphæra parallela occidentia.

diem artificialem dum ea pertransit; quod spatium est sex plus minus mensium. Contra cùm signa à polo eminente remotiora peragrat, continuam faciet noctem per æquale plus minus spatium. Quo autem tempore Sol æquatorem attigerit diurna revoluzione ita feretur, ut neque totus supra horizontem appareat, neque penitus occultetur, sed quasi dimidiatus apparebit, reliquus occultabitur.



Sphæra Recta hæc sunt affectiones. Sidera omnia oriuntur & occidunt æquali tempore; supra horizontem conspiciuntur, & infra horizontem demersa latent: artificiales dies perpetuo æquantur noctibus.

Affectiones sphære rectæ.

In Sphærâ recta omnia sidera oriri atque occidere, id est, omnia in universum supra horizontem per vices conspici atque infra eundem horizontem vicissim demergi, sicque & polum utrumque arcticum scilicet & antarcticum, videri posse communis hætenus Gemini, Procli aliorumque sententia est: quam & author sequitur. Tamen si propius rem inspiciamus, non tam de Sphæra horizontis sensibilis, quam rationalis seu intelligibilis id verum erit. Nā in Sphæra etiam recta horizontis sensibilis vix poterit visus ad utrumque polum ob terræ tumorem pertinere: Quod & confirmat Iohannes Lærius Burgundus historia de sua in novum orbem professione. Sic enim ille: *Non modo sub æquinoctiali*, inquit, *polum uterque non apparet, quemadmodum plerique arbitrantur sed neuter, nisi duobus emensis altera citraque gradibus.* Aliorum & inter nostrates quoque, qui illa loca navigant, contrarium affirmantium an potior & accuratior habenda observatio alijs dispiciendum relinquo.

Sphæra Obliqua hæc accidunt. Dies habent noctibus majores, minores, æquales. Cùm Sol in pñctis æquinoctialibus constituitur (quod

Sphæra obliqua quæ bis in conveniat.



bis in revolutione annua fieri diximus) dies noctibus æquantur. Cùm ab æquatore versus polum eminentem accesserit, augentur dies, minuuntur noctes, quousque ipsum Tropicum attigerit, quo loco constitutus, longissimas dies, brevissimas noctes facit. Cùm ab æquatore ad polum latentem processerit, noctes facit majores diebus, usque dum pertingat Tropicum latenti polo viciniorem : ubi longissimas noctes, brevissimas dies efficit.

Sidera quædam nunquam occidunt, quæ continentur parallelo delineato distantia poli manifesti ab horizonte: alia nunquam orientur in æquali à polo occulto parallelo, comprehensa. Hi paralleli sunt: quos (ut diximus) Græcè, ut etiam nonnulli Latinorum, vocant Circulum Arcticum & Antarcticum, alterum semper conspicuum, alterum semper latentem. Reliqua omnia sidera quæ hisce parallelis non continentur, suos habent ortus & vicissim occasus. Qui intra æquatorem & parallelum semper apparentem versantur, majori tempore superum, minori inferum hæmisphærium pertranseunt. Contra, quæ parallelo semper latenti viciniore sunt, majore tempore in infero horizonte versantur, minore in supero. Harum omnium affectio-num hæc est causa. Sol in æquatore constitutus (ut & stella etiam si qua alia) diurnâ revolutione versatus, æquinoctialem describit circulum: extra æquatorem, parallelum majorem vel minorem, pro diversa quantitate declinationis Solis aut Stellæ ab æquatore. Hos omnes parallelos, cum ipso etiam æquatore, Horizon in Sphæra recta secat ad angulos rectos. Cùm enim mundi poli in horizonte constituti sint, vertex autem in æquatore, sequitur ut horizon æquatorem secet rectè, quia per polos transit, deinde quia æquatorem rectè secat, omnes etiâ circulos æquatori parallelos secabit etiam rectè, ideoque singulos in binas æquas portiones dispescet. Æqua autem portione omnium parallelorum (ut & æquatoris etiam) eminente supra horizontem cum ea quæ demergitur, necessarium est, ut æquali tempore Sol & omnes stellæ, diurnâ revolutione percurrant eam portionem quæ eminet, atque eam quæ later. Ideo dies omnes æquantur noctibus, ideo sidera omnia duodecim horis in supero hæmisphærio, totidem in infero permanent, At in obliquâ sphærà, quia alter polus ab horizonte elevatur, alter

alter deprimitur, diversa omnia accidunt. Cum enim horizon non transit per polos æquatoris, parallelos simili cum æquatore ratione non secabit, sed eorum, qui polo conspicuo viciniore sunt, majus segmentum eminet, minus demergitur. Ex ijs, qui polo latenti viciniore, minor pars apparet, major delitescit, solus æquator bifecatur, ut pars conspicua æqualis sit latenti. Hinc fit, ut in omni obliquæ sphaeræ positione Sol, in æquatore constitutus, dies æquet noctibus. Cum manifesto polo accesserit, augentur dies, quia major arcus apparet. Cum versus polum latentem processerit, majores fiunt noctes, quia majus paralleli segmentum infra horizontem occultatur. Et quanto magis polus alteruter attollitur, tanto majores fiunt dies æstivales itemque noctes hyemales.

Triplitem sphaeræ positionem *parallelam, rectam & obliquam* recte author constituit; Nam Clavius cum Sacrobosco tantum duplicem agnovit, *rectam & obliquam*. Quærenti enim inquit Clavius qualem nam illi dicantur habere sphaeram qui directe sub polis habitant, respondendum *obliquam*. Sed errat cum Sacrobosco Clavius. Nam qui talem sphaeram habent, ut directe sub polis habitent, ijs cum horizonte æquator nequaquam facit angulos obliquos, quia horizon ibi & æquator prorsus idem est. Rectius ergo hæc sphaera *parallela vel neutralis* dicetur, quod eius punctum verticale in polos sphaeræ incidat. Omnium autem rectissime Iosephus Scaliger in Notis ad secundum Isagogicum Manilij libri 3. ad eum versum:

*Stantis erit cali species, laterumque meatus
Turbinis in morem recta vertigine currit.*

Dixit sphaeram omnem aut jacere, sedere aut stare. Ita ut primus sphaeræ habitus sit *jacens*, qui dicitur *ὀρθῆς σφαίρης*, propter rectos angulos horizonis cum æquinoctiali; alter *sedentis*, & *ἰσχυκεκλιμένης*; Tertius *stantis*, *τῆς μολοῦντος*. Tunc enim æquinoctialis qui horizonis vicem est, ac in ambitum rectum convertitur, omnino molæ trusatilis & habitum & conversionem refert. Minus autē proprie *Sphaera recta* dicitur propter rectos angulos, quos cum æquinoctiali facit, quia per eius polos transit, quum ea appellatio *stantis sphaeræ* magis propria sit, in qua æquinoctialis idem cum horizonte & circulo arctico, porro *sphaera jacens* una est, quia una æquinoctialis: *Stantes* duæ, quia poli duo. *Sedentis* diversitates & affectiones multas esse nemo dubitat & satis de ijs author.

Pag. 26 in
Cap. 1 Joh.
de sacro
bosco.


Sphaera ja-
cens, sedens
& stans.

CAPVT. IV.

DE ZONIS.

QUATUOR Minores circuli æquatori paralleli universam terram in quinque tractus dividunt. Zonas Græci vocarunt, Atque

que hoc nomen obtinuit, ut apud Latinos etiam usurpetur Sed & plagas etiam nominant. Græci interdum Zonæ nomen alienè à nostro instituto Planetarum orbibus attribuunt, ut Theon Alexandrinus in Commentarijs Aratæ. *ἔχει γὰρ ὁ οὐρανὸς 2. ζώνας ἐκ τῶν πλάγας τῶν ζωδιακῶν. ἡν τὴν μὲν πρῶτην ἔχει ὁ Κρόνος: τὴν δὲ δευτέραν ὁ Ζεὺς.* i.e. Sunt autem in cælo Zonæ septem, Zodiaco neutiquam continuæ, quarum primam Saturnus, secundam Iupiter obtinet, &c.



*Zona tres
intempe-
ratae.
Torrida
na.*

*Dua tem-
perata.*

Quinque Zonarum sive plagarum *tres intemperatas* & inhabitabiles veteres Physici & Geographi existimant: alteram propter æstum Solis perpetuò incumbentem, quam Torridam ideo nominant (hæc Tropici utrinque terminari voluerunt): reliquas propter frigus, quia remotissimæ sunt à Solis radijs incolæ non posse duxerunt: quarum altera Arctico, altera Antarktico circulo tota continetur. Dux reliquæ Zonæ habitæ sunt temperatæ & habitabiles, altera ex his terminatur Circulo Arctico & Tropico Boreo, altera Antarktico & Tropico Austrino. Hæc recepta apud veteres de numero & finibus Zonarum opinio, nata est inter antiquiores etiam suos oppugnatores.

Parmenides Zonam, quam vocant adustam, longè ultra Tropicum extulit, ut ferè duplam fecerit ad eam quæ Tropici definitur Hunc reprehendit Posidonius, quòd amplius dimidio ejus spatij, quod æstivo nostro Tropico & æquatore continetur, habitari cognoverat. Aristoteles Zonam torridam Tropici, temperatas Tropici & circulis Ar-

ctico

ctico & Antarctico terminavit: quem Posidonius etiam taxat, quod Arcticos circulos, quos varios & mutabiles fecerunt Græci, Zonarum terminos constituerit. Polybius sex Zonas fecit; adustam, Tropicis definitam, in duas etiam dividens per Circulum Æquinoctialem. Alij Eratosthenis auctoritate moti, Zonam quandam angustam, temperatā & aptam habitationi, æquatori subjiciunt, quorum sententiæ accedie Avicenna Arabs. Recentiores nonnulli, nescio qua ratione adducti (hi sunt Nicolaus Lyranus, Thomas Aquinas, & Campanus) terrestrē Paradisum celebratum principio Genescos, Æquatori subjicere non dubitarunt. Eratosthenes & Polybius universam Zonam, quam alij Adustam duxerunt, temperatam esse voluerunt.

Posidonius recepta a veteribus Physicis opinioni refragatus est, quod Syenem sub Æstivo nostro Tropico positam, & Æthiopiam Syene interiorē, habitatam cognoverat, quorum verticibus Sol diutius immoratur, quam eorum qui Æquatori subjiciuntur. Inde concludit, loca Æquatori subjecta non esse inculta, quia quæ sub Tropico, non sunt incolis vacua. Ptolemæus c. 6. l. 2. Almag. conjecturam potius quam veram historiam existimat, quæ de habitationibus Æquatori subjectis referuntur. At in Geograph. l. 3. c. ultimo, descripsit nobis locum ultra Æquinoctialem, Agisymbam Æthiopum regionem (hanc regionem novi recentiores quosdam, sed contra Ptolemei fidem, Borealiorem facere Æquatore.) Hæc Ptolemæi inconstantia præbuit quibusdam occasionem suspicandi, non esse utrunque hoc opus ejusdem Ptolemæi.

Vana hæc esse figmenta, quæ de Zonis intemperatis veteres excogitarunt, si non persuadeant Eratosthenis & Polybij autoritas, neque Posidonij ratio: at hodiernæ Lusitanorum & nostratium navigationes evincunt, non solum Zonam, quæ torrida antiquioribus dicta est, incolis repletam esse, sed & intra circulum Arcticum, longè ultra septuagesimum ab Æquatore gradum, omnia esse habitata: ut nullus amplius nostra ætate dubitationi locus sit relictus, nisi forte quispiam malit, cum sacra & veneranda antiquitate etiamnum errare, quam cum recenti experientia utcumque testata & comprobata benè sentire.

Quod de Ptolemæo refertur ab autore, inconstantia eum argui, cum modo in Almag. cap. 6. lib. 2. fabulam non historiam existimat, quæ de habitatoribus Æquatori subjectis memorantur, modo Geograph. lib. 3. cap. ultimo refert, quæ cum ejusdem vicissim pugnent, non omittendus aut excludendus extra

eam classem etiam Plinius erat. Nā cum Taprobanes, quæ nunc Zamatra existimatur æquatori subiecta, magnitudinem cap. 22 lib. 6. ex Eratosthene & Megasthene retulisset addidit cōtinuo, præter ea priscorū inventa ac testimonia, etiam Claudij principatu majorem ejus notitiam contigisse Romanis, legatise ad eam Romam advectis: Qui, inter alia, referrent aurum argentumque apud suos in pretio esse opeſque majores quam apud Romanos, sed Romanis opulentie major em usum esse: Adeo ut hæc aliaque eodem loci prolixè à Plinio memorata, si cum verbis, quæ habet lib. 2 cap. 68. contendantur, adversa sibi locutus reperietur. Nam disputans eo loci atque inquirens quanta terræ portio habitetur, ait, *terra partes abstulisse nobis calum, torridam, nimirum seu mediam, Zonam, id est, quicquid terrarum est intra Tropicum Cancrī & Capricorni: & duas extimas seu frigidas, id est, quicquid terrarum est intra Arcticum versus polum Borealem; itenique intra Antarcticum versus polum austrinum: quomodo & poetæ olim de iisdem Zonis versibus suis prodiderunt:*

*Quarum quæ media est non est habitabilis æstu,
Nix tegit alta duas.*

Vult enim id ipsum Plinius, non habitari videlicet has extimas ob nimium gelu; & illam mediam, ob æstum nimium. Et quod magis magisque in admirationem nos trahat tanti authoris vulgum & poetarum excessus hac parte secuti, illud est, quod libro eodem capite anteriori ex Nepote præclare referat Eudoxū ex Arabiæ sinu egressum Gades usque navigio pervectum. Nam totum hoc iter, si ad calculum vocemus, complectitur id omne quod hodie Lusitani nostrique Caput Bonæ spei transgressi navigant bis nimirum æquinoctialem, intra Zonam illam torridam, transeundo: ut omittam adferre quæ præterea ab eodem commemorantur lib. 6 cap. 23, quod nullo scilicet anno imperij Romani minus H. S. quingentis exhauriat India, merces mittendo, quæ apud Romanos centuplo veneant: Quodque annis omnibus è rubro mari navigetur ab iisdem Romanis, Sagittariorum cohortibus impositis: Nisi ad Plinij excusationem dicendum ea, quæ libro 2 dicuntur anteriori tempore literis ab ipso prodita; nec itinera tunc illa Romanis usque adeo familiaria existisse; præsertim cum referat libris sequētibz, nimirum lib. 6 cap. 23 item 17, totum ab Ægypto in Indiam cursum tunc, cum illa scriberet, certā notitiā patescere cœpisse; & Senecam paulo ante, tentata Indiæ commentatione, sexaginta annes ejus prodidisse, gentes duodeviginti centumque.

Sub torrida autem Zona commode habitari frugiferamque esse regionem, Sol præcipue causatur, qui ut 12 horarum dies, ita & noctes totidem horarum perpetuo facit: eæque noctes sub frigore dierum nimium æstum attemperant: Frigidam similiter utramque habitabilem esse eidem quoque Soli tribuendum; Nam in signis æstivis existens ijs, qui versus Boream sub grad. 84 agunt, nunquam occultatur cælique frigus suo calore hoc pacto dispellit.

DE AMPHISCIIIS, HETERO-
ROSCIIIS ET PERISCHIIIS.


HABVM Zonarum incolas, ex diversa umbrarum ratione, in *Amphiscios, Heteroscios & Periscios* diviserunt. Qui inter duos *Amphiscij.* Tropicos habitant, *Amphiscij* dicuntur, quòd eorum umbræ meridianæ, nunc in Austrum (cùm Sol eorum verticibus Borealiore) nunc in Septentrionem (cùm Sol verticibus Australiore extiterit) projiciantur.

Qui inter Tropicos & circulum Arcticum degunt, *Heteroscij* nominantur: quod umbræ meridianæ vel in Austrum vel Septentrionem solum projiciantur. Sol enim ad Septentrionem æstivi nostri Tropici nunquam accedit, neque ad Austrum Tropici hyemalis unquam progreditur. Itaque qui sunt Borealiores Tropico Æstivo, umbras semper mittunt in Septentrionem: qui Australiores Tropico hyemali, umbras meridianas in Austrum jaculantur. *Heteroscij.*

Qui intra circulos Arcticum vel Antarcticum versus polos incolunt, *Periscij.* *Periscij* vocantur, quia gnomones projiciunt umbras in orbem: quoniam Sol totâ diurnâ revolutione supra horizontem fertur.

Schema horum tale est:

SEPTENTRIO.



MERIDIES.

Duplex itaque est Zona heteroscia, Septentrionalis & Meridionalis. Septentrionalis comprehenditur inter Tropicum Cancræ & Arcticum Zonæ Periscia. Dicitur *in gnomone* septentrionalis, quia in ea radij Solares projiciunt umbram meridianam in eam tantum mundi partem, quæ ad polum arcticum spectat. Meridionalis heteroscia continetur inter Tropicum Capricorni & circulum Antarcticum Zonæ periscia. Dicitur *in gnomone* meridionalis, quia in ea umbræ meridianæ, tantum in alteram mundi partem, polum Antarcticum versus, projiciuntur.

G 3

DE

30 TRACT. DE GLOB.
DE PROPRIETATIBVS MEDI-
VM ZONÆ TORRIDÆ IN-
HABITANTIVM.

QV i medium Zonæ torridæ inhabitant, sunt in sphaera recta, nam uterque mundi polus horizonti incumbit & Zenith ipsorum est in æquinoctiali, unde & phænomenorum proprietates hæ sunt : 1 omnes stellæ ipsis æqualiter oriuntur & occidunt, præter arcticum & antarcticum polum, ut ex Lerio jam modo * demonstratum est; 2 perpetuum est illis æquinoctium. 3 solem habent bis verticalem, in principijs scilicet γ & α . 4 Sol Zodiacum peragrans, quantum in meridiano descendit à Zenith in austrum, tantumdem etiam digreditur sen descendit ab eodem in boream. 5 quatuor habent solstitia, duo verticalia, cum Sol est in punctis æquinoctialibus & duo lateralia, cum Sol est in punctis solstitialibus. 6 illi quotannis geminas habent æstates Sole ad puncta æquinoctialia accedente, sic geminas quasi hiemes habent, sole nimirum prope tropicos accedente & versante. 7 quinque umbrarum differentias habent orientalem, occidentalem, meridionalem & perpendicularem. quapropter etiam inhabitatores hujus plagæ amphiscij id est, utrimque umbras jacentes, appellantur.

PROPRIETATES HABITANTIVM SVB FINEM TORRIDÆ,

AD INITIVM SCILICET TEM-
peratæ Septentrionalis.

QV i ad initium temperatæ Zonæ Septentrionalis vivunt, in sphaera obliqua sive sedente constituti sunt, ipsis enim polus mundi arcticus 23 grad. & semisse est elevatus, Zenithque eorum incidit in tropicum Canceri, inde has proprietates habent: 1 omnes stellæ quas circulus arcticus ambitu suo continet sunt perpetuæ apparitionis, antarctico vero inclusæ perpetuæ occultationis; intermedia autem stellæ habent arcus diurnos inæquales nocturnis, exceptis eis, quæ in æquinoctiali existunt. 2 habent inæqualitatem dierum & noctium artificialium. 3 Sol in anno semel ipsis fit verticalis, nempe in principio canceri, ergo in meridiano circulo nunquam ultra Zenith in boream ascendit, sed extra principium canceri semper austrinus est. 4 duo habent solstitia, unum sublimis sole existente in principio canceri, alterum humile, quando sol est in principio Capricorni. 5 unam similiter æstatem & unam hiemem habent. 6 quatuor habent umbrarum differentias, orientalem, occidentalem, borealem & perpendicularem. Hic incipiunt Heteroscij.

PRO.

31

ET EORVM VSV PARS I.
 PROPRIETATES HABITANTIVM
 IN ZONA TEMPERATA
 SEPTENTRIONAL I.

QU¹ habitant in obliqua sphaera, ita ut elevatio poli arctici major sit quam 23 gradibus & semisse, minor tamen quam 66 gr. & semisse, ipsis Zenith seu punctum verticale semper intra tropicum canceri & circulum arcticum interjectum est, unde has proprietates nanciscuntur. 1 plurimae stellae ipsis semper conspicuae manent, quanto enim altius attollitur polus, tanto plures stellae occasui obnoxiae esse desinunt, totidem vicissim opposita parte perpetuo latentibus. 2 habent inaequalitatem dierum & noctium artificialium. 3 Sol illis nunquam est verticalis, sed in meridiano ipsis semper est australis. 4 unam aetatem unamque hiemem & duo solstitia habent. 5 tres umbrarum differentias experiuntur, orientalem, occidentalem & Septentrionalem: unde & heteroscij dicuntur.

Proprietates habitantium sub finem zone temperatae, ad initium scil. frigidae Septentrionalis.

QU¹ circa finem Zone temperatae Septentrionalis vivunt, ipsis polus arcticus elevatus est 66½ grad. inciditque illorum Zenith in arcticum circulum, unde sequentes proprietates habent: 1 omnes stellae, quae Tropico canceri usque ad polum mundi arcticum includuntur, sunt perpetuae apparitionis, & contra qui includuntur tropico Capricorni versus antarcticum polum, sunt perpetuae occultationis. 2 Sole existente in principio Canceri habent diem artificialem 24 horarum, & in principio Capricorni ejusdem longitudinis noctem. 3 Sol semper australis in Meridiano conspicitur, sed in principio Canceri existens & ad horizontem delatus etiam Septentrionalis apparet. 4 duo illis solstitia, altum in 69, humile in 75, unam aetatem unamque hiemem habent. 6 quatuor umbrarum differentias comperiunt, orientalem, occidentalem, meridionalem: & Septentrionalem existente praesertim sole in principio Canceri. His locis desinunt Heteroscij & incipiunt Periscij.

Proprietates habitantium intra Zonam frigidam Septentrionalem sub polo scil. Arctico.

QU¹ medium Zone frigidae Septentrionalis inhabitant, ipsis constitutio sphaerae est parallela sive stans. nam aequinoctialis ipsorum horizonti unitur, unde his proprietatibus fruuntur: 1 nullae illis stellae oriuntur aut occidunt, sed omnes quaecunque sunt ab aequinoctiali boreales usque ad ipsum polum, rotantur circulis tam horizonti quam aequinoctiali parallelis. 2 integro fere semestri,

mestri, dum scilicet Sol signa Zodiaci borealia perambulat, dies ipsis est;] nox vero perpetua, dum idē Sol signa meridionalia absolvit. 3 unicum tantum solstitium habent Sole nimitus æstatis tempore principio Cancrī existente. 4 unam æstatem & unam hyemem, vel potius æstatis tempore tenuem frigoris remissionem sentiunt. 5 umbra ipsis in orbem circumfertur, & in omnes terræ partes æqualiter projicitur: unde periscij quasi circum umbratiles vocantur.

Atque hæc fuerunt proprietates Zonarum septentrionalium, quæ si ad opposita cæli & terræ spatia referantur, illico etiam proprietates Zonarum meridionalium innotescunt: quicquid enim de una terræ medietate dicitur, id de altera quoque intelligendum est, ordine videlicet inverso. Nam habitantes in medietate Septentrionali cum habent diem maximum, oppositi incolæ in meridionali medietate diem brevissimum habebunt, cum illi æstatem, hi hyemem &c. Idemque intelligendum est de alijs quoque affectionibus, ut umbris, ortu occasuque stellarum & similibus.

CAPUT. VI.

DE PERIOECIS, ANTIOECIS
ET ANTIPODIBUS.

TEMPERATARVM Zonarum incolæ, & comparatione ejusdem Meridiani paralleli ejusdem aut æqualis ad diversas æquatoris partes, antiquiores Geographi ita divisērunt, ut cuilibet habitationi in his plagis tres alias diversas adjecerint, earumque incolæ, *Periæcos*, *Antæcos* & *Antipodes* vocarunt.


Periæci. *Periæci* degunt sub eodem Meridiano, itemque parallelo, æqualiter ab Æquatore (sed ab oppositis ejus punctis) discreti.

Antæci. *Antæci* eundem Meridianum & æqualem parallelum, ab eodem Æquinoctialis puncto in diversas partes æqualiter diffusi, incolunt.

Antipodes. *Antipodes* (qui & *Antichthones*) sunt, qui sub eodem Meridiano æquali parallelo, in oppositas partes & ab oppositis ejus punctis æqualiter diffusi, habitant, vel qui incolunt terræ partes è diametro oppositas.

Sunt itaque nostri Periœci Antipodibus nostri Antœci, nostri Antœci Antipodibus nostris Periœci: nostri Periœci Antœcis nostris sunt Antipodes.

Eorum cō- Nobis cum nostris Periœcis multa sunt communia. Eandem tem-
parations. peratam incolimus. Hyemem, æstatem, incrementa dierum & noctium,
eadem



eadem eodemque tempore habemus. Diverfum hoc, quod quo tempore nobis media dies illuceat, Perioecis intempeſta nox adest. Qui hoc etiam discriminis poſuerunt, quod cum nobis Sol oritur, noſtris Perioecis occidit, & è contrario; errores nobis ſuos conſcripſerunt. Ita enim fieret, ut cum dies nobis eſt longiſſimus, ijs eſſet breviſſimus, quod à veritate alieniſſimum. Eundem etiam de Antœcis errorem commiſerunt, cum eundem nobis & illis ortum & occaſum Solis faciunt. Erroris cauſa fortaiſis: quod eundem horizontem nobis & Antœcis ſtatu-erunt, itemque Perioecis : niſi quod nos ſuperum, illi inferum hemiſphærium incolimus. Lapſus vel mediocriter in Aſtronomia exercitato indigniſſimus. Nobis & Antœcis hoc commune, quod media dies ſimul utriſque, itemque nox. Diverſa hæc. Tempeſtates anni permutantur. Noſtra æſtas ipſorum hyems, noſter dies longiſſimus ipſorum eſt breviſſimus. Diverſas Zonas temperatas incolimus. Nobis & Antipodibus omnia ſunt contraria: dies, noctes, eorumque initia & fines, & anni etiam tempeſtates. Nam quo tempore Sol nobis æſtatem

H

& diem

& diem maximum largitur, ipsis hyemem & noctes maximas, nobis cum oritur, illis occidit, & è converso. Nos enim superum, illi inferum ejusdem horizontis hemisphærium, incolimus.

CAPVT. VII.
DE CLIMATIBVS
ET PARALLELIS.



Clima.

Parallelus.

PRo diversa maximorum dierum quantitate, Geographi totum terrarum orbem ab Æquatore utrinque ad Polos diuiserunt in *Climata & Parallelos*. *Clima* vocant terræ spatium comprehensum inter duo quævis loca, quorum dies longissimi semisse unius horæ differunt ab invicem. *Parallelum* dicunt spatium, quo dies maximi quarta horæ parte se excedunt, ita ut quodvis *Clima* duos parallelos complectatur. Sunt autem *Climata*, ut *Parallelis*, spatio inæqualia. Primum enim *Clima* (itemque *parallelus*) majus est secundo, secundum tertio.

tertio. In hoc conveniunt, quod æquales obtinent maximorum dierum differentias. Antiquiores numerabant Climata septem, alij duo adjecerunt: ut hinc paralleli oriantur quatuordecim, illinc octodecim. Ptolemæus per quadrantes horarum Parallelos numerat viginti quatuor: per integras horas, quatuor: per totos menses, sex. unde præter Æquatorem ab utraque parte triginta octo paralleli exsurgent.

In meridiano materiali horum Globorum novem signata sunt Climata, ad horarum semisses ad invicem distantia. Deinde notata sunt ulterius discrimina dierum per integras horas, postea ad usque Boreum polum per totos menses, ad suâ quæque latitudinē expressa.

Singulorum Climatum & Parallelorum latitudines ab Æquatore, distantias ab invicem, & maximorum dierum longitudines, sequens tabula indicabit.

m. sec.			m. sec.			m. sec.				m. sec.	
1	59	59	24	54	48	47	40	55	70	20	31
2	59	57	25	54	22	48	40	9	71	19	31
3	59	55	26	53	55	49	39	22	72	18	31
4	59	51	27	53	27	50	38	34	73	17	31
5	59	46	28	52	58	51	37	46	74	16	31
6	59	40	29	52	28	52	36	56	75	15	30
7	59	33	30	51	57	53	36	6	76	14	28
8	59	25	31	51	25	54	35	16	77	13	26
9	59	15	32	50	52	55	34	24	78	12	24
10	59	5	33	50	18	56	33	32	79	11	22
11	58	53	34	49	44	57	31	40	80	10	20
12	58	41	35	49	8	58	31	47	81	9	18
13	58	27	36	48	32	59	30	53	82	8	16
14	58	13	37	47	55	60	29	59	83	7	14
15	57	57	38	47	17	61	29	5	84	6	12
16	57	40	39	46	38	62	28	10	85	5	10
17	57	22	40	45	58	63	27	14	86	4	8
18	57	3	41	45	17	64	26	18	87	3	6
19	56	43	42	44	35	65	25	22	88	2	4
20	56	22	43	43	52	66	24	24	89	1	2
21	56	0	44	43	8	67	23	26	90	0	0
22	55	37	45	42	24	68	22	28			
23	55	13	46	41	40	69	21	30			

	Clima- ta.	Paral leli.	Dies Æsti- vales, Hor. Scr.	Latitudo. Gra.Scr.	Intervalla Climatum Gr.Scr.
Amphiscij.	0	0	12 0	0 0	4 18
		1	12 15	4 18	
	1	2	12 30	8 34	8 25
		3	12 45	12 43	
	2	4	13 0	16 43	7 50
		5	13 15	20 33	
	3	6	13 30	23 10	7 3
		7	13 45	27 36	

	4	8	14 0	30 47	6 9
		9	14 15	33 54	
	5	10	14 30	36 30	5 17
		11	14 45	39 2	
	6	12	15 0	41 22	4 30
		13	15 15	43 32	
	7	14	15 30	45 29	3 48
		15	15 45	47 20	
	8	16	16 0	49 1	3 13
		17	16 15	50 33	
	9	18	16 30	51 58	2 44
		19	16 45	53 17	
	10	20	17 0	54 29	2 17
		21	17 15	55 34	
	11	22	17 30	56 37	2 0
		23	17 45	57 34	
	12	24	18 0	58 26	1 40
		25	18 15	59 14	
	13	26	18 30	59 59	1 26
		27	18 45	60 40	
	14	28	19 0	61 38	1 13
		29	19 15	61 53	

ET EORVM VSV PARS I.

37

Clima- ta.	Paral leli.	Dies Æsti- vales. Hor. Scr.	Latitudo. Gra. Scr.	Intervalla Climatū. Gr. Scr.
---------------	----------------	-----------------------------------	------------------------	------------------------------------

Heteroclij.	15	30	19 30	62 25	1	2
		31	19 45	62 54		
	16	32	20 0	63 22	0	52
		33	20 15	63 46		
	17	34	20 30	64 6	0	44
		35	20 45	64 30		
	18	36	21 0	69 49	0	36
		37	21 15	65 6		
	19	38	21 30	65 21	0	29
		39	21 45	65 35		
	20	40	22 0	65 47	0	22
		41	22 15	65 57		
	21	42	22 30	66 6	0	17
		43	22 45	66 14		
	22	44	23 0	66 20	0	11
		45	23 15	66 25		
	23	46	23 30	66 28	0	5
		47	23 45	66 30		
	24	48	24 0	66 31	0	0

	Menses.	
Periscij.	1	67 15
	2	69 30
	3	73 20
	4	78 20
	5	74 0
	6	90 0

H 3 SECVN:

SECUNDA PARS.

CAPVT I.

DE IIS QUÆ PROPRIA SVNT
COELESTI GLOBO, AC PRI-
MO DE PLANETIS.

ACTENVS, quæ utriusque Globi sunt communia. Sequuntur quæ cuique sunt peculiaris & propria, ac primo, quæ cœlesti : ut sunt stellæ in suos Asterismos atque constellationes efformatæ.

Stellarum autem in cœlo lucentium duo genera deprehenderunt, qui primi rerum cœlestium motus attentè obseruauerunt. Primum est Planetarum, secundum stellarum Fixarum. Planetas sive errantes ideo vocauerunt, quia nec ad invicem, nec ad eas quæ fixæ nominantur, eundem situm vel positionem semper obtinent. Fixas autem eundem inter se situm, semper tenere, Ptolemæus, collatis suis observationibus cum ijs quæ ab Hipparcho tradita sunt, multis exemplis comprobavit c. 1. l. 7. Almag.

Dividuntur stellæ in *fixas* & *errantes* seu *Planetas*, non quasi propriæ illæ immobiles & fixæ, hæc mobiles & vagæ atque erraticæ sint, sed comparate ea omnia ut dicuntur, ita etiam accipienda sunt. Nam dum stellæ fixæ distantiam, situm & ordinem inter se suum licet assidue aspectu primi mobilis circumagatur, seruent, planetæ verò excepto motu, quem cum primo mobili communem habent cum eadem omnia cum inter se, tum ad fixas immutent & varent, eas fixas, hos planetas dixerunt. Nam aliàs per se & singuli planetarum si seorsim considerentur, nihil eorum motibus & periodis est certius, adeò ut huc respiciens Cicero planetas seu errantes dictos velit per antiphrasin quasi minime errantes.

Planetas præter duo Luminaria (Solem inquam & Lunam) quinque numerant. Hi præter motum diurnum, quo ab ortu ad occasum feruntur, secuti raptum primi mobilis, liberum habent & proprium quisque

quisque motum quo contra ab occasu ad ortum, secundum successi-
onem signorum, super polis Zodiaci feruntur, quem suo quisque mo-
do & tempore absolvit. Eorum ordo motuumque periodus sic ha-
bet.

Saturnus, $\kappa\rho\acute{o}\nu$ & $\phi\alpha\acute{\iota}\nu\omega\nu$ (Iulius Higinus stellam Solis vocat) om-
nium Planetarum supremus, maximo ambit circulo non tamen (ut in-
de coniecit Plinius) ideo minimus videtur. Periodum absolvit 29. an.
5. mens. 15. dieb. ut Alfragano placet.

Iupiter, $\zeta\epsilon\upsilon\varsigma$ & $\phi\alpha\acute{\epsilon}\theta\omega\nu$; Zodiacum percurrit an. 11. men. 10. dieb. 16.
fere.

Mars, $\mu\alpha\rho\varsigma$ & $\pi\upsilon\rho\omega\tau\acute{\epsilon}\phi$ (quod & Herculis sidus quidam vocant) duo-
bus annis conficit suum cursum.

Sol $\eta'\lambda\iota\omega$ uno anno, hoc est diebus 365 & quarta parte paulo mi-
nus, suam facit conversionem.

Venus, $\alpha\phi\rho\omicron\delta\eta\tau\eta$; quam alij Iunonis, alij Isidis, alij matris Deum no-
mine appellavere; cum præcedit Solem, præveniens & ante matutinū
exoriens, $\phi\acute{\omega}\sigma\phi\omicron\rho$ Lucifer nominatur, ut alter Sol diem maturans:
cum subsequitur, ab occasu refulgens, & prorogans Lucē, vicem Lu-
næ reddens, $\epsilon'\sigma\pi\epsilon\rho$ Vesper nuncupatur. Quam ejus naturam Py-
thagoras Samius primus deprehendit, Olympiade circiter xxxi 1. co-
dem attestante Plinio. lib. 2. cap. 8. Peragit autem cursum suum, annuo
item, ut proximē, spatio. Neque, ut Timæo placuit, unquam recedit à
Sole amplius 46 grad. Recentiores multo liberaliores, duobus signis
vel 60 gradibus nunquam à Sole discedere affirmant.

Mercurius $\epsilon\rho\mu\eta\varsigma$ & $\sigma\tau\acute{\iota}\lambda\beta\omega\nu$; à quibusdam Apollinis Sidus appella-
tum, anno etiam uno signiferum lustrat: & ut Timæo & Sosigeni pla-
cet, nunquam remotior à Sole 25. grad. ut recentioribus videtur, non
amplius unius signi intervallo sive partibus 30 absistit à Sole.

Luna $\sigma\epsilon\lambda\acute{\eta}\nu\eta$; infima Planetarum, suam periodum absolvit diebus
27. hor. 8. paulo minus. Hujus varias $\phi\acute{o}\tau\eta\varsigma$ & figuras, (quod interdum
curvata in cornua, modo equā portione divisa, modo sinuata in orbem
aliàs pleno orbe conspicitur, aliàs prorsus nulla) & cæteras hujus Si-
deris diversitates, primus (inquit Plinius) deprehendit Endymion, ide-
oque Lunæ amore captus famā traditur.

Feruntur Planetæ omnes orbibus ad terram eccentricis, hoc est,
quorum centra à terræ centro diversa sunt. Horum orbium semidia-
metri ad semidimetientem terræ comparati, habent rationem.

Qualium

Qualium semidiameter terræ est 1. taliū semidiameter orbis.	{	Lunæ.	48.56.m.
		Mercurij.	116. 3.m.
		Veneris.	641.45.m.
		Solis.	1165.23.m.
		Martis.	5032. 4.m.
		Iovis.	11611.31.m.
		Saturni.	17225.16.m.

Eccentricitates orbium comparatæ ad ipsos orbes, sic habent.

Qualium semidiameter deferētis est 60 talium eccentricitas. (Maurolic. ex Alphon.)	{	Lunæ.	12.28.m.30.sec.
		Mercurij.	2. 0.m.
		Veneris.	1. 8.m.
		Solis.	2.16.m. 6.sec.
		Martis.	6. 0.m.
		Iovis.	2.45.m.
		Saturni.	3.25.m.

Eccentricitates quorundam Planetarum (præcipuè Solis) à Ptolemæi ætate imminutas decrevisse deprehensum est. Eccentricitatem Lunæ Ptolemæus 12.grad.30.m. definivit. Alphon. 12.gr.28.& dimid. m. Veneri Ptolemæus tribuit eccentricitatis 1.grad.15. m. Alphon. 1. gr.8.m. Eccentricitatem Solis Ptolemæus ex suis & Hipparchi etiam observatis deprehendit 2. gr.30.m. Alphon. 2. gr. 16. & decima parte m. Anno 1312 deprehensa est 2.gr.2.m.18.sec. Copernicus invenit ulterius etiam imminutam 1.gr.56.m.11.sec. Vt immeritò hac de causa Copernici scripta spongijs, vel autorem scuticis dignum censeat illustrissimus Iulius Scaliger, iniquior quàm par est in Copernicum.

Præter eccentricitates orbium Planetarum observatu digna est eorum magnitudo. Hæc in cognitione præsertim diametrorum consistit. Diameter enim planetæ confertur cum diametro Terræ in modum ut sequitur:

Diameter	{	ad Terræ diametrum se habet ut	9	ad	2
			32	ad	7
			7	ad	6
			11	ad	2
			1	ad	10
			1	ad	28
			5	ad	17

Diameter

Diameter Solis ad diametrum Lunæ est ut 187 ad 10.

Porro ut exemplo, quod dicimus, demonstretur, Esto Sol, qui, ut positum, habet diametrum ad Terræ diametrum, sicut 11 ad 2. Cubus igitur Solis est 11. Cubus Terræ est 2. Iam diametris cubice multiplicatis, & maiore cubo per minorem diviso, emergit differentia globorum Solis & Terræ. Si multiplicaveris enim 11 per 11 emergunt 121. Hunc factum si iterum multiplicaveris per 11 factus erit 1331. Multiplica duo cubice, id est, per se ipsum, fac. 4. jam hunc factum iterum multiplica per primum, id est 4 per 2 fient 8. Iam divide 8 per maiorem cubum, nimirum 1331, provenient 166½. Quæ erit differentia globorum Solis & terræ.

Hactenus de Planetis. Fufius tractantur à Ptolemæo, Copernico, & ijs qui Planetarum Theorias conscripserunt. Prolixior eorum tractatio aliena à nostro instituto: cum in Globis propter erraticum & vagantem eorum motum depingi non possint. Hæc obiter dicta sint.

CAPUT II.

DE STELLIS FIXIS

ET EORVM EFFOR-

MATIONIBVS.

Sequuntur stellæ Fixæ suis Asterismis expressæ, sive formis & constellationibus, si malis. Plinius Signa & Sidera vocat. De numero harum constellationum, figurâ item & nominibus, stellarum etiâ numero, quæ cuique tribuuntur, dissentiunt autores. Plinius numerum 72 Signorum agnoscit lib. 2. cap. 41. Ptolemæus, Alfraganus & qui secuti (ut plurimum) constellationes 48 enumerant. Alij unum & alterum adjiciunt: Cincinnum sive Crinem Berenices, & Antinovm. Germanicus Cæsar & Festus Avienus Rufus, Aratum secuti, pauciores faciunt. Iulius Higinus 42 statuit: Serpentem cum Ophiucho coniungit: Præcisionem equi vel Equiculum prætermittit: Libram Signis non annumerat: Scorpionem in duo dividit: quod præterea multi faciunt: Corvum, Feram & Coronam Australem, suis constellationibus non annumerat; obiter solum meminit. Taurum, quem Ptolemæus, ante cum Hipparchus & plerique secuti dimidiâ parte conspiciunt fecerunt: Vitruvius, Plinius & ante hos Nicander (ut Theoni placet Arati Scholiasti) integrum faciunt, & Pleiades in ejus cauda statuunt, De numero stellarum quæ cuique Imagini tribuuntur, plurimum

num à Ptolemæo dissentiunt Iul. Higinus, Commentator Germanici, (sive is Bassus sit, ut Philander vocat, sive ab ipso Germanico conscripta sint ea Commentaria, ut è Lactantio alij volunt) quandoque Theon in Commentarijs Arateis, semel & iterum Alfriganus. Si causam, cur his nominibus, Constellationes insigniantur, aliam quæris, præter hanc quod stellarum positio has formas quodammodo exprimit, legas Bassum & Iulium Higinum, abundè è Græcorum fabulis de hoc argumento disputantes. Hipparchum primum nomina, magnitudines & loca stellarum posteris tradidisse, Plinius sua fide refert. Sed ipsdem ante Hipparchum nominibus, Time chares, Aratus Eudoxus, usi sunt. Neque enim Hipparchus Arato antiquior, ut Theon voluit. Alter floruit anno ccccx ab initio Olympiadum, ut palam est ex ejus vita à Græco scriptore tradita. Hipparchus autem vixit post annum d. c. à principio Olymp. ut ejus observationes à Ptolemæo traditæ testari poterunt, præterquam quod Hipparchi nomine extant Commentaria quædam in Eudoxi & Arati Phænomena, nisi hæc Commentaria ab Eratosthene (ut alijs videtur) conscripta sunt, qui Hipparchi tempora antecessit.

De Hipparcho quod dicitur non ulterius capiendum quam de ratione stellarum, quæ vel primæ vel secundæ vel tertiæ magnitudinis sunt. Ita enim Servius ad 1. librum Georgicor: *Hipparchus, inquit, scripsit de signis & commemoravit etiam unumquodque signum quot claras, quot secunda lucis, quot obscuras stellas habeat.* Nam aliàs nomina stellarum diu ante Hipparchum, id est, mille & ultra annis usurpata vel ex Seneca intelligi potest, qui lib. 7 Natural. Quæstion. cap. 25. ita ait: *Nōdum sunt anni mille quingenti ex quo Græcia stellis numeros & nomina fecit.* At Seneca anno Christi 65 jussu Neronis interfectus est: Hipparchus autè ante Christum anno 183 sub Ptolomæo Philadelpho adhuc floruit. Quin & Iobus, quæ generū Iacobi ex Din uxore Philo Iudæus facit, *Arcturum, Pleiades & Orionem* nominat, interprete Hieronymo capite 9. vers. 9. *Qui facit, inquit, Arcturum, Orionem & Pleiades ac penetratum Auspici sidera.* Et Amos propheta cap. 5. vers. 8. *Quærite opificem Pleiadum & Orionis &c.* Verisimile autem est duo fuisse hominum genera, qui stellas in asterismos redegebant, *Agricolæ & nautæ*: Ab agricolis sunt *Aries, Taurus, spica virginis, Capricornus, Auriga, Heniochus, Capella, Hædi, plaustrum*. Homero etiam nota nomina. A nautis *Pleiades, Hyades, Navis, Cete* & similia, juxta illud Maronis 1. Georg.

Navita tum stellis numeros & nomina fecit.

Pleiades, Hyades clarumque Lycaonis astrum.

Et hodie quoque quæ sunt versus polum Antarcticum asterismorum nunc nota nobis vocabula quibus nisi navicatoribus Lusitanis & Belgis nostratibus

bus debemus? Non autem audiendi sunt, qui hæc usitata constellationum nomina prorsus damnant, quasi a Christianis non sine detrimento Christianæ religionis usurpari queant. Nam cum absque superstitione hodie usurpentur, tum & magna earundem nomenclationum necessitas est, quia sine illis disciplinarum atque artium consensus atque harmonia retineri nequit. Sunt enim hæc vocabula ubivis gentium ac terrarum in artium præsertim explicatione jam recepta atque usitata. His itaque utamur dum vera nomina, quibus opifex supremus unamquamque stellarum nuncupavit, ut David testatur psal. 146, nobis prorsus sint incomperta. De Arabibus autem qui reiectis humanis figuris, ferinas substituerunt, vide Ios. Scaligerum in Sphæram Manilij.

Stellas Fixas effectu insignes 1600 annumerari dixit Plin. lib. 2. c. 41. quorum autoritate & fide suffultus, nondum cognoscere potui: cum Ptolemæus 1022 in universum posuerit, annumeratis etiam ijs, quæ sporades, vagæ & informes nominantur. Quas splendoris magnitudine & claritate in sex ordines distribuit: ut sint primæ magnitudinis xv, secundæ xlv, tertiæ ccviii, quartæ cccc lxxiv, quintæ ccxvii, sextæ xlix: quibus obscuras ix, & nebulosas v addere oportet. Has omnes suis quasque imaginibus expressas & magnitudinibus, adjectis etiam nominibus, quibus à Græcis & Latinis appellantur, (nonnullis etiam, quibus Arabes utuntur nominibus, apposis) in Globo cœlesti depictas videas.

Quemadmodum vero suprà magnitudines planetarum ex diametris illorum collatis cum Terræ diametro intelligi posse monstravimus: ita & stellarum quoque fixarum magnitudo cognoscitur. Cujus rei ejusmodi schema esto.

Diameter	1	} <i>ad Terræ diametrum se habet, ut,</i>	119	ad	4	}
stellarum	2		269	ad	60	
magnitu-	3		25	ad	6	
dinis	4		19	ad	5	
	5		19	ad	36	
	6		21	ad	8	

Stellas porro fixas Ptolemæo & veteribus in plaga Austrina incognitas, ac postmodum a Lusitanis ac nostris certis vocabulis insignitas, suo quasque loco mox dicemus.

Has omnes constellationes adjectis appellationibus Arabicis, partim ex Alfragano, partim ex Scalig. comment. in Manil. & Grotij notis ad Arati Imagines, præcipue ut Iacobus Christmannus ex Epitome Arabica Almagesti Ptolemæi nobis tradidit) suo ordine enumerabimus.

bimus. Qui autem fusiorem tractatum desiderat, consulat 7 & 8 l. Almag. Ptol. Copernici Revolutiones cœlestes, & Erasmi Reinolt Tabulas Prutenicas: ubi singulæ Stellæ numerantur, suâ cuique longitudine, latitudine & magnitudine adjecta.

Videndus & Christoph. Clavius in 1 Caput Sphæræ Ioh. de sacro Bosco pag. 168; Et, præter omnes, præcipue Tycho Brahe; qui libro de stella nova anni 1572 juxta proprias & accuratas calitus deductas observaciones inerrantium stellarum omnium quotquot nostro in Climate commode conspici possunt canonicas tabulâs proposuit pag. 258 & sequentibus.

Sed hoc observandum est, quod Copernicus & Erasmus Reinoldus longitudines stellarum numerât à prima stella Arietis, Ptolemæus ab ipsâ interfectione equatoris & eclipticæ. Neque enim rectè monet Victorinus Strigelius, Ptolemæum numerare stellarum fixarum longitudines à prima etiam Arietis stella.

CAPUT. III.

HEMISPHERII BOREALIS
CONSTELLATIONES.

Vrsa minor. Arabibus *Dub Alasgar*, hoc est, Vrsa minor, & *Alrucaba* quod plaustrum significat: hoc tamen nomen tributum est extremæ illi in cauda, quæ nostris temporibus stella nominatur Polaris, utpote quia polo vicinissima. Duæ sequentes in cauda, Græcis *χορωνυ* quasi ludentes. Duas lucidiores in anteriori corporis parte *Alferkathan* Arabes vocare docet Alfraganus. Stellâs numerat VII. & una est prope hanc informis. *Thales* constellationem hanc primus repperit, & canem vocavit, ut docet Theon Arati Scholiastes.

*Asterismi
enumerati.*

2. Vrsa major *Dub Alaeber*, quæ in dorso prima est, numero autem 16^a. Vocatur *καρ' ἰζοχην* *Dub*. & quæ in ilibus, numero 17 *Mira*, potius ut Scaligero placet *Mizar*, quod significat locum præincisionis, prima in cauda, 25^a numero, Alfonso finis *Aliore*, Scal. *Aliath*. Hûc Asterismum Nauplium invenisse Theon asserjit. Stellâs habet 27. Theoni 24. Vtranque Vrsam, ut testatur Aratus, Græci *ἀμαζαι* hoc est currum vocarunt. At propriè 7 lucidiores ursæ majoris, quæ currus figuram gerunt, *ἀμαζα* dicitur. Has Arabes *Beneth As* vocant, h. e. filias feretri, ut Christmann, docet: corruptè legunt *Beneth*, & ad extremam cau-

dæ re,

dæ retulerunt : alij autem legunt *Benethasch*, quod filium urſæ ſignificare volunt. Majorem urſam in navigationibus Græci obſervarunt, unde *Ἰλίου πειρας* vocavit Homerus, ut Thconi videtur, urſam enim majorem *Ἰλίου* Græci dixerunt: minorem Phœnices ſecuti ſunt, ut teſtatur Aratus.

3. Draco. Arabes *Atanin* vocant, & frequentius *Aben*. Scal. legit *Taben*. unde quintam numero, quæ eſt in capite, vocat *Raſtaben* quæ vulgo dicitur *Raſtaben*. Huic annumerantur ſtellæ 31.

4. Cepheus *Alredaf*. Huic præter duas informes prope Tiaram, ſtellas tribuerunt x1: quarum quæ numero eſt 4^a dicitur *Alderaimin*, hoc dextrum brachium ſignificat, vocatur etiam hæc conſtellatio Arabibus *Phicares*, & Flammigerum interpretantur, fortè à Græco *πυρκαίδς* deductum.

5. Bootes, *Βοώτης*, Bubulcus, ſed Arabes, quaſi ſcriptum eſſet *βοωτης*, quod eſt clamator, vocarunt *Alharva* hoc eſt vociferator & *Alſamech alramech*, hoc eſt, deferens lanceam. Hujus inter crura micat ſtella informis primæ magnitudinis, Græcis itemque Latinis *Arcturus*, Arabib. *Alramech*, vel ſtella lucidiſſima *Somech haromach*. A Theone in medio Zonæ vel cinguli locatur. Stellis 22. conſtat hæc Imago.

Arcturi meminit Iobus, interprete Hieronymo & alijs, qui ſeptuaginta appellantur, cap. 9. verſ. 9, quomodo & ſupra innuimus. In ipſo autem Hebræo textu *gnafch* ſive *aſch* dicitur, à voce *gnufch*, quod eſt, *congregabit*. Notat in Onomaſtico ſuo Heſychius *Booten* à quibuſdam etiam *Orionem* appellari. Quo & illum Manilij verſum

Arctos & Orion adverſis frontibus ibant

trahendum exiſtimat H. Grotius in Notis ad Arati imagines celeſtes. Quin & totum Bootem ſive Arctophylacem dici Arcturum, quia *ἄρκτος* & *φύλαξ* idem notant, obſervat ad Manilium Scaliger. Hebræi vero quod Arcturum, ut dixi, à *congregatione* appellent, inde eſſe putem, quod urſam majorem ſecum jungat. Eſt enim ſtella poſt caudam urſæ majoris, unde & nomen habere videtur, quaſi *ἀρκτὸς* *ἄρκτος*. Vnde & Plinius cap. 41 lib. 2: *Bootes ſequitur ſeptentriones*.

6. Corona Borea. Arabes vocant *Aclilaſchemali*. Lucida, quæ eſt, quâ parte corona eſt ſolubilis, & eſt numero 1, dicitur *Alphacca* id ſolutioneſa ſignificat: dicitur & *Munir*. id omnibus lucidis ſtellis commune. Stellas habet 8.

7. Hercules *Alcheti hale rechabatch*, hoc eſt, procidens in genu ſuū, & ſimpliciter *Alcheti*: eſt enim laboranti & deſatigato ſimilis (ut videt Aratus, inde latinis Niſus vel Nixus) (quod apud Vitruvium in Neſſes

malè transformatū) & Græcis *ἰν γόνατι* quod est ingeniculatus. Hujus numero 1^a. quæ est in capite, dicitur *Rasalchti*, malè Alfonso in *Rasaben*. Quæ 4^a est, dicitur *Marsic*, rectius *Marsic* quod est reclinatorium, pars Brachij qua innitimur. 8^a numero, quæ est ultima trium in 1^o certo, dicitur *Maẏim* vel à fortitudine *Maasim*. Stellæ habet 8 præter eam; quæ in extremitate pedis dextri, communis Bootæ & unam informem ad dextrum brachium.

8. Lyra *Schaliæ* & *Alvakah*, hoc est, cadens scilicet vultur, constat Stellis 10 Hippar. & Ptolemæo. Timochares 8 tribuit, ut Theon asserit. Alfraganus 11. Hujus lucida, numero prima, Alfonso *Vega* dicitur.

9. Gallina, *Cygnus*, *Aldigaga* & *Altayr*, hoc est, volans scilicet vultur, huic dederunt, præter informes duas prope alam sinistrâ, stellæ 17, quarum 5^a vocatur *Deneb adigege*. i. cauda gallinæ, & peculiari nomine *Arided*, quod interpretantur quasi redolens lilium.

Notabile & observatu hoc loco haud indignum est, novam in pectore cygni stellam anno 1600 observatam, quæ multorum exinde mathematicorum curas exercuit. Inter ceteros, præter Iustum Byrgium Cesareæ majestatis automato-pæum, Iohannem Beierum, Mastlinum aliosque. Iohannes Keplerus discipulus olim Tychonis Prægæ tractatum super eâ edidit, postquam jam sexenium eundem in pectore cygni locum tenuisset, magnitudinis quasi tertiz.

10. Cassiopeia *Dhath Alcurfi*, hoc est, domina sellæ, stellæ numerat 13, quarum 2^a Alfonso *Scheder*, Scal. *Seder*, quod pectus significat.

In asterismo quoque Cassiopeiz novum sidus primæ magnitudinis apparuit anno 1572 Novemb. 11; fulsitque menses undecim. Variorum de eo varia fuerunt iudicia. Omnium tamen eo propemodum sententia rediit, in ipso æthere orbis lactei ad oram Cassiopeiz sedem fixisse. Qui accuratius observaverant (quos inter illustris ille Tycho Brahe fuit, qui & ingens volumen, plenum accuratissimis observationibus, de eodem confecit) uno omnes ore asseverabant, nec paralaxim nec ullum inter verum & apparentem stellæ locum discrimen a se animadvertendum, ut omitram, quod iidem addebant, sub eodem octavæ sphaeræ situ perpetuo constitisse. Vnde manifesto arguuntur ij, qui nullam à prima creationis die novam in cælo stellam exortam volunt; quos inter Lambertus Danaus fuit Physices Christianæ Tract. 4 cap. 10. At non hujus solum ille meminisse debuerat, cum anno 1575 Physicem suam ediderit, sed & ejus, quam Hipparchus, teste Phinio, suo ævo in ipso quoque æthere deprehendit. Nam quod idem Danaus, stellam, quæ in nativitate Christi apparuit, vel cometam, vel unam ex ordinarijs stellis, quæ singularem cursum tenuit existimavit; prius admitti non potest, cum stella diserte nominetur, nec alterum, locum habet, cum Magis & astrorum peritis stella aliqua, quæ sedem mutasset, imponi haud potuerit. Nec in-

Lib. 2.
cap. 6. Natural. hist.

terea tamen hanc magorum stellam cum Hipparchicâ illâ, & de qua nunc diximus, anni 1572, plane fuisse eandem, sed peculiare quiddam & ab illis eximium habuisse, facile concesserim: De quo videndus uberius Tycho de nova stella pag. 19 & seqq.

11. Perseus *Chamil Res Algol* hoc est, deferens caput Algol vel Medusæ, quæ enim in summa sinistra manu spectatur, dicitur Arabib. *Ras Algol*; Hæbreis *Roseli haſſat.in*, quod est caput Diaboli. Huic præter tres informes attribuunt stellas 26, quæ autem 7^a est numero, Alfonso *Alchemb*, pro *Alchenib*, vel *Algeneb*, ut Scal. vult, quod latus significat.

12. Auriga id est *Roba* & vocatur *Memafich Alhanam*, hoc est, retinens habenas. Stellas habet 14. quæ autem in sinistro humero præluet, numero 3^a *Alç* Capra, Arabib. *Alhajok*, Scaligero *Alatod*, quod hircum significat, duæ verò quæ in manu sinistra 8^a & 9^a *Teſſoi* hœdi, Alfonso. *Suclateni*, Scal. Sadateni, hoc est, brachiû sequens. hos primus inter sidera ostendit Cleostratus Tenedius, ut Higino placet.

13. Aquila *Albhakkab*, recentiores vulturem volentem vocant sive *Alta yr*, sed contra mentem Alfragani, qui Cygno ut diximus hoc nomen attribuit. Huic stellas 9 annumerant, præter 6 informes, quas in Antinoi amasij sui memoriam Hadrianus imperator Antinoi nomine insigniri voluit.

14. Delphinus *Aldephin* stellas numerat 10.

15. Telum, Sagitta, *Alſoham*, dicitur etiam *Iſthuse*, quod à Græco *ἰσθὺς* formari existimat Grotius. Stellas habet 5.

16. Serpentarius *Alhava* & *Hasalanguæ*. Stellas habet 24 & 5 informes. 1^a autem dicitur *Rasalanguæ*.

Conſpectum est in pede Serpentarij novum item ſidus anno 1605, quod inter primæ magnitudinis referri haud dubie potuit. Apparere coeperat circiter Octobrem mensem anni, ut dictum, 1605, ſequente vero, anno 1606 in Februario disparuit. Adeundus Kepplerus, qui de eo commentarium edidit.

17. Serpens *Alhaſa*, conſtat ſtellis 18.

Equiculus, *Kataat Alfaras* hoc est, *αὐτοῦ ἵππου*, Equi ſectio, obſcuris quatuor ſtellis conſtat.

19. Pegalus *Alfaras alathem*, hoc est, equus major, stellas habet 10. Hujus dexter humerus *Almenkeb*, atque eadē numero 3^a dicitur *Seat Alfaras* brachium equi: quæ autem in riſtu, 17^a numero vocatur, *Eniſ Alfaras*, hoc est naſus equi.

20. Andromeda *Almarā Almaſuſſela*, hoc est foemina catenata. Alfra-

Alfraganus vocat *foemina* quæ non est experta virum. Stellas numerat 23, quæ est 12^a & in perizomate, vulgo *Mirach* Scal. *Mizar*. quæ autem 15^a vocatur *Alamac*, potius *Almaac* quod foccum vel cothurnum significat.

21. Triangulum *Almutaleth* & *Mutlethun*, quod triplicitatem significat. Stellarum est 4.

Inter has omnes Borealis hæmisphærij constellationes, quæ sunt numero 21, sunt tantum primæ magnitudinis stellæ tres: Quarum prima est *capella* dicta in sinistro humero *aurigæ* sive *Erichonii*, alias *Heniuchi* dicti. 2^a *lucida* *lyra*. 3^a *Arcturus*, intra crura *Bootis*. Stellæ autem, omnes in hac plaga sunt 360, adnumeratis ijs quæ secundæ, tertiz, quartæ, quintæ & sextæ cum nebulosis & obscuris magnitudinis sunt.

CAPVT. IV.

SIGNA ZODIACI
BOREA.

ARIES *Albamel* stellas habet 13 Ptolemæo, Alfragano 12. Præter 5. informes.

2. Taurus *Altor* vel *Ataur*, hujus in oculo prænitens, Romanis Palilicium, Arabibus *Aldebaram*, quasi dicas stellam prælucidam, itemque *hain Altor*, id est oculus Tauri. Quinque vero, quæ visuntur in fronte ejus, hyades Græcis (Latinis fuculæ) sic dictas volunt Theō & Hero Mechanicus, quod literæ Y figuram obtinent; potius fortassis quod pluviarum effetrices. Thales Milesius duas hyades dixit, borealem & australem. Euripides 3. Achæus 4. Hippias & Pherecides 7. Sex autem vel potius 7, quæ in ejus dorso conspiciuntur, Græcis Pleiades (forte à multitudine) Latinis Vergiliæ, Arabes *Atauria* quasi Taurinas dixeris: Nicander post eum Vitruvius, & Plinius in cauda tauri, Hipparchus extra taurum in sinistro pede Persei, posuerunt. Has in Ta. probana insula nunquam conspici, Plinius & Solinus referunt. Ridelicula planè relatio, neque alio quovis quam Plinio aut Solino digna.

Plinij verba non quidem simpliciter sic loqui videntur, cum addant idem de Septentrionibus. Ita enim habent cap. 22 lib 6; ubi de legatis, qui ex insula Ta. probaua Romam venerant: *Septentriones Vergiliaeque apud nos, veluti in novo celo, mirabantur. Si Ta. probane sub ipso æquatore sita, sane ob rationem quam supra ad* cap.

cap. 3. partis 1 ex Lerio attuli, de Septentrionibus non ita novum hoc esset: Ne^c quidquam absoni scripsisset Plinius, si hunc in modum scripsisset: *Septentriones apud nos, veluti novo calo, mirabantur*. Nihil interim absque libris ingestum velim, qui sciam non præter solitum titubare in his atque impingere subinde Plinium. Vide & supra cap. 4. partis 1.

Eorum enim, qui Taprobanam incolunt, verticib. prope imminet. Taurus habet stellas 33, non annumeratis informibus 11.

3. Gemini *Algeuze*, hos alij Castorem & Pollucem; alij Apollinem & Hercule: unde apud Arabas alter *Avellar* pro *Aphellan*, alter *Abracaleus* pro *Iracleus* Scal. dicti videntur. Stellas (præter septē extra formam) 18 obtinet, quarum est in capite, *Rasalgeuze*.

4. Cancer, *Alfartan*, præter quatuor informes stellis constat novem, quarum quæ in pectore nebulosa & est 1^a numero, *Mellef* vocatur, id concretum vel densitatem Scaligero significat.

5. Leo, *Alased*, hujus in corde lucidissima quæ prænitet, 8^a numero, *Kale alased*, id est, cor leonis vocatur, Græcis *Βασιλική*, quod qui sub eâ nascuntur, regiam habent nativitatem, inquit Proclus, quæ autem in extrema cauda ut ultima numero est, *Deneb Alased* hoc est, cauda ea leonis, quæ Alfragano dicitur *Asumpha*. Stellas habet 27, cum informibus inter extrema leonis & majorem ursum, ut Ptolemæo placet, (Theon. Aratum secutus Virgini annumerat) Cincinum novum si-
 dus efformarunt. Conō Mathematicus in Ptolemæi & Berenices gratiam Crinem Berenices vocavit, & Callimachus poeta suis versibus celebravit.

6. Virgo *Eladari*, frequentius vocatur *Sunbalu*, id spicam significat, quæ autem in summa sinistra manu præfulget, *αχχus* spica vocatur, Arabibus *Haçimeth Alhasel*, quod manipulum farraginis significat: malè in dextra Vitruvius & Higinus spicam collocant. Stellas habet Virgo 26, præter sex sporades sive informes.

CAPVT V.

AVSTRALIS HEMISPHERII EFFIGIES, AC PRIMO, QUÆ IN ZODIACO.

LIBRA *Almizan*, cujus lanx meridionalis vocatur Mizan Alje-
 min, id est, libra dextra vel meridionalis. Libram antiquiores in
 K signis

signis non numerabant: Posteriores Chelas Scorpio amputatas, libræ tribuerunt, inde Arabes lancem boream vocant *Zubeneshi mali* hoc est, *χρῆλ βόρα*, quæ autem ad Notum vergit, *Zuben algenabi* *χρῆλ νότ* vocatur. Stellis 8 insignita est præter 9 extra signum.

8. Scorpio, vulgo *Alatrab*, rectius *Alacrab*. unde quæ in corde, numero octava, dicitur *Kelebalacrab*. hoc vult cor Scorpii. quæ autem in extremâ caudâ secunda, *Leshat*, rectius *Lefath*. quod ictum venenatorum significat, hoc nomine vocatur Scorpii aculeus. Vocatur etiam *Schomlek*, Scalig. per transpositionem legit *Moselek*, id flexum vel arcuationem caudæ significat. Stellis habet 21, & tres extra formam.

9. Sagittarius, *Elensu* vel *Elcausu*. id arcum significat. Stellis 3 insignis conspicitur.

10. Capricornus, *Algedi*, huic dederunt stellas 28. quarum quæ est 23^a, dicitur *Deneb Algedi*, hoc est, cauda capri.

11. Aquarius. *Eldelu*. hoc situlam significat. Hujus 10^a num. in extrema manu, *Scat*, id brachium est, vocatur. Stellis 42 numerat.

12. Pisces, *Alfemcha*. Stellis habet 34, & informes quatuor.

Inter asterismos, qui hoc capite quinto & antecedente quarto ab autore sunt enumerati, quique in Zodiaco omnes continentur, quinque reperiuntur stellæ primi honoris sive magnitudinis: Estque omnium prima *oculus Tauri*, 1^a *cor leonis*, 3^a *cauda leonis*. 4^a spica. Virginis 5^a circa *os piscis* Austrini. Reliquæ aut secundæ, aut tercię aut quartę aut quintę aut sextę magnitudinis censentur cum aliquot nebulosis. Suntque ita in hac plaga stellæ omnes 346.

CAPVT V.

AVSTRALIS HÆMISPHERII

IMAGINES EXTRA

ZODIACVM.

CETVS, Arabibus, *Elkaitos*, Stellis 22 numerat. Hujus 2^a vulgo *Menkar*, Scaligero *Monkar Elkaitos*, hoc rostrum ceti. decima quarta, *Baten Elkaitos*, venter ceti, penultima *Deneb Elkaitos*, id cauda ceti.

2. Orion vocatur Arab. partim *Afugia*, hoc audacem vel furiosum significat: quod nomen hydri etiam accommodatur: partim *Elgenze*, *Genze* autem est juglans, forte allusum ad Latinum *Ingula*. quo nomine Fe.

ne Festus Orionem indiget, quod amplior sit cæteris, ut Nux Iuglans. hoc autem nomen *Elgeuze*, Geminis etiam tribuitur. Dicitur item *Algibbar*, quod fortem vel Gigantem significat. Stellis 38 conspicuus est. Harum secunda, quæ in humero dextro, *Ied Algeuze*, hoc est manus Orionis, ut Christmanno placet: vulgo *Bed Elgeuze*, fortè *Betelgeuze*, quod est Lucida Orionis: tertia numero, vocatur Alphonfinis Bellatrix. Quæ est in sinistro pedè, numero trigesima quinta, dicitur *Rigel Algeuze* vel *Algibbar*. id pedem Orionis significat.

Iobi capite 9 vers. 9 *Orionis* fit mentio, quemadmodum supra commonuimus. Textus Hebræus habet vocem, quæ *insaniam, furorem* atque *instabilitatem* notat; *Kesil* enim dicitur: fortasse quod ejus ortus tempestatibus orbein variè conturbet, sitque, ut loquitur poeta, *nimbosus & aquosus*. Hieronymus & alij *Orionem* vertunt. Notandum autem Hebræorum vocabulum *Kesil* respondere Arabico *Afugia*, quod idem *audacem* vel *fiosum* significare auctor ait. Iterum Orionis meminit Iobus capite 38 vers. 31. *Nunquid cohibebis delicias pleiadum, aut lora Orionis dissolues*. quamvis ibi varient interpretes. Videatur & propheta Amos cap. 5 versu 8.

3. Eridanus, *Alvahar*, id est, fluvius, unde *Nar* Hetruriæ fluvius per contractionem dictus quibusdam videtur. Stellis habet 34. Quæ autè 19^a vulgo *Antegenar*. Scal. *Anchenet etar*, hoc flexû vel curvaturâ fluvij significat. & 29^a dicitur *Beemim* vel potius *Theemim*, quod geminas & sibi conjunctas significat, ut dubium sit, an non ad duas stellas ubivis vicinas, hoc nomen applicetur. Lucida autem in ejus extremitate, ultima numero, dicitur *Acharnahar*, quasi dixeris, post fluvium, vel in fine fluvij. Vulgò *Acarnar* nominatur.

Avienus suis in versibus *Nilum* dixit, istis nimirum:

— — *Pharium pars altera Nilum*

Commemorat, largo segetes quod nutriet amni.

Plautus eleganter circumscripsit in Trinummio Sc. *Huic ego*. Ità enim ibi: *Ad caput amnis quod de calo exoritur sub solio Jovis.*

4. Lepus, *Alarnebet*, stellas 12 numerat.

5. Canis *Alcheleb Alachbar*, hoc est, canis major & *Alfahare aliemalija*. i. e. canis dexter vel meridionalis. Illud autè *Alfahare*, quod & *Scera* Scaliger arbitratur, ductû ab Arabico nomine, quod *uspofoßiav* significat, morbû quo rabiosi canes afficiuntur. Grotius dubitat, an nō potius sit *Elseiri*, quod deductum videri possit à Græco *σείρις*. Sic enim vocatur splendidissima in ore, Arabibus *Gabbir* vel *Echer*, corruptè *Har*. Habet stellas 11.

6 Pro cyon, Antecanis: quia ante canē oritur. *Alcheleb Alasgar*, hoc est, canis minor, & *Alfahare alfemalya*, hoc est, canis sinister vel septentrionalis, vulgò depravatè *Algomeiza*. Stellæ habet duas.

Est insigne epigramma apud Ausonium de cane cælesti, terrestri & marino huc etiam spectans, modò vero suo vultu, id est, hunc in modum exhibeatur:

Trinacrij quondam currentem in littoris ora

Antecanis leporem caruleus rapuit:

At lepus. In me omnis terra pelagique ruina est,

Forsthan & cali: si canis astra tenet.

Quo loci versu secundo ante canis caruleus, est canis marinus. Vulgo hætenus editum nullo sensu ante canem leporem. *Antecanis* autem illi positum ad imitationem Ciceronis, qui omnium inter Latinos primus *procyona*, *antecanem* dixit, ut patet ex versibus, quibus Arati Phænomena Latine reddidit.

7. Argo, Navis. *Alsephina* Arabib. *Sephina* navem significat. Dicitur etiam *Merkeb*. id currum denotat (sic poetis Græcis *ἄρμα θαλάσσης*, currus maris pro navi solet dici). Hoc autem nomen Alfonso, apponunt ei, quæ numero sexta est. Stellis 45 insignitur, quarum penultima *Sohel* vel *Syhel*, id ponderosum notat, vocatur: forte ab eâ mente, quâ Basso terrestri nominatur, quod humillima & circa terram esse videtur. Græcis *καρυστός*, Hebræis *Chesil* vocatur, ut Christmanno videtur. Quod si verum sit, Arias Montanus in Itinerario Benjaminî Tudelensis non rectè pro Orione capit. Azaniæ incolæ Equum vocarunt,

cap. 7 lib. 5. ut testatur Ptolemæus.

Geograph. 8. Hydra, *Alfugahh* vel *Asuia*, id fortis est vel furiosus. Ægyptij vocarunt Nilum, ut Theoni placet in comment. Aratæis. Præter duas extra imaginem, stellæ habet 25 quarum 12^a Alfonso *Alphart* vocatur.

9. Crater, Vrba *Albatina* & *Elkû*. id pateram significat. Stellæ habet 7.

10. Corvus, *Algorab*, habet item 7.

11. Centaurus eodem nomine Arabibus vocatur. Stellis 37 insignitur. Ex his, quæ in pedibus posterioribus sunt, effingunt crucem illâ adeo in Hispanorum navigationibus celebratam.

12. Fera, *Asida*, quod leonam, & *Alsubahh*, id feram vel lapum significat, cui attribuerunt stellæ 19.

13. Ara sive Thuribulum, *Almugamra*, Bassus vocat sacrarium. Stellæ habet 7.

14. Corona Australis, *Ala clii algenubi*, Stellas habet 13 in duplicata spira fulgentes, ut inquit Alfraganus, Theon x11 tribuit.

15. Piscis austrinus, *Ahaut Algenubi*, Stellas habet 12 Ptolemæo, Alfragano 11. Hujus in ore quæ conspicitur lucens *Phom ahaut*, hoc est os piscis, vulgo formahant.

Describitur etiam in Globo cælesti Zona quædam colorem quasi lactis tota retinens: unde nomen invenit, ut vocaretur via lactea. Est autem non æqualis & regulata, sed latitudine, colore, stellarum frequentia, & ipso situ differens atque varia; quibusdā partibus simplex, alijs gemina conspicitur. Tractum ejus in Globo expressum & à Ptolemæo fusè explicatum videas c. 2, 8. l. Almag.

Hæc plaga stellas primæ magnitudinis habet septem. quarum prima est in humero Orionis dextro; 2^a in sinistro pede ejusdem Orionis. 3^a in extremo fluvii Eridani; 4^a in ore canis majoris Sirius dicta, 5^a in femore canis minoris, *procyon*; 6^a Canopus in Navi Argo; 7^a in Centauri pede dextro. Quib⁹ accedunt secundæ mag. 18. Tertiz 60. quartæ 168. quintæ 53. sextæ 9. Neb. 1. Quæ in universum omnes censentur. 316.

Totum autem Firmamentum, comprehendens una cum Zodiaco Borealem & Australem plagas, habet stellas 1022, facientes asterismos seu *μορφώσις* 48. Nec enim plures Ptolemæus & ante eum Hipparchus atque Eudoxus designarunt, quamvis Plinius, ut & author supra cap. 2 commonuit, numerū stellarum & constellationum multo majorem faciat. Verum de eo ad calcem capit, quod proxime sequitur.

Constellationes, quæ à nostratibus & Lusitanis circa Polum Austrinum sunt observatæ suisque nominibus insignitæ, ad finem sequentis capit, adjiciemus.

CAPUT VII.

DE STELLIS IN GLOBO
NON EXPRESSIS.

PRÆTER hæc astra, à Ptolemæo nobis enumerata, multa alia se conspicienda præbent, præsertim hyberno tēpore & serena nocte, cum & plura se exhibent conspicienda, & quæ videntur, majora apparent. Causam quæris, extra nostrum institutum. Sed paululum digrediamur, præsertim quod nonnulli in causa hujus rei designanda longiusculè aberrarunt. Sunt enim qui (pro eâ quam habent in Physicis & Opticis peritiâ) volunt vel concipi plura, quam revera

sint per imaginationem vel deceptionem visus, vel (quod æquè est ridiculum) acrem hyeme tenuiorem & puriorem ea præbere conspicienda, quæ æstate (cùm est crassior) latent. Atque hunc errorem non tam apud alios deprehendo, quam demiror maximè, quòd Iohann è de Benedictis magni nominis Mathematicum devium traduxerit. Diversa enim & plane contraria est ratio. Ideo enim quia aer crassior, ea propter plura itemque majora perspiciuntur. Ratio ex Optices cognitione probat, visus iudicat, experientia docet, autoritas suadet. Radios per medium quod est crassius refractos, & veluti in canales quosdam diffusos, maiorem verà objecti imaginem visui objicere, non alienè ab Opticorum mente docet Strabo ex Posidonio. Perspicillorum ope plura videri, & quæ videntur, majora quam sine ijs concipi, norunt infimi è vulgo. Fertur (inquit Cleomedes) Sol de profundis spectatus puteis major apparere, quam cum è celsioribus locis conspicitur, idque propter humidiores & crassiores aërem in imo puteo. Si fieri posset, ut per parietes & solida quævis corpora Sol spectaretur (ut de Lynceo fabulata est antiqua Græcia) major multo conciperetur, ut rectè docet Posidonius. Orientem itemque occidentem Solem maiorem videmus (præsertim in altis maribus) inquit Strabo. Maiorè dicimus, non tamen decuplo, quanto maiorem apud Indos quam alijs in locis Solem apparere Ctesia rerum Indicarum Eclogæ fabulantur, multo minus centuplo, ut (ad extremum Hispaniæ promontoriū, quod *Sacrum* vocarunt, occidentem Solem conspici) dixit Artemidorus, quod in eo merito taxavit Posidonius. Alfraganus hujus rei causam vult, quia vapores è terra elevati, aspectui & orienti Soli interpositi, maiorem nobis Solem exhibent. Eandem volunt Strabo & Cleomedes ex Posidonio: neque hoc multū alienè ab optimorum Physicorum mente. Hæc hætenus.

Spectantur etiam in parte mundi Austrina stellæ multæ, quarum, quod ab artificibus nostri orbis observari nō possent, nulla ad nos venit notitia. Ex his etiam memoratis multa nobis non conspiciuntur ad Borealem mundi polum magis accedentibus. De stellis prope Austrinum mundi polum apparentibus, accipe historiam verè admirandam, quam ex Americo Vespuccio retulit Franc. Patricius Senensis in fine l. 15. Novæ Philosophiæ. Sic habet. *Cælum decentissimè exornatur sideribus quibusdam, quæ sunt nobis incomperta. Quorum ego consignantissimè memini, percensui fere viginti, tanta claritudinis, ut apud nos*

Venus

Venus & Iupiter. Deinde. Pro comperto itaque habui, majoris esse magnitudinis quàm autument mortales, & imprimis tres Canobos conspicatus sum, duos claros admodum, tertium obscurum & dissimilem alijs. Et mox. Quæ verò ipsum polum ambiunt tria sunt, quæ figuram præ se ferunt trianguli orthogoni, quorū id, quod medio loco visitur, circumferentiam habet grad. novem cum dimidio : & ubi hæc exoriuntur, à lava conspicitur Canobus albicans eximie magnitudinis. Postea. His succedunt tria alta præclara sidera, quorum medium habet diametrum circumferentiæ grad. duodecim cum dimidio, & in medio eorum cernitur alter Canobus. Hunc sequuntur sex alia conspicua sidera, quæ claritate cunctis octava sphaera sideribus præstant, quorum medium in superficie firmamenti diametrum habet circumferentiæ grad. 32. Hæc astra concomitatur Canobus ingens sed niger, quæ omnia cernuntur in via lactea. His ex Corsalio addit quæ sequuntur. Andreas verò Corsalius scribit, duas nubeculas satis magnæ circa polum versari, & inter eas stellam esse à polo gradibus circiter 11 distantem : supra quas cerni ait crucem admirabilem inter 5 stellas quæ eam circundant, cum alijs quæ cum ea revolvuntur, procul à polo grad. 30. quæ tanta sit pulchritudinis, ut nullum cæleste signum ei possit comparari. Hæc est historia verè mira de Austrinæ mundi partis Phænomenis. Auditum admissi risum teneatis? Tres procudit Canobos Vespucius, unicum agnovit Ptolemæus & antiqua Græcia, in temone Argus navis constitutum. Hoc est præterea animadversione dignū, quod Patricius (quantum ego ex illius scriptis conjicere possum) ex malè expressis Vespucij verbis, ab ipso peiùs intellectis, stellam quandam diametri apparentis magnitudinis grad. 32 pulchrè sibi efformavit, cū in Solis diameter minuta 32 vix attingat. Quæ autem nobis comperta sunt & explorata de his Austrini mundi Phænomenis in navigatione plusquam annua 1591 & 1592 ultra æquinoctialem circulum sic se habent. Tres solū stellæ primæ magnitudinis nobis conspectæ sunt, quas nostra Anglia non cernit. Ptolemæus in Alexandria has omnes vidit. Prima est in temone Argus, Canopum vocant. Secunda in extremitate Eridani. Tertia in dextro Centauri pede. Si quartam adjicies, quæ in sinistro Centauri genu spectatur, valde conspicuam, non multū adversabor. Alias primæ magnitudinis Austrina mundi pars non videt : vix unam aut alteram secundæ magnitudinis ostendit Ptolemæo non conspectas. Neque enim aliqua universi cœli pars paucioribus & minoris luminis stellis ornatur, quàm quæ Austrino polo vicinior,

vicinior. Vidimus Andreæ Corsalij nubeculas, alteri diametro quasi subduplam vel subtriplam, colore non ab similes circulo lacteo, ab ipso polo non admodum remotas. Nostrates nautæ Magellani nubeculas solebant nominare. Admirandam quam Corsalius vocat crucem, Hispani cruero, nostrates *Crossers* nominant, conspeximus. Stellas ex quibus constituitur, vidit Ptolemæus, sunt enim lucidiores in posterioribus Centauri pedibus. Hæc omnia sæpius eoque diligentius ideo spectavimus, quod de admirandâ magnitudine stellarum Austrini orbis, non dissimilia ijs, quæ refert Patricius, apud Cardanum legisse meminera.

Quæ in hoc Austrino orbe a nostris postmodum & Lusitanis navarchis observatæ habentur constellationes suisque indicatæ nomenclaturis sunt hæc: *Triangulum australe*, *Grus*, *Phoenix*, *Hydrus*, *Dorado piscis*, *Aurata* aliàs in ipso Eclipticæ polo; *Chamaeleon cum musca*, *piscis volans*, *Apis Indica*, *Paradij-voghel*. *Pavo*; *Indus* *den Indiaen* / *Toucan avis*, alias *pica Braslica*. Quæ & ipsæ in globis cœlestibus *Hondianis* accurate omnes exhibentur. Inter eas magnitudinis *prima* nullæ reperiuntur; *secunda* 7. *Tertia* 6. *Quarta* 35. *Quinta* 56. *Sexta* 11. *inferiores* 6. *Nebulosa* 2, præter *nebulas* ipsas binas. In universum autem stellæ sunt, omnis nebulois, 121. Quas si 1022, superius jam enumeratis adjecerimus, erunt 1143. Quarum 1022 ab autore quoque nostro cap. 2 partis 2 ex sententiâ Ptolemæi agnitæ ac receptæ fuerunt, tantum quod dubium hunc calculû reddat Plinius, cujus verba sunt lib. 2 cap. 41: *Patrocinaur vastitas cali immensa, discreta altitudine in duo atque lxx signa. Ha sunt rerum aut animalium effigies, in quas discessere calum periti. In his quidem mille sexcentas annotavere stellas, insignes videlicet efficiu visive*. Ecce stellas mille sexcentas agnoscit, cum post eum Ptolemæus tantum mille viginti duas, ut posuimus, agnoverit; asterismos etiam sive signa duo & sexaginta describit, quæ in Hipparchij, Eudoxi ac Ptolemæi catalogo tantum quadraginta octo inveniuntur. Scaliger ad Manilium pag. 67 ut nodum solveret, legebat in verbis Plinij, *patrocinaur vastitas cali, immensa altitudine, discreta in duo de L signa*, id est, in duodecim *quaginta*. At interim hæret scrupulus in verbis ejusdem Plinij sequentibus, ubi stellæ mille & sexcenta enumerantur.

Addi præterea in eadem plaga recensitis jam asterismis duos adhuc reperio *columbam oliviferam* & *phanicopterum*. Quorum *columbam*, Nohæ appellant. constituunt eam stellæ xi. Earum in dorso duæ sunt magnitudinis secundæ, *Boni Nuncij* dicti; ad alam dextram placati numinis, ad sinistram *abscissus aquarum*, appellantur diluvij tempore. *Phanicopterum* nobis dici posset *roodt-vleughel*. De eo Martialis lib. 13.

*Dat mihi penna rubens nomen, sed lingua gulosis
Nostra placet: quid si garrula lingua foret?*

Hispani vocant *Flamengo*. Expansis alijs *Piscem*, *Notium*, quæ in arcum curvatur

curvatur, rostro appetit. Stellis fulget XII: quarum quæ in capite secundæ magnitudinis (cujus classis duas alias habet, unam in dorso, in alâ sinistra alteram) oculum *phœnicopteri*, par vero, quod in medio collo, *collare* vel *torquæ*, appellat *Merula* lib. 1 *Cosmographiæ*. Postremo notandum *Polum Austrinum* Indis *Dramasa* appellari. Ita enim *Plinius* lib. 6 cap. 19: *Austrinum polum Indis Dramasa vocant*.

TERTIA PARS.

CAPVT I.

DE GEOGRAPHICA DESCRIPTIONE GLOBI TERRE-

STRIS, ET PARTIBVS

TERRÆ COGNITÆ.



OTAM tellurem, tanquam immensam Insulam Oceano cinctam, *Dionysius Afer* in initio suæ periegeseos tradit. Idē ante cum *Homerus* & *Eratoſthenes* (quem *Dionysiu* in plurimis secutū monet *Eustathius* ejus *Scholiastes*) voluerunt, ut docet *Strabo*. Idem post cum *Mela*. Ad *Boream* terminarunt mari glaciali, quod *Saturninum* & mortuū vocat *Dionysius*; ad Orientē *Eoo*, quod & *Sericum* vocant; ad Meridiem mari *Rubro* (*Indicum* *Ptolemæus* vocat) & *Æthiopico*; ab Occidente *Atlantico* alluitur. Ex hoc Oceano in tellurem se infundunt (ut antiquioribus *Geographis* placuit) quatuor sinus præcipui. Duo à Meridie ex *Erythræo* mari infuunt, sinus sc. *Persicus* & *Arabicus*. Ab Occidente ex Oceano *Atlantico* immittitur sinus vastus, qui *Mediterraneum* vocatur mare. A *Septentrione* ex Oceano *Scythico* *Caspium* mare infundi voluerūt; quod præruptis & excelsis rupibus magna ex parte clausum est; unde flumina tantavi devolvuntur, ut cū ad præcipitia pervenerint, aquā in mare, ne consperso quidem littore, tam longinquē ejaculentur, ut littus quasi flumine contextum exercitibus sit pervium, referente apud *Strabonem* *Eudoxo*. *Caspium* mare Oceano (ut diximus) *Scythico* confluere *Strabo*, *Plinius*, *Mela*, *Solinus* voluerunt: sed eorum errorem, præter recentem & comprobata experientiam, hoc etiam

extorquerē posset; quod ejus aquam dulcem esse, Magnus' primum Alexander, deinde Pompeiusprehenderunt; ut qui tum Pompeio militabat, testatur M. Varro apud Solinum. Atque hac præcipue ratione id ipsum probare apud Strabonem nititur Polycletus. Hoc omne quidam antiquiorum in duas diviserunt partes, Asiam & Europā. Qui secuti sunt, tertiam adjecerunt, quam Africam, interdum Libyam vocant. Ex his Asia est maxima, sequitur Libya, Europa est omnium minima, secundum Ptol. l. 7 Geographiæ.

Europa &
Asia limi-
tens.

Europa ab Oriente, quā Asiæ adjacet, terminatur interjacente mari Ægeō (nunc *Archipelago*) Ponto Euxino, quem terris undique coactum paludis olim in morem constituisse, & magna fluminum accessione augmentum, vi viam aperuisse in Propontidem & Hellespontum, apud Strabonem existimavit Strato. Hodie autem vocatur Pontus Euxinus *Mare Maggiore*, palude Mæotide (*Mare delle Zabacche*) Tanai fluvio (vulgo *Don*) & Meridiano, qui inde ad Scythicum vel glaciale mare protenditur. Reliquis ex partibus mari alluitur. Ad Meridiem ab Africa dirimit fretum Gaditanū & Mediterranci maris pars. Hujus freti longitudinem stadiorum 120 voluit Strabo: totidem & Plinius. Latitudinem Strabo 70 stad. Mela 10 mil. passuum, id est, 80 stadiorū posuerunt. P. Livius & Cor. Nepos, maximam latitudinem 10 m. pass. vel 80 stadiorum, minimam 7 m. pass. vel 56 stad. At à Mellaria Hispaniæ vico, ad Promontorium Asiæ Album dictum, 5 solū mill. passuum vel 40 stadia numerantur à Turannio Graccula, qui juxta ea loca genitus est, referente Plinio in Præf. lib. 3. Europam quondam Africæ continentem adhæsisse Eratosthenes putavit. Tradiderunt ejus loci incolæ (inquit Plinius.) Effossum Isthmum labore Herculis fabulantur. Ab Occidente Europa finitur Oceano Atlantico. Britannico, Germanico & Glaciali, quā Boream spectat.

Hæc Europæ Borealis pars primum detegi & aperiri cœpta sub Augusto, vel ut rectius dicam, auspicijs Augusti Cæsaris innotuit. Nam, ut habet Plinius libro 2 cap. 67, *Septentrionalis Oceanus majore ex parte navigatus est auspicijs divi Augusti, Germaniam classe circumvecta ad CIMBRORVM PROMONTORIUM: & inde immenso mari, respecto, aut summa cognito, ad Scythicam plagam.* Intelligit scilicet Plinius maritimas expeditiones Tiberij Drusi & Germanici; & præsertim Drusi; quod ex verbis Taciti quæ sunt in Germania disci potest: Sunt enim ejusmodi: *Ipsum quinetiam Oceanum illa tentavimus: & superesse adhuc Herculis columnas summa vulgavit: sive adijt Hercules seu quidquid ubique magnificum est, in claritatem ejus rejerte consensimus. Nec defuit audentia Druso Germanico, sed obstus Oceanus in se simul atque*

atque in Hercule inquiri. *Mox nemo tentavit: sanctiusque ac reverentius visum, de alius Deorum credere, quam scire.* Antea hæc plaga totiusque Borealis tractus Romanis erat NOVVS ORBIS, IGNOTVS ORBIS quemadmodum alibi ex Albinovani elegia in obitum ejusdem Drusi observasse nos memini. PROMONTORIUM vero, quod Plinius nominat, CIMBRORVM, nunc vulgo Scagen appellatur.

Quas autem in eadem plaga, ut obiter hoc addam, HERCVLIS COLUMNAS memorat jam citatus Tacitus eas facete Hadrianus Junius, qui has aliquando oras vidit, refert ad eam Scandinavix (male est in Junio *Norvegia*) excelsam rupem seu promontorium, quod hodieque *Col* indigenis nec nō naucleris nostratibus appellatur. Nam & id religione etiamnum sacrum est; & ut narrat de *Gaditanis Columnis* Strabo, ad eas ubi pervenerant olim navigantes, quasi cursu & meta laborum absoluta, Herculi sacra fecisse; ita & hic tirones, quibus mare illud Boreum navigatum non est, statis ceremonijs (quod & ipsi aliquando promontorium idem præternavigantes, vidimus) inaugurati excipiuntur maloque nautico alligati marinæ aspergine, quam haustro affundunt, seu libamento quoque expiantur. Junius autem, qui eam voculam *Col* vel ab *Hercule* vel à *Columna* mutilatam augurat, an & alios sibi assentientes habiturus sit, multum ambigo. Verum de eo & toto hoc Boreali tractu alibi aliquando oportu-
tior dicendi erit locus.

Africam ab Asia separat (ut Dionysio & Melæ placet) Nilus fluvius & Meridianus per ejus defluxum ad Æthiopicum usque mare ductus. Ptolemæo magis placet, ut dirimantur sinu Arabico (quem minus rectè vocant Mare Rubrum) & Meridiano, qui inde ducitur ad Mare Mediterraneum per Isthmum, qui eadem se jungit, quique Ægyptum Arabiæ & Iudææ facit continentem. Neque enim videtur ei congruum, ut Ægyptus distrahatur, & pars ejus Africæ reliqua Asiæ tribuatur: quod fiet, si Nilus fluvius statuatur terminus. Neque hoc Straboni videtur inconcinnum, cum ejus Isthmi longitudo, quæ duo maria dirimit, 1000 stadijs major non sit. Et rectè videtur dixisse: *non major stadijs 1000.*

Utrumque enim Posidonius paulo pauciora numerat 1500 stadijs, Plinius tamen non amplius 115 M. pass. hoc est 920 stadijs, continere voluit. Idemque Strabo à Pelusio ad Heroum urbem in intimo recessu sinus Arabici sitam, distantiam 900 stadiorum posuit. At si Plutarcho attendere libeat, quâ Isthmus maximè coarctatur & constringitur, duo maria non amplius 300 stadijs distabunt. Atque hac (cum ab Augusto navali prælio copiæ Antonij fractæ, & res penitus accisæ essent) Cleopatram Romanorum servitutem refugientem, conata in esse subducam

subductam classē trajicere, ut novas sedes à Romanis quā remotissimas quæreretur, in Antonij vitā idem refert Plutarchus. Quā mente inter duo maria 15 vix stadia superesse dixerit Copern. l. 1. cap. 3. planē non intelligo, nisi quod mendum existimem quod operarum incuria irrepserit. Atque hoc erratum utcunque sit grave, utinam hoc solum hujus excellentissimi viri scriptis insideret. Isthmum hunc ab antiquis temporibus aquis coopertum, prius quam Oceanus Atlanticus Mediterraneo mari conflueret, Eratosthenes existimavit : atque hāc Menelaum Homericum ad Æthiopes navigasse, Grammatici quidā Homeri Scholiastę comminiscuntur Strabone attestante. Huic autem Eratosthenis relationi (sive historiam, sive fabulam, vel conjecturā malis dicere) quæ videntur fidem facere, pauca quædam adjiciemus. Primo Ægyptum (si non universam, eam saltem quæ infra Delta sita, inferior Ægyptus nominatur) Nili (vel potius Maris) donum, ex aggestione limi & arenæ, ante Strabonem Herodotus conjectavit. Pharon insuper insulam, quam Alexandria ponte conjunctam suā ætate refert Plin. lib. 5. cap. 31 (ideoque & peninsula à Strabone dicta videtur) integrę noctis & diei navigatione ab Ægypto quondam fuisse disjunctam, ex Homero referunt Strabo & Plinius. Atque hinc Strabo conjicit, Homerum (cū Thebarum in Ægypto sæpius mentionem faciat) Memphis omnino non meminisse, quod aut exigua tum fuerit, aut prorsus non fuerit, terrā aquis Homeri ætate coopertā, ubi postea Memphis ædificata est. Huc etiam facere videtur interjuncti litoris inter duo maria depressiō, quæ tanta est, ut de perducendā inter eā fossā, primū Scosistris, deinde Darius, postremo Ptolemæus cogitarint. Et litus Ægyptij maris ultra montem Casium, mari inundatum suā ætate se vidisse memorat Strabo. Item magnæ recessiones æstus, quæ fiunt tum in sinu Arabico tum etiam Persico, ab hac conjectura Eratosthenis non multum alienæ videntur. In tantum enim minuuntur æstus in sinu Arabico, ut inde quæsitam esse occasionem mentoret Iul. Scal. calumniandi miraculosum trāsitum 600 amplius millium Israelitarum per mare rubrum, quē factum esse dixerunt prope initium recessum maris, observatā æstus recessione, eodemque affluente Ægyptios esse submersos.

Hoc mare septuaginta interpretes perpetuo *Erythraum* vocant : Hieronymus, *rubrum*; ipse textus Hebræus intelligens maris sinum, qui & Ptolomæo est *sinus Arabicus*, *mare Suph*, nominat, id est, *mare algosum*, seu *caricosum*, quod in eo juncus

juncus & carex uberrime proveniat. Quod & Plinius notavit lib. 13 cap. 25. *Nascuntur & in mari frutes arboresque minores in nostro. Rubrum enim & totus Orientis Oceanus refertus est silvis. Non habet lingua alia nomen, quod Græci vocant phycos: quoniam alga herbarum magis vocabulum intelligitur: hic autem est frutex. Videatur & Strabo lib. 16.*

Locus, quem ex Scaligero citat author, est in Exercitationibus adversus Cardanum, Exercitat. 52. Sed operæ est prætium ipsum Scaligerum loquentem audire, ut & constet quis ei de eo sensus & judicium fuerit. Ita enim ille loco jam indicato: *In plaga Indici secundum Gangis atque Indi fauces magnus est aestus. In Erythraeo tantus, ut osiores sacrarum literarum temere mentis sint: Moſen in sicco transmiſiſſe, nullum reſtinctionis occaſionem. Quod tamen fieri non potuit. Propterea quod ad Sues uſque quod in intimo recessu jacet, mare operit litus illud: neque unquam regrediens hanc huius inferioris partes, qua transierunt Hebræi, sua decessione aperiat.*

Et prope fauces sinus Persici juxta promōtorium Macarum, refert Plinius, Numenium Antiochi præfectum contra Persas dimicantē, primū classe, deinde recedente æstu equitatu etiam eodem die, bis ibidem superasse. Plin. lib. 6 cap. 28. Atque hæc de Eratosthenis conjecturâ. Redeamus nunc ad Africæ terminos. Ab Oriente (ut diximus) ab Asiâ separat meridianus per sinum Arabicum & mediterraneum mare ductus. Reliquis ex partibus circumambit mare: Meridiē versus, Æthiopicum, Atlanticum ab Occidente, ad Boream Australis Europæ terminus. Ptolemæi ignorancem de Australi parte Africę quam facit Asiæ continuam per incognitam terram, Australem maris Indici & sinus Æthiopici partem ambientem, si antiquorum relationes non probent; nec Herodoti, qui refert quosdam à Dario missos totum hunc ambitum circumnavigasse; nec Heraclidis Pontici, qui perhibet Magum quendam à Gelone venisse, qui se diceret navigio totam hanc oram circumvixisse (quia suspectas habet Posidonius contra Polybium; neque Eudoxi Ciziceni historia à Posidonio approbata, quam Strabo, Plinius, & Mela ex Cornelio Nepote gravissimo viro refert, (quia hanc historiam non multam abesse à Pythææ Evemeri & Antiphanis mendacijs existimavit Strabo); neque Iubæ regis traditiones de hac eadem re à Solino relatæ; utut inquam antiquiores istæ traditiones Ptolemæi ignorantiam non probent: manifestissimè tamē evincunt Lusitanorum recentiores navigationes, factę per Promontorium Africæ extremum (quod Bonæ spei vocarunt) ad extremas usque Indias. Mitto interim inter antiquorū relationes, quod refert Plinius, regnante C. Cæsare Augusti filio, in sinu Arabico reperta &

agnita esse signa ex naufragijs navium Hispanicarum: & Carthaginis potentia floreante, Hannonem à Gadibus ad Arabiam circumvectum navigationem eam scripto prodidisse.

*Asia quæ
maris æthi-
opiæ.*

Asia ab Europa & Africa (utranque autem ab Occidente spectat) quibus separaretur terminis, dictum est. Reliquis ex partibus Mare alluit; congelatum vel Hyperboreum ad Septentrionem; Oceanus Sericus & Eous ad Orientem; Rubrum & Indicum à Meridie, Borealia Africa, ut & Europæ non mari sed incognita terrâ ambirivoluit Ptolemæus, volunt quidam recentiores, qui Groenlandiam quam vocamus, Indiæ continentem arbitrantur. De hac eorum opinione ut plurimum dubitemus faciunt nostrarium multæ navigationes, qui extrema Norvegiæ longè intra Arcticum circulum prætervecti, ultra strictum illud, quod novam quam vocant Zemlam à Russia separat, omnia mari circumdari testantur, ut mittam quod ex Cornelio Nepote, gravissimo scriptore refert Mela, datos esse Q. Metello Celeri (qui Proconsul Galliis præerat) à Suevorum rege, Indos quosdam, qui vi tempestatum abrepti, ex Indicis æquoribus in Germaniam delati sunt, & quod Patrocles apud Strabonem asserit, posse per oram maritimam Bactris, Hircania marique Caspio multò septentrionaliorem, Indiam usque circumnavigari, ijs autem locis præfuit Patrocles, & quod refert Plinius, totam hanc oram ad Ortum, ab India ad usque mare Caspium, enavigatam esse armis Macedonum, Seleuco & Antiocho regnantibus.

*Quantitas
latitudinis
terra apud
Vestros.*

De quantitate habitatae terræ variè scripserunt antiquiores. Ptolemæus ejus longitudinem ab Occidente Orientem versus definivit Meridiano transeunte per insulas Fortunatas, & eo qui per Synarum Metropolim ducitur: ut complectitur semissem equatoris, sive gradus 180, horas æquinoctiales 12, stadia in equatore 9000. Latitudini terminum Australissimum posuit parallelum, qui ultra Equatorem vergit ad Meridiem grad. 16 m. 25. Borealem terminum fecit parallelum, qui per Thulen ducitur, grad. 63 ab æquinoctiali distantem: ita ut tota latitudo 79 gr. 25 m. vel integris. 80. gr. concludatur, stadiis 40000 proximè. Excurrit itaque in Ortum & Occasum longius quam in Austrum & Boream, sub æquinoctiali dimidio paulo amplius, in parallelo Borealissimo quinquagesima parte propemodum. Merito itaque extensionem terræ in Ortum & Occasum Longitudinem, in Austrum & Boream Latitudinem vocarunt antiquiores, attestante Ptol.

l. 1 Geograph. c. 6. Strabo longitudinem agnoscit, quantam Ptol. 180 grad. æquatoris, itidem & Hipparchus, utcunque in stadiorum numero plusculum dissentiant. Nam posuerunt longitudinem quæ est sub æquatore 126000 stadiorum, secuti Eratosthenis mensuram, quæ tribuit uni gradui 700 stadia. Latitudinem multo minorem fecit Strabo, stadiorum paulo minus 30000, & definivit parallelo ducto per Cinnamomiferam stadijs 8800 ab æquatore ad Boream distante, eoque qui transit per loca Britannix Borealia stadijs circiter 4000. Parallellum per Cinnamomiferam Australiorem Taprobana, aut per ejus extrema Meridiem versus transire facit Strabo. Sed magnam prodit ignorantiam, cum ejus pars Australior ultra æquatorem excurrat attestante Ptolemæo 7. Geograph. c. 4. ut mittam nuperas Lusitanorum navigationes. Dionysius Afer longius etiam aberrat, qui Taprobanam Tropico Cancræ subjecit.

Hactenus de finibus & terminis orbis habitati ab antiquioribus constitutis. Nostra ætate Hispanorum & nostratium navigationibus, Africæ ora maritima ad 35 amplius Austrinæ latitudinis gradum penitus lustrata est, & Europæ pars Borealior intra Arcticum circulum ad 73 usque gradum latitudinis cognita est, præterquam quod novæ orbis partes inventæ, ultra spem & fidem antiquiorum, ne vel solo nomine ipsis cognitæ.

Partes orbis noviter detectæ.

Sinas non *Chinas* scribendum, ut vulgo author alijsque hodie scribunt, vel ex Ptolemæo liquere potest, qui perpetuo *Sinas* nominat. Tabula quoque geographica ejusdem Ptolemæi octava, *Asiam* adhuc exhibens, *Scythas Cathas* (Catharum regionem noster vocat) intra montem Imavum & Emodum collocat: *Sinarum* vero partem ultra eundem Emodum & Ottorocaram sericos montes, ortum & austrum versus: ut mirum sit hodie Mathæum Riccium è Societate Iesu, in sua Sinensi expeditione Catharum regnum à Sinensibus haud esse distinguendum tam multis pertendere. Verum adversus ejusmodi assertionem etiam alijs ac prioribus argumentis testimonijsque agere ac contrarium liquidissime demonstrare in promptu ac facile esset, modo hic locus pateretur.

America, quasi alter orbis excurrens ultra 52 Austrinæ latitudinis gradum, terminata freto Magellanico, ad Boream se projicit intra circulum Arcticum: quæ ex parte Mari etiam terminari, nostratium multarum navigationes magnum faciunt fidei argumentum. Mitto oras maritimas obiter conspectas, nondum satis lustratas, ultra mare illud, quod Borealia Europæ & Asiæ ambit, itemque eas quæ sunt Australiores Mari Indico & Erythræo: quas, quin Australiori freto Magellanici terræ con-

Americæ.

ræ con-

ræ continentes judicemus, nulla dum experientia contrarium potest evincere.

Europa.

Europa (sive ab Europa Tyria Agenoris, aut ut alijs placet, Phoenicis filia, ut videtur Herodoto; sive ab Europa Nympha Oceani, ut vult Hippas apud Eustathium; sive ab Europa quodam, ut Niciæ placet apud eundem Eustathium; nomen sortiatur) has præcipuas continet regiones: Hispaniam, Galliam, Italiam, Germaniam, Bohemiam, Borussia, Rhetiam, Livoniam, Slavoniam, Græciam, Hongariam, Polonia, Moscoviam sive Russiam, Norvegiam, Suediâ & Daniam. Huic adjacent Insulæ præcipuæ Britannicæ: Altera Scotiæ & præcipuè Angliæ imperio nobilis: Altera est Hibernia Angliæ regno subdita. Deinde sunt Açores & multæ insulæ in Mediterraneo mari, ut Sicilia, Sardinia, Creta, &c.

Observandum in *Europa*, 1 celebriores Monarchas esse *Imperatorem Romanum, regem Hispaniæ, Galliæ, Britannia, Daniæ, Suetiæ Poloniæ, & Moscoviæ*: quibus addi potest *Romanus pontifex*, qui licet regis titulum non usurpet, potestate tamen & dignitate haud inferior habetur; ut & *Turca* qui Europæ quoque partem tenet; 2 Montes primarios esse *Alpes*, Italiam à Germaniâ ac Gallia secludentes; item *Pyrenæos*, qui Hispanos à Gallis separant. 3 flumina præcipua, *Danubium, Rhenum, Albim, Vistulam, Borysthenem & Tanaim*, quibus adde Hispaniæ *Tagum*, Galliæ *Rhodanum & Garonnam*: *Thamesin* Britannix. Postremo merces Europæ sunt, aurum, argentum, stannum, plumbum, ferrum, oleum, frumentum omnis generis, linum, lanæ, Sal &c.

Africa hæc notabilia habet: 1 Europâ major est, Asia vero minor, utraque minus culta. 2 Mari atque Oceano undique terminatur nisi qua Asia adharet. 3 Primariæ ejus partes sunt, *Mauritania, Numidia, Libya, Cyrenaica, Egyptus & Ethiopia*. 4 inter reges & regna celebria sunt *Marocco, Fessa, Algeria* nec non *Aethiopix Preteritus*. 5 Mons primarius est *Atlas*, & qui ad ortum Nili. 6 flumina præcipua sunt *Niger & Nilus*, qui omnium totius mundi maximus, & secundum * *Diodorum Siculum* 700 insulas circumfluit. 7 Mercimonia Africæ sunt, *Ebur, Zibothum, aurum, Gossipium, gemma & aromatica quedâ, Sal, Icones, cameli*.

* cap. 3 lib.
1 Per. 44.
113.

Africa.

Africa sive ab Aphro quodam nomen accepit, socio-expeditionis Herculis contra Gerionem, ut vult Eustathius; vel ab Iphrico quodâ Arabum rege, unde in lingua Arabum Iphrichia vocatur, ut testatur Iohannes Leo; vel à torrente æstu, ut dicatur *ἄφρικη*, quasi sine frigore (ut alijs placet) has habet præcipuas regiones: Proximè freto Gaditano (quod hodie dicitur, fretû Gibraltar) jacet Barbaria, antiquitus dicta Mauritania, quæ cõtinet regna, Marocco, Fessa, Algeriæ, Tuneti. Proximè

Proximè Barbariam Ægyptus est Mari etiam Mediterraneo adjacēs. Interius post Barbariam sequitur Biledulgerid, antiquioribus dicta Numidia. Tertia est, quæ Latinis & Græcis Libya dicitur. Arabes Sarram vocant. Sequitur Nigritarum regio, adjacens fluvio ejusdem nominis, qui Niger dicitur. Hodie vocant multi Senagam. Multa ignobilia regna continet, ut sunt Gualata, Guinea, Melli, Tombutum, Gagos, Guberis, Agades, Canos, Casena, Zegzega, Zanfarā, Burnum, Gaoga, Nubia. Succedit amplissimum imperium Æthiopum regis, quem Pretegiāni vocant, Christiana religione ab Apostolorum usque temporibus nobile, Abyssinorum nomine notum, rectius Habasfinos vocandos esse monet Arias Montanus in Itinerario Benjaminī Tudelenis. Eorum imperium in Asia etiam jam pridem latissimè patebat. His ad Occasum adjacent obscura regna, Manicongo & d'Angola: ad Ortum & Meridiem, Melinde, Quiloa, Mozambique & Benamatapa. Insulæ præcipuæ quæ huic adjacent, sunt Madagascar, Insulæ Canariæ, & Cap. Viridis, & Insula S. Thomæ Æquatori subiecta.

Asia (sive dicta sit ab Asia matre Promethei, ut vulgò volunt, sive ab Asiæ quodam Heroe, ut placet Hippia apud Eustathium) tota hodie subiecta est Turcarum Imperatori & Persarum regi ad usque Indiam Orientalem, quæ plurimum subiecta est regibus Chinæ & Pegu. Borcalia Asiæ occupant Muscovitæ, Tartari, & qui regionem Cathaig incolunt. Insulas habet, præter Cyprum & Rhodum in Mediterraneo mari; ad Austrum, Sumatram, Zeilam, Iavam utramque, Moluccas, Philippinas, Borneo, & infinitas propemodum alias; ad Ortum jacent Iapones Insulæ.

Quod ad Asiam attinet, imprimis hæc observanda, 1. duplicem esse, *minorem* aliam, aliam *majorem*. 2. *Minorem* describi ab Oriente ponto Euxino; à meridie Euphrate fluvio, ab occasu mari Mediterraneo, à Septentrione mari Ægeo. 3. Huius olim regiones fuisse *Ciliciam, Phamphiliam, Cariam, Lyciam, Ioniā, Lydiam, Æoliā, Mysiam, Bithyniam, Paphlagoniam, Cappadociam, Galatiam, Lyceniam & Pisidiam*. 4. ad majorem Asiam pertinuisse *Syriam, Armeniam, Chaldaeam, Arabiā, Persiam, Tartariam, Hircaniam, Parthiam, & Indiam*. 5. utramque hodie primaria hæc imperia simul complecti, *Turcicum, Persicum, Tartaricum, Indicum & Sinarum*. 6. Montes primarios esse *Taurum, Caucasum & Imaum*. 7. Flumina præcipua *Euphratem, Gangem & Indum*. 8. Inter merces Asiaticas esse *aurum, uniones, gemmas, aromata omnis generis, moschum, shus, balsamum, Ambram, sericum, ebur & elephantos*.

America, quæ ab Americo Vespucio, qui primus hanc terram aperuit nomen accepit fines ac terminos habet; ab Oriēte (quā Europam spectat

ſpectat & Africam) Oceanum Atlanticum; ad Occidentem, Mare quod vocant del Zur; Australiſſimam partem claudit fretum Magellanicum: Borealiſſimam partem adhuc incognitam, Mari cōgelato terminatam magnum fidei argumentum faciunt multæ noſtratium navigationes, D. Martini Forbiſher, & Ioann. Davis. Has præcipuas numerat regiones: ad Boream terrā Laboris, quæ Hiſpanis dicitur Tierra de Labrador. Succedit Baccælearum regio, inde nova Francia: deinde Virginia, poſtea Florida, proximè nova Hiſpania, urbe Mexicana maximè nobilis, poſtrema eſt Braſilia & Peruvia ad Austrum vergētes. Multas habet adiunctas Inſulas. Plurimæ in ſinu jacent Mexicano, Americæ ad Ortum, quorum inſigniore ſunt Cuba, Hiſpaniola, & multæ ignobilioreſ aliæ.

Sunt præterea aliæ orbis partes nondum ſatis luſtratæ & cognitæ: ultra mare Indicum terra Australis, *Nova Guinea*, utrum inſula an cōtinens terræ Australi, nōdum ſatis cognitum; quemadmodum & tractus Magellanicus; Borealis orbis partes, Europæ, Aſiæ & Americæ obſectæ, quas noſtratium multæ navigationes detexerunt.

CAPUT II.

DE AMBITV TERRÆ, VEL MAIORIS
IN EA CIRCULI, ET DE MEN-

SYRA VNIVS GRADVS.

*Diffenſus
auctorum
de ambitu
Terræ.*

DE ambitu maximi in terra circuli, cū ad Geographiæ ſtudiū & navigandi ſcientiam apprimè ſit neceſſaria ejus cognitio, reſtat ut dicamus. Neque videbor (ſpero) ab inſtituto aberrare ſi aliquanto prolixius huic argumento inſiſtam: præcipue quia magna eſt in hac re diſſenſio inter magni nominis ſcriptores, ut quem ſequamur, etiamnum ſit in controverſo.

Ariſtoteles in ſine 2 de cœlo (idque ex Mathematicorum, ut ait, ſententia) circumferentiæ terræ 40000 ſtadiorum attribuit. Cleomedes 300 millia numerat. l. 1. Lyſimachiæ enim & Syenes vertices per decimam quintam ejuſdem Meridiani partem diſtare, ſciotericis inſtrumentis deprehenſum reſert. Intervallū autem 20000 ſtadiorum ponit, unde ambitus 300000 elicietur, tantus enim numerus exurget, ſi
20000

20000 per 15 multiplicaveris. Eratosthenes (si Straboni, Vitruvio, Plinio, & Cenforino credimus) 252000 complecti voluit. Hipparchus (attestante etiam Plinio) adjecit stadiorum paulo minus 25000: Strabo eadem qua Eratosthenes usum mensurâ, cum alibi tum in fine 2. Geograph. docet: ubi inquit, ex Hipparchi sententia quantitatem terræ continere stadiorum 252000 quantam & Eratosthenes tradit. Eratostheni suffragatur fabulosa Dionysiodori relatio apud Plin. lib. 2. ca. ult. *In sepulchro Dionysiodori reperta est* (inquit) *epistola scripta ad superiores, qua testabatur semidiametrum terræ ad 4200 stadiorum continere.* Hic numerus sexies assumptus 2520000 producit.

Cleomedes, Eratosthenis & Posidonij observata referens, aliquanto minorem circuitum ex Eratosthenis sententia facit, nempe 250000 stadiorum. Syenem enim & Alexandriam sub eodem ponit Meridiano. Syene sub æstivo posita Tropico, Sole Principium Cancri obtinente, gnomones habet meridie expertes umbrarû. Profundum puteum in hujus rei fidem effossum eodem tempore totum illuminatum id ipsum testari, ante Plinium retulit Strabo. Alexandriæ Sole in eodem loco constituto, eodem tempore gnomon umbram projicit ad quinquagesimam partem peripheriæ, qui ad rectos angulos erigitur, ut ejus summitas ejusdem peripheriæ sit centrum. Intervallum autem Syenes & Alexandriæ esse stadiorum 5000, præter Eratosthenem, Plinius & sæpiusculè Strabo posuerunt. Quod si 5000. per 50. multiplicaveris, exsurgit numerus 250000. quot stadia universæ terræ ambitui Eratosthenes attribuit. Posidonius (methodo non multum ab simili) circumferentiam terræ 240000 stadia continere, nititur probare. Primum Rhodum & Alexandriam sub eodem posita Meridiano pro confesso sumit, quod & Ptolemæus agnoscit l. 5. Alm. c. 3. Canobus autem stella lucidissima in temone Argûs (quam Græcia non cernit, ideoque videtur Aratus ejus non meminisse) in Rhodo primum conspicitur; at in ipso horizonte, statimque ad mundi conversionem occidit; aut (ut ait Proclus) ægrè conspicitur, aut certè ab editis locis. At cum à Rhodo Alexandriam usque perveneris, sublimis apparet. Quartæ enim signi parte, cum ad Meridianum accesserit, ab horizonte attollitur, hoc est quadragesima octava parte Meridiani per Rhodum & Alexandriam. (Eadem Proclo mens, si legeris, *Canobum in Alexandria conspicuè cerni quarta circiter signi portione supra horizontem extante.* Mendose vulgo legitur, *in Alexandria non cerni*, fortasse ἀφανες pro ἰν-

Phæcis irrepsit.) Distantiam autem Rhodi & Alexandriae definit stadiorum 5000 quantam & Plinius. 5000 autem per 48 multiplicata, producunt 240000 numerum stadiorum totius terræ circumferentiæ congruentem ex Posidonij sententia. Ptolemæus passim in Geographia, & ante eum Maximus Tirus, 500 stadia tribuerunt uni gradui maximi in terra circuli, qualium totus ambitus 360 continet, ut tota circumferentia complectatur non amplius 180000 stadijs. Ptolemæi mensuram terrestris ambitus antiquioribus cognitam, ab ipso Posidonio approbatam testis est Strabo lib. 2 Geographiæ.

Causa diffi-
scius.

Magna hæc dissensio de terrestris ambitus mensura. Et quævis opinio maximorum virorum autoritate se tuetur. Quem sequamur, dubium. Causam quæris dissensus? Aquæ hoc in dubio. Nonius & Peuce-
rus diversis usos stadijs volunt. Maurolycus & Philander è passuum diversitate stadiorum discrimen ortum arbitrantur. Maurolycus multum desudat, ut consensum faciat, at frustra, non patiuntur. Multa docent passuum genera. Verum. At stadiorum quærimus, saltem pedum. Passibus (quod sciam) non dimetiebantur Græci suum stadium, sed pedibus aut *ἐργυιας*. est autem *ἐργυια* extensionis manuum cum interjecto pectore mensura, sex pedes complectens, familiaris nostris nautis mensura in dimetienda Maris aut fluminum profunditate. Passum multi vertunt, nescio quàm rectè, judicent eruditi. Xylander in Strabone transferendo ulnam semper vertit. Stadium pedes habet 600 inquit Herodotus benè antiquus Græcæ scriptor, idem Suidas multò recentior. Stadium continet orgyas 100: orgya cubita 4: cubitum pedem unum cum dimidio vel 24. digitos, attestante Herone Mechani-
co (saltem ejus Scholiaste) ex infima opinor Græciæ antiquitate. At Cenforinus, inquires, tria stadiorum genera proponit. Italicum quod est 625 pedum, quod in mundi mensura potissimum intelligendum esse docet. Aliud est Olympicum, quod 600 pedum. Prætereaque Pythicum pedes 1000 complexum. Verùm enim verò omisso stadio Pythico, si attentius paulo rem consideremus, deprehenditur, Italicum & Olympicum, utcunque nomine discrepēt, se non differre. Italicum enim quod 625 pedes Rom. complectitur, quod & Plin. testatur l. 2 c. 23 æquale erit Olympico quod 600 pedes Græcos continet; quoniam 600 pedes Græci æquantur 625 Romanis pedibus. Pes enim Græcorum excedit pedem Romanum vigesima quarta parte, quanta est differentia inter 600 & 625.

In tanta

In tanta opinionum diversitate coniciamus & nos, quæ tanti dissensus causa, & quem ex his sequamur. Mittamus autem Aristotelem, cujus assertio solo nomine defenditur. Cleomedis enim opinionem de 200000 stadijs vix mentione nostra dignaremur, nisi Archimedes Syracusanus ejusdem, ut suo ævo non penitus reprobata, meminisset. Discutiamus Eratosthenem & Posidonium, quorum opiniones certis fundamentis niti videntur. Causam dissensus existimamus, quod Eratosthenes & Posidonius locorum distantias quas tradunt dimensi non sunt, sed ex vulgari peregrinantium traditione acceperunt: præterquæ quod Posidonius in suis etiam observatis longius aberravit. Ptolemæus autem ex dimensis intervallis suam firmatam esse sententiam, cum ait: Cognitæ terræ latitudo est partium 76 unius tertiæ ex una duodecima vel integrorum grad. 80 stadiorum 40000, ut unus gradus complectatur stadia 500. quod ex accuratioribus dimensionibus deprehensum est. Eratosthenem in designandis locorum intervallis longius aberrantem insectatur Hipparchus, & incredibilem locorum ignorantiam refellit, attestante Strabone l. 1. Ab Alexandria Carthaginē usque ultra 13 stadiorum millia numerat Eratosthenes, cum non sint plura 9 millibus, inquit Strabo. Posidonius quod ponit intervallum, inter Rhodum & Alexandriam 5000 stadiorum, ex nautarum opinione desumptum, quorū alij 4000 alij 5000 tribuunt, fatetur apud Strabonem Eratosthenes: se autem deprehendisse ait sciotericis instrumentis, non esse majus 3750. Strabo paulo etiam minorem facit distantiam, stadiorum 3640. Ptolemæum itaque qui accuratioribus dimensionibus suam comprobata & stabilitam fatetur opinionem, veritatē propius accessisse par est ut credamus.

Franciscus Maurolycus Messanenſis Abbas, dum Posidonio adversus Ptolemæum patrocinatur, incautus decipitur. Suspectam habet Ptolemæi fidem in designanda Rhodi latitudine, quam posuit graduum 36. Corruptos in tabulis Geographicis esse numeros monet, quod certissimum. In Rhodiensi latitudine qui probet, videamus. *Posidonij*, inquit, *observata non minorem faciunt ejus latitudinem gr. 38 cum dimidio.* nisi in Alexandrina etiam latitudine falsus sit Ptolemæus, quod non posse fieri existimat Maurolycus. At nos contra dicimus, Ptolemæū adversari huic latitudini, non solum in libris Geographicis, sed passim in libris magnæ constructionis præsertim 6 c. l. 2 ubi eandem Rhodi latitudinem, quam in Geographicis tradit, adjicit etiam maxi-

mi dici quantitatem, Meridianas gnomonum umbras tum æquinoctiales tum Tropicas, quæ omnia id ipsum evincunt, eandem etiam latitudinem sæpiusculè in Planisphærio ponit, nisi dixeris, in eo etiam transferendo Massæm interpretem Arabicum, aut qui ex Arabico Latinum fecit, Rodolphum Burgensem nobis imposuisse. Usque dum sumus ergo pares. *At Posidonio* (inquit) *favent Proclus, & Eudoxi Cnidij observata à Strabone tradita.* Hoc quid sit videamus. *Posidonius* (inquit *Strabo*) *refert se de excessâ quadam domo in urbe à freto Gaditano ad 400 stadia distante, stellam vidisse, quam existimavit esse Canobum, & qui inde versus meridiem ex Hispania paululum progressi sunt, fatentur se eum cernere. Est etiam in Cnido Eudoxi specula, non multo domibus sublimior, ex qua is fertur Canobum spectasse. Est autem Cnidus in Rhodio Climate, in quo & Gades & ejus ora maritima.* Hæc *Strabo*. Quid hinc contra *Ptolemæum*? Canobum in Cnido conspici posse? Non negamus. Cnidū in Rhodiaco Climate? Agnoscit *Ptolemæus*, neque enim majorem gr. 36. 15 m statuit l. 5 *Geograph.* Annon in Cnidia etiam latitudine fallus *Ptolemæus*? Non majorem esse Rhodiensem latitudinem quā *Ptolemæus* posuit, è *Proclo* etiam convincitur. Longissimum diem Rhodi horarum 14 cum dimidio facit *Proclus*. Equalem *Ptolemæus* Rhodo & Cnido attribuit. Idem *Strabo*, nisi quod semel horarum 14 posuit, unde sequeretur minorem habere latitudinem. Sic autem habent *Procli* verba. *In Rhodio Horizonte ita Tropicus ab horizonte dirimitur, ut cum circulus universus in 48 partes secetur, 29 supra horizontem appareant, 19 sub terra lateant.* Ex qua divisione sequitur, ut apud Rhodios longissimus dies horas æquinoctiales habeat 14 cum dimidia, nox autem 9 cum dimidia. Non inferior, *Posidonij* traditionem de portione Meridiani verticibus Rhodi & Alexandriae intercepta, *Plinium*, *Proclum* aliosque fefellisse. *Alfraganus* secundum suum *Clima* ducit per Cyprum & Rhodum, ejusdem maximum diem facit horarum 14 cum dimidia, latitudinem 36 cum duabus tertijs, exigua admodum differentia ab ipso *Ptolemæo*. Ipse etiam *Maurolycus*, dum in *Dialogis Cosmograph.* parallelas numerat, cum qui per Rhodum ducitur latitud. 36 cum parte duodecima facit, longiusculè à *Posidonio* discedens. *Eratoſthenis* etiam observationes *Posidonio* plurimum adversantur. Intervallum Rhodi & Alexand. 3750 stadiorum sciotericis gnomonib. deprehendit *Eratoſthenes*. Hoc quid sit dispiciamus. Latitudinis differentiam inter hæc loca, sciotericis suo more deprehendit graduum

graduum 5 paulo plus. Huic differentiae ex assumpta sua de ambitu terrae mensura (700 stadia cuique gradui numerās) 3650 stadia tribuit. Neque enim aliud artificium novimus, quo per scioterica stadiorum numerus inter duo loca investigari possit, nisi prius stadiorum numerum vel totius terrae circumferentiae, vel daræ ejus parti convenientem assumpserimus.

Videamus jam nunc, ecquid ex ipsius Eratosthenis observatis comprobare possimus, non posse Posidonij nedum Eratosthenis de mensura terrae opinionem defendi. Observationem autem de differentia latitudinis Alexandriae & Syenes non excutimus, ut probemus, ex ipsius Eratosthenis assumptis, non posse ambitum terrae ultra 241610 stadia extendi, quod demonstrat Petrus Nonius 18 c.l. 2 de Navigatione. Neque quærimus, quàm recte horum locorum intervallum faciat stadiorum 5000, cum Solinus ab Oceano ad usque Meroë non numeret amplius 620 milliaribus, quæ sunt stadia 4960. Meroë autem longe ultra Syenem sita est. Neque interpellabo de exigua illa differentia, qua dissentit ab eo Plinius, qui ab Elephantine Insula (quæ est infra novissimum Cataractem 3 M. pass. & supra Syenem 16 M. pass.) Alexand. usque intervallum ponit 586 M. P. unde inter Syenem & Alexandriam spatium non erit amplius stadij 4560. Aliam longe hujus nostræ probationis rationem inimus. Vnicum hoc postulamus: Quantum spatium sui orbis Solis diameter occupat, per simile spatium in orbe terrestri gnomones fieri umbrarum expertes, cum Sol verticibus imminet. Hoc si concedatur (quod ultro apud Cleomedem fatetur Posidonius) evicimus, Solem in principio Cancrī constitutum, Syenes vertici imminere, ibique & ad 300 circiter hinc inde stadia, gnomones umbrarum immunes facere tradit Eratosthenes. Videamus, quantam sui orbis partem Solis diameter subtendat. Hinc enim, si vera sit quæ præcessit Eratosthenis positio, elicietur ambitus terræ mensura. Firmicus Maternus, Solis Lunæque diametrum non minorem uno gradu facit. At at aberrat longius. Majorem justo quamque nos postulamus quantitatem ascripsit. Ægyptij per instrumenta hydroscopica invenerunt Solis diametrum occupare septingentesimā quinquagesimam partem sui orbis. Quod si septingentesimæ quinquagesimæ parti totius ambitus terræ respondeant stadia 300, totus ambitus non erit major 225000. Instrumenti hujus fabricā & usum docet Proclus cap. 3 designationum Astronomicarum. Multa Theon de eo in Com.

Com.in 5 l. Alm. Ptol. & Maurolycus Dial. 3 Cosmograph. At hoc observationis genus Ptolemæo non probatur. Multis obnoxium erroribus ostendunt Theon & Proclus. Vtius ergo discutiamus oportet.

Aristarchus Samius, referente Archimede, Solem apparentem septingentesimam quinquagesimam partem circuli Zodiaci obtinere dixit, id est 30 m. & æqualem esse apparenti Lunæ diametro 7 & 8 (ut memini) prop. sui lib. de mag. & dist. Solis & Lunæ. Idem voluit Aristarchus. Interim non explico me ab eo scrupulo, quem iniecit mihi suppositio ejusdem Aristarchi in eodē libro de diametro Lunæ 2 gr. Archimedes Syracusanus ex suis observatis per instrumenta dioptrica definivit, Solis diametrum majorem esse ducentesima parte anguli recti, hoc est, 27 m. minorem vero centesima sexagesima quarta parte anguli item recti, hoc est 33 m. Atqui non adeo fidendum esse his etiā observatis per instrumenta dioptrica, ut diametros Luminarium inde exactè sumi posse credendum sit, idem fatetur Archimedes, cum neque visus, neque manus, neque instrumenta quibus experiri oportet satis habeant nūci ad exquisitam demonstrationem. Ptolemæus per eadem instrumenta dioptrica, itemque per eclipsium rationem,prehendit Solis diametrum esse 31 m. 20 sec. æqualem Lunæ, cum est in maximā à terrā distantia, utpote in plenilunio & coitu. Quod autem hanc magnitudinem eandem perpetuo & immutabilem dixit, suspectum habere videtur Proclus 3 cap. designation. Astron. motus Solis Peripaterici autoritate, qui in ijs libris, quos inscripsit de revolutionibus, advertit, in eclipsibus Solaribus quandoque perspicui orbiculum quendam Solis luminosum, extrema Lunæ undique ambiente, quod si verum sit, fieri non potest, ut Solis apparens magnitudo semper sit equalis Lunæ in oppositionibus & conjunctionibus. Hac fortasse de causa, qui Ptolomæum secuti sunt, accuratius ista examinare conati. Primus Albateniprehendit, Solis diametrum in Apogæo sui eccentrici esse 31 m. 20 sec. quantam voluit Ptolemæus, sed in Perigæo esse 33 m. in 40 sec. Ultra hoc Copernicus invenit diametrum in maxima distantia 31 m. 48 sec. cum proximè ad terram fertur 33 m. 54 sec. Sequamur quod videtur in medio positum. Accipiamus diametrum 32 m. Vnde ex superius præmissis si 300 stadia respondeant 32 m. totus ambitus non erit major stadiis 202500. minor ambitus, quam Posidonius, multo minor quàm quem Eratosthenes posuit.

posuit. Hæc de mensura terrestris ambitus è Græcorum traditionibus dicta sunt, salvo maximorum virorum iudicio.

Nostrates 60 milliaria vel 20 Leucas uni gradui tribuunt, ut tota circumferentia sit milliariorum 21600, idque ad Ptolemæi mentem exactè congruit. Pedem enim nostrum Anglicum Græcorum pedi æqualem invenimus, comparatione facta cum Græcorum pede, quem Agricola & alij ex antiquis monumentis tradiderunt. Milliare autem 5000 pedes complectitur nostrates, Stadium 600 Græcos. Si mensuram stadij per 500 (tot enim stadia Ptolemæus uni gradui tribuit) itè si milliariis mensuram, quæ est 5000 pedum, per 60 (quot nos milliaria uni gradui damus) multiplices, par utrinque numerus producitur 300000 sc. pedum: ut ex his fundamentis extra controversiam sit, receptam Nostratium Nautarum opinionem cum Ptolemaica concinnare.

Itali 60 item milliaria unius gradus mensuram faciunt, sed mensura minor est Ptolemaica. Germani 15 tribuunt uni gradui, quorum singula quatuor milliaria Italica complectuntur: æquè infra Ptolemæum. Nam ex eorum traditione uni gradui respondent non amplius 480 stadia, quum singula milliaria Italica complectantur 8 stadia, (nisi forte magis placet Polybij sententia, qui apud Strabonem præter 8 stadia 2 plethra, hoc est, tertiâ partem stadij cuilibet milliari convenire docet, quæ est ipsissima nostri milliariis mensura.) Appianus docet 15 milliaria Germanica equari 60 Italicis: 60 Italica 480 stadijs, minor mensura Ptolemaicâ 20 stadijs: milliariibus Italicis 2, cum dimidio.

Hispani uni gradui tribuunt Leucas, partim 16 cum duabus tertijs, partim 17 cum dimidia. Quanta sit eorum mensura comparata stadijs Græcorum vel milliariibus nostris, Italicis aut Germanicis, nondum habeo compertum. Videtur Nonius Leucam Hispanicam schoëno aut Parasangæ æquare, quod si verum sit, qui Leucas 16 cum duabus tertijs tribuunt uni gradui, æqualem mensuram Ptolemaicæ assumunt: qui 17 cum dimidio, aliquanto majorem.

Restant Arabum traditiones de hac re. Eorum antiquiores circumferentiæ totius terræ addixerunt milliariorum 24000, sive parasangas 8000. ita ut unus gradus complectatur 66 milliaria cum duab. tertijs. Hæc mensura utitur Alhazenius in fine libelli de crepusculis. Alfraganus & recentiores à temporibus Almamonis 20400 milliaria amplexi sunt,

sunt, ut gradus unus 56 cum parte tertia, milliaria contineat. *Abilseda* in principio operis Geographici memorat, præcepto Alinanonis regis Arabum, seu Caliphæ Babylonij, quosdam ablegatos, qui in campis Singar & vicinis maribus, juxta rectum iter & poli situm observarent, quot milliaria responderent uni gradui cœlesti & deprehensum esse ab ijs in conficiendo uno gradu 56 milliaria sine ulla fractione, nonnunquam præter 56 tertiam partem milliariis requiri, hoc est 1333 cubita cum duabus tertijs. Quæ sit ratio milliariis Arabici, ad nostra, Italica, vel Germanica comparati, non est explicatu facile. Non minus 10 stadijs, unum quodque complecti arbitramur. Parasangæ (ut Iacobus Christmannus ex *Abilseda* magno Arabum Geographo nos docet) tria milliaria Arabica continet, tam apud vetustiores quam recentiores. Parasangæ autem (ut ex Herodoto, Xenophonte & alijs patet) triginta stadia complectitur, ideo milliare unum 10 stadia comprehendit. Hoc accedit ad faciendam fidem. Duo Cubitorum genera Græci tradiderunt. Commune sive mediocre, quod pedi Græco uni & dimidio æquatur, & continet digitos 24, qualium pes habet 16. Alter cubitus erat regius in usu apud Persas, major communi tribus digitis. Alfraganus autem docet, milliare Arabicum continere 4000 cubita, prout cubitū est in mediocri mensura. Hic cubitus si sit æqualis Græco, continebit unum milliare 6000 pedes Græcos, quot 10 stadia complectuntur. Parasangæ autem cum alij 40 stadia, alij 60 annumerent: nemo tamen minus 30 attribuit: cui opinioni si cum Herodoto, Xenophonte & alijs acquiescamus (neque enim nostri est instituti discutere, utrum diversis in locis, diversis Parasangæ mēsuris usi sint, ut existimare videtur Strabo qui de Schoenis Ægyptiorum id ipsum observavit, cum Nilo flumine, ab urbe ad urbem subveheretur, aliās alijs Schoeni mēsuris usos esse Ægyptios subindicans) si inquam ijs acquiescamus, qui 30 stadia uni Parasangæ attribuunt, milliare unū non minus stadijs 10 comprehendet. Hæ conjecturæ si veræ sint, non est assentiendum summis viris P. Nonio & Iacobo Christmanno, qui Arabicum milliare æquant Italico. In tanta opinionum diversitate de mensura terræ, sequatur quisque quem libeat. Nisi autē Arabum recentiores nobis obstarent, qui dimensis etiam itineribus ferunt suam sententiam comprobatam, non dubitaremus Ptolemæi opinionem cæteris antepone. Omnium opinionum, quaraliquid habent probabilitatis, hæc est Synopsis.

Ambitus

<i>Ambitus universæ terræ est stadiorū.</i>	252000	{ Straboni. Hipparcho.
	250000	{ Eratostheni.
	240000	{ Posidonio & Antiquioribus Arabum.
	180000	{ Ptolemæo & nostratibus.
	204000	{ Arabibus recentior.
	172800	{ Italis & Germanis.
<i>Vnius gradus mensura est stadi- orum.</i>	700	{ Straboni. Hipparcho.
	694 $\frac{1}{2}$	{ Eratostheni.
	666 $\frac{2}{3}$	{ Posidonio & Arab. antiqu.
	500	{ Ptolemæo & Nostratibus.
	566 $\frac{2}{3}$	{ Recent. Arab.
<i>Milli- are est stadio- rum.</i>	480	{ Italis. Germanis.
	8	{ ut Italicum.
	8 $\frac{1}{2}$	{ Anglicum.
	10	{ Arabicum.
	32	{ Germanicum.

Ad inventionem peripheria seu ambitus globi terreni assumuntur hæ hypotheses: 1 quod maximus terræ circulus in 360 gradus exemplo cælestium distribuatur. 2 quod unus maximi terræ circuli gradus 500 stadia seu passuum Romanorum 62500 expleat, quibus quindecim milliaria Germanica cum $\frac{1}{2}$ respondent seu æquivalent: quemadmodum divisio stadiorum in 32 ostendit, id est, si uni gradui 15 milliaria Germanica attribuantur. 3 quod 32 stadia constituent unum milliare Germanicum.



His præsumtis, multiplicantur 360 grad. per 15 milliaria: & producentur milliaria Germanica 5400. Seu multiplicantur 360 grad. per 500 stadia; & fiunt stadia 18000. Et tanta est terræ perimenter seu peripheria.

Si autem 360 multiplicentur per 60 fiunt milliaria Italica & Anglica 21600; si vero per 25 fiunt milliaria Francica 9000. Vnde talis constituenda tabella:

Gradus

Gradus unus continet mil- liaria,	15	Germanica.	} <i>Milliare</i> <i>quodque.</i>	4000	} <i>Passus.</i>
	60	Italica.		1000	
	60	Anglica.		1000	
	22	Francica.		2400	
	17½	Hispanica.			

Simili ratione possumus quoque facillimo negotio terræ ambitum investi-
gare ex aliqua stella fixa, ut ex spica virginis vel quavis alia stella. Si enim in ter-
ra sumantur sub eodem meridiano duo loca, quorum intervallum rectilineum
exploratum habeatur, & in utroque loco altitudo meridiana stellæ cognite ob-
servetur, differentia altitudinum erit numerus graduum superficiei terræ inter
duo loca intersectorum. Quare cum notum sit, quemadmodum jam indicatum
est, quot miliaria dictis gradibus respondeant, nullo modo ignorari poterit
quotnam miliaria toti terræ circuitui competant. Exēpli gratia; *Basilea & Wor-*
matia sunt sub eodem meridiano, elevatio poli *Basilea* 47 grad. 30. min. *Wor-*
matia 49 grad. 45 min. differentia 2 grad. 15 min. Distantia 34 miliarium minus
quadrante. Dicendum ergo: quemadmodum se habent 2 grad. 15 min. ad 34
miliaria minus quadrante: sic se habent 360 gradus, ad 5400 miliaria Germa-
nica.

Q V A R T A P A R S.

DE G L O B O R V M

V S V.



HACTENUS de Globis, eorum dimen-
sione, circulis, & instrumentis ad eorum u-
sum necessarijs. Sequitur, ut quam varius
& multiplex sit eorum usus videamus, &
ad praxim deveniamus. Eorū usus Astro-
nomiæ, Geographiæ, & artis navigandi
cognitionem expetentibus apprimè ne-
cessarius. Nam & ad inveniendum Solis
locum, longitudes, latitudes, & posi-
tiones locorum, dierum quātitates & ho-
ras, itemque ad inveniendam longitudinem, latitudinem, declinatio-
nem, ascensiones rectas & obliquas, amplitudinem ortus & occasus
Solis

Solis & stellarum, aliaque hujusmodi propemodum infinita, methodum tradunt facillimam. Præcipuos usus brevi percurremus, singulos pertractare nimis prolixum. Hæc autem omnia quæ Globorum usu deprehenduntur, multo accuratius numerorum ope, per doctrinam Triangulorum Planorum & Sphæricorum, inveniri posse norunt Mathematicos periti. Sed hoc artificium, præterquam quòd tædium ob prolixitatem afferat, multam in Mathematicis exercitationem desiderat. At per Globorum praxim, promptè, expeditè, vix aliquà matheſeos cognitione adhibita, inveniri poſſunt.

Ad pleniorẽ intellẽctionem eorum, quæ deinceps dicentur, duo præmittenda veniunt. Quorum primum de *Globi poſitione* ager, alterum de *Climatibus*.

Quod ad *globi poſitionem*, ante omnia is collocandus horizonti ad perpendicularum reſpondens. 2 ventorum diſtinctiones, quæ ſunt in artificiali horizonte, veri horizontis ventis ita adæquari debent, ut ortus ortum, occidens occidentem &c. ſpectet. Cui rei ſerviet præcipue compaſſus qui Globi pedimento additus habetur.

Collocato eum in modum globo, volvi ac revolvi poteſt, ità tamen ne baſis ſeu pedimentum loco ſuo ſollicitetur, habendaque ratio latitudinis loci, in quo degis: quæ prout vel major vel minor fuerit, ad eum quoque modum elevandus eſt ſupra horizontem polus. Nam quanta fuerit loci latitudo, tantum quoque ſupra horizontem polus aſurgit. Exempli gratia, alicujus loci latitudo borealis ſit 50. 51 vel 52 grad. vel etiam plurium aut pauciorum, elevandus eſt totidem etiam gradibus ſupra horizontem polus Borealis. Si vero latitudo fuerit Australis, contrario modo agendum, conſtituendusque tum ſupra horizontem polus australis. At ſub æquatore, ubi latitudo nulla invenitur, uterque polus! Australis & borealis horizonti imponendus.

C L I M A porro eſt ſpatium terræ habitabilis inter duos circulos æquatori parallelos comprehenſum, in quo dies longiſſima ſemiſſe horæ variatur. Qui ſub æquatore habitant diem nocti æqualem nempe 12 horarum perpetuo habent; at progredientibus ab æquinoctiali verſus polorum alterutrum ſemper fit major inæqualitas dierum artificialium, ex qua variatione dietum artificialium, diverſitas climatum deſumitur ac diſtinguitur. Quandounque enim mutatio diei in loco aliquo, quod ad ſemiſſem horæ, contingit, illico etiam aliud fit clima. Aſſumferunt autem Geographi in quolibet climate parallelos tres, quorum duo extremi, primus nempe & tertius, cõprehendunt & terminant quodlibet clima. Secundus autem per climatis medium tranſit, unde parallelorum ad climata ratio eſt dupla. Climata enim ab invicem, ut diximus, ſemihoris diſtant: paralleli horæ quadrantibus diſtinguuntur.

Ad numerum climatum quod attinet, a veteribus communiter ſeptem climata, a Ptolemæo in tabulis aſcenſionum, ſecundo magnæ conſtructionis etiam novem agnoſcuntur, quæ ſua nomina ab inſigni loco, monte vel fluvio, per quæ medium

medium climatis transit, traxerunt. Primum clima ab æquinoctiali versus Polum arcticum *διαμερῶς* vel per Meroën vocatur, eo quod medium hujus climatis per Meroën, quæ est insula Africæ, Nilo circumfusa, transit: ubi dies longissimus est 13 horarum. principium ergo ejus 12 cum dodrâte. Huic opponitur clima Austrinum, quod appellari possit, Antidiameroës. Sed hæc climata neque Ptolomæus neque veterum quisquam posuit. Simili tamen & eadem ratione & illud terræ latus in climata distingui potest, reservatis iisdem Borealium locorum nominibus, ac præposita Græca dictione *ἀντὶ*, quæ *contra* sonat: Modus & schema hujus tale esto:

Climata Borealia.

1. Diameroës:
2. Diasyenes,
3. Dialexandrias,
4. Diarhodu,
5. Diarhomes,
6. Diapontu,
7. Diaboristhenes,
8. Diabritannias,
9. Diatanaidos,

Climata Australia.

- Antidiameroës.
- Antidiasyenes.
- Antidialexandrias.
- Antidiarhodu.
- Antidiarhomes.
- Antidiapontu.
- Antidiaboristhenes.
- Antidiabritannias.
- Antidiatanaidos.

Alij, inter quos est Ioh. Gigas Systematis Cosmographici lib. 2 cap. 2 prob. 12, minus aptam hanc climatum divisionem censent. 1, quia summa est eorum inequalitas, ita ut latitudo primi sit plus, quam 117 miliarium Germanicorum; postremi vix quadrantis miliaris. 2 quia fundamentum illud, quod horarum incremento nititur, ficulneum & nullius propemodum utilitatis esse videtur, cum æque facile sit, diei quantitatem inquirere, ac climatis numerum. Longe i- *Nova Cli-*
gitur satius fore idem putat, quodlibet hæmisphærium per decades graduum, *matum ra-*
æqualiter in novem climata dividere. Sic primum clima inciperet in *tia.* *Æquinocti-*
ali & desineret in elevatione poli 10 graduum, quod *Æthiopicum* vocari posset.
Secundum pertingeret ad 20 gradum & esset *Arabicum*, quia pars Arabiæ felix
in eo sita. *Tertium* usque ad 30 gradum, *Egyptiacum*. *Quartum* ad 40 usque gra-
dum *Syriacum*. *Quintum* ad 50 usque gradum, *Italicum*. *Sextum* ad 60 gradum
usque *Anglicum* aut *Germanicum*. *Septimum* usque ad gradum 70 *Suedicum* aut
Lappicum. *Octavum* ad 80 usque, *Glaciale*. *Nonum* ad polum usque *Polare*.

Ab altera æquinoctialis parte similis esset ratio: & hoc modo quodlibet hæmisphærium novem haberet climata, quorum septem habitationi satis comoda, parallelos in duplo numero ad quintum quemque gradum. Cognoscitur situs cujuslibet loci numero graduum elevationis: sic *Roma* quia ultra 40 gradus habet, est in quarto, *Westphalia* in quinto, *Sicilia* in tertio; *Calcuthum*, *Indie* primaria urbs, in secundo, *Zeslan* in primo, & sic deinceps.

CAP V T

CAPVT I.

De longitudine, latitudine, distantia, & positionis angulo, vel situ locorum, in Globo terrestri expressorum.

TERMINVM metiendæ longitudinis locorum, antiquiores à Ptolemæi usque temporibus posuerunt Meridianum per Fortunatas Insulas ductū. Canarias hodie dici receptum est à plurimis; quàm rectè, non examinamus. Obiter monemus, latitudinem Ptolemaicam Fortunatarum, longiusculè aberrare à latitudine Canariensium, propius accedere ad latitudinem Insularum, quas hodie vocant Capitis Viridis. Fortunatas omnes Ptolemæus intra gradum 10 30 m. & grad. 16 latitudinis boreę posuit. Canarię autem 27 minimum ab æquatore gradibus remotæ sunt. Arabes intimum recessum Oceani Atlantici principium numerandæ longitudinis statuerunt, à quo Fortunatas insulas grad. 10 ad Occidentem distare, Jacob. Christmānus ex Abilsfeda docet. Recentiores plurimum ab Insulis, quas Canarias vocant, longitudes numerant. Nonnulli ab ijs, quas Açores nominant: & ab hoc termino in his Globis longitudes numerantur.

Est igitur longitudo, arcus æquatoris interceptus meridianis dati loci & Insulæ S. Michaelis (quæ una est Açorensiū) vel alterius cujusvis loci, unde longitudinis initium determinare solent.

Si verò longitudinem alicujus loci in Globo expressi cognitam velis, eundem locum meridiano adjunge, & signato loco æquatoris quæ meridians pertransit, numera à Meridiano Insulæ S. Michaelis gradus æquatoris ad eum locum interceptos, tot enim sunt gradus longitudinis dati loci.

Eodem modo & differentiam longitudinis inter duo quævis loca expressa mensurare poteris. Est enim differentia longitudinis nihil aliud quàm arcus æquatoris interceptus duorum datorum locorum meridianis. Differentiam hanc longitudinis observatione investigandi multi multos modos tradere conati sunt. Certissimam rationem esse per eclipses præsertim Lunares, eruditionibus in confesso est. Sed eclipses rarò accidunt, rarius conspiciuntur, rarissimè ac paucissimis locis ab artificibus observantur: unde paucorum locorum longitudines hac

nes hac ratione designatæ inveniuntur. Orontius & ante eum Iohannes Wernerus, ex cognito, ut præsupponunt, Lunæ motu, ejusque transitu per alicujus loci meridianum, differentiam longitudinis dari posse arbitrantur. Labilis & inconstans ratio, multis subjecta difficultatibus.

*Locorum longitudes ex Eclipsibus
observandi ratio.*

Ex ephemeridibus recte calculatis, aut ex Tabulis Prutenicis, sive alterius docti mathematici exquisito calculo cognoscendum, qua hora eclipsis aliqua Lunæ contingat eo in loco, ad quem tabulæ constructæ sunt: Deinde eadem eclipsis observanda in loco illo, cujus longitudo quæritur: quod si in horis & minutis cum eclipsi ex tabulis excepta convenerit, dicendum loca illa eandem habere longitudinem, & sub eodem meridiano sita esse: si vero numerus horarum loci fuerit major, erit quoque locus orientior. minor horarum numerus auferatur de majori, quod vero relinquitur in gradus & minuta convertatur, multiplicando horas per quindecim & minuta horaria (si aliqua adfuerint) per quatuor dividendo: sic enim resurgent gradus, & si quæ minuta post divisionem superfuerint, per quindecim rursus multiplicentur, & provenient minuta graduum quibus loca inter se distant: quæ distantia, longitudinum differentia appellatur. Hæc differentia ad longitudinem loci illius, ad quem tabulæ extructæ sunt, addenda, si locus sit orientior. Contrario autem auferenda ab eadem longitudine, si fuerit occidentior. Exemplum tale proponit Adrianus Adriani Metius *Exemplum* in Sphærica sua Doctrina: Ex tabulis Prutenicis exquisita calculatione anno 1598 futurum invenio initium eclipsis Lunaris Februarij die undecimo hora matutina 4. minuto 16 idque in civitate Borussiz Regiomonte videlicet, cujus longitudo sive distantia ab insulis Canarijs est 41 gr. 16. ad hanc enim longitudinem tabulæ illæ extructæ sunt. Pono jam me eandem eclipsim observare Marpurgi ejusdem Februarij die hora 3 minuto 12. Quia hic horarum numerus minor est, patet etiam quod Marpurgum sit urbs occidentior quam Regiomons: auferatur itaque minor numerus de majori nempe 3 h. 12. ex 4 h. 16. residuum 1 h. 4. indicat differentiam longitudinum in horis, quæ 16 gr. efficiunt: hos itaque differentiarum gradus auferes denuo ex longitudine civitatis Regiomontanæ propter Marpurgi situm occidentiorem, habebis longitudinem Civitatis Marpurgensis ab insulis Canarijs 25. 16.

Alij alias aggressi sunt: nempe per observatum spatium horarum æquinoctialium inter duorum locorum meridianos, quod deprehendi posse arbitrantur per horologia vel automata, vel hydraulica, vel arenaria, vel hujusmodi alia. Hæc omnia jam pridem excogitata, accuratiori

tiori examine & iudicio perpenſa, ab eruditioribus omnibus (ſaltem maturioris iudicij) rejecta ſunt & reprobata, neque enim quod deſideramus præſtabunt. At nugivendæ impoſtores, hæc aut alia his peiora magnâ cum oſtentione divulgant, & magno ære divendunt melioris notæ & conditionis hominibus, at minoris eruditionis ac iudicij. Horum instrumentorum errores & incertitudines non diſcutio. Obiter monco, ut (quod vulgo dicunt) caveant emprores, ne emuncti ære ſerò ab impoſtorum laqueis ſe expediant. Apagetiſis nugaciſſimos homines cum ſuis tricis & quiſquilijs.

CAPVT II.

DE LATITVDINE
LOCORVM.

LATITVDO eſt diſtantia, qua Zenith aut vertex alicujus loci ab æquatore removetur. Hanc ſi velis cognôſcere, expreſſum aliquem locum in Globo, Meridiano applica, & numera gradus in Meridiano, quibus idem locus ab æquatore diſtat, tanta enim erit dati loci latitudo. Hoc etiam advertere licebit, latitudinem cujuſvis loci æqualem eſſe elevationi poli ejuſdem loci. Quot enim gradibus vertex alicujus loci diſtat ab æquatore, totidem polus ab Horizonte attolletur, ſi ejuſdem loci verticem ita ſtatuas, ut 90 gradibus Horizonte undiquaque diſtet.

Cum Latitudo loci cujuſvis æqualis ſit elevationi poli ejuſdem loci, operæpretium eſt cognôſcere quomodo elevatio poli aut latitudo cujuſlibet regionis ex cœlo deprehendi queat per ſtellâ aliquam fixam polo ita vicinam, ut in data regione nunquam occidat. Hujus enim ſtellæ obſervatur cum minima tum maxima altitudo, quarum utraque in meridiano contingit: Minima quidem infra, maxima ſupra polum: Quo factò, minima ſtellæ altitudo addenda maximæ & collectæ ſummæ dimidium erit altitudo poli, itemque loci latitudo.

EXEMPLVM.

Stella quæ prima trium eſt in cauda urſæ majoris, in minima ſua altitudine obſervatur Harderviçi eſſe graduum circiter 12: ejuſdemque maxima altitudo ſupra polum poſita deprehenditur ſere graduum 92. Hi altitudinum gradus in unam ſummam colligendi & conſtituunt grad. 104. quorum dimidium, nempe 52 gradus, eſt vera elevatio nec non Latitudo civitatis Hardervicanz.

CAPVT



CAPVT III.

DE DISTANTIA DVORVM
LOCORVM, ET ANGVLO
POSITIONIS VEL SITV
INVENIENDO.

SI Terrestrem Globum ita statuas, ut alterius datorum locorum vertex 90 gradibus ab Horizonte undiquaque removeatur; & quadrantem altitudinis eidem vertici affigas; deinde consueque quadrantem circumagas donec alterius loci verticem pertrāscat: gradus

duos quadrantis, duorum locorum verticibus intercepti; in stadia, miliaria, aut Leucas (ut libuerit) conversi, datorum locorum distantiam indicabunt. Quadrantis autē terminus ad Horizontem indicabit partem vel plagam mundi, in quam alter locorum ab altero vergat, sive angulum (ut vocant) positionis. Est enim positionis angulus is, qui comprehenditur meridiano loci alicujus, & circulo majori per vertices datorum locorum transeunte. Hujus quantitas in Horizonte numeranda.

Londinum in Anglia, longitudinis est gr. 26: latitudinis Borealis graduum 51 cum dimidio. Ab hoc quæatur distantia, & positionis angulus ad insulam S. Michaelis, quæ nua est Açorensium. Hoc ut inveniamus, elevetur polus boreus grad. 15 cum dimidio, quanta est Latitudo Londini. Quadrantem altitudinis affigamus vertici, hoc est 51 cum dimidio grad. Bor. ab æquinoctiali. Inde circumferamus quadrantem hunc, usque dum transeat per insulam S. Michaelis. Et deprehendemus distantiam interceptam verticibus Londini & S. Michaelis esse graduum 11. 40 m. proximè, Leucarum nostratium 280. & si observemus, in qua parte Horizontis quadrantis terminus insit, deprehendemus angulum positionis esse inter Meridiem & Occidentem grad. 50 proximè, inter Africum & Africo ad Favonium, *Southwest, and Southwest and by West*: unde situs hujus insulæ à Londino patebit.

Distantia locorum latitudine tantum differentium hoc modo invenitur. 1 auferatur minor latitudo à majore, resolvendo gradum in minuta si aliàs subtractio fieri non potest. 2 Gradus multiplicentur per quindecim, minuta verò dividantur per quatuor, & summa productorum erit distantia locorum datorum in miliaribus Germanicis communibus. Exempli gratia. *Basilea* Rauracorum & *Geneva* Sabaudia conveniunt longitudine, quæ utrobique eadem est, sed differunt latitudine quæ *Basilea* 47 grad. 30 min. *Geneva* 45 grad. 45 minut. Facta subtractione minoris à majori, differentia remanet unius gradus 45 minut. quibus respondent 26 miliaria cum quadrante, distantia scil. quæsitæ.

Aliud: *Florentia* Hetruriz & *Venetia* sunt sub eodem meridiano, sed differunt parallelo, qui Florentiæ 43 grad. 40 min. Venetijs 45 grad. præcise differentia 1 grad. 20 min. unde colligitur distantia 20 miliarium Germanicorum.

Quod si in diversis hemispherijs fuerint loca proposita 1 latitudinis gradus & minuta addenda. 2 aggregatum priori modo in miliaria resolvendum. Exempli gratia *Caput Bonæ Spei* in Africa & *Constantinopolis* sunt fere sub eodem meridiano, sed in diversis hemispherijs. Elevatio poli Arctici Constantinopoli 43 grad. fere: *Bonæ Spei* vero 35 grad. circiter poli Antarcticæ. Summa 78 graduum, quibus respondent 1170 miliaria.

Distantia

Exempla.

*Distantia locorum longitudine tantum differentium invenitur ita: Primo subtrahenda est minor longitudo à majori. 2. et abella, quæ subjungitur, constet quot milliaria gradui paralleli respondeant, quærendo gradum latitudinis in latere descendente & numerum milliarium e regione statim excerpendo. 3. Differentia longitudinis in milliaria & minuta multiplicetur & habebitur quæsitum. Exempli gratia, Neapolis & Ilium sive Troia sunt in eadem latitudine 41 gradu. *Exempl.* um, ubi gradui paralleli respondent 11 mill. 19 min. sed differunt longitudine, quæ Neapoli 39 grad. 30 minut. Troia 55 grad. 50 minut. differentia 16 grad. 20 min. Cui respondent 184 mill. 50 min. distantia proxima inter Neapolim & Troiam. Tabellam, de qua dixi, ex Gigantis Cosmographiâ hic subijcimus.*

TABELLA OSTENDENS QUANTITA-

tem graduum longitudinis extra æquatorem in milliariibus Germa-

niciis & minutis quorum sexaginta milliaria constituunt.

SCVP.	MILLIAR.	GRADVS.	SCVP.	MILLIAR.	GRADVS.	SCVP.	MILLIAR.	GRADVS.
1	14	59	14	14	33	27	13	22
2	14	59	15	14	29	28	13	15
3	14	58	16	14	25	29	13	7
4	14	58	17	14	21	30	12	59
5	14	56	18	14	16	31	12	52
6	14	55	19	14	11	32	12	43
7	14	53	20	14	6	33	12	35
8	14	51	21	14	0	34	12	26
9	14	48	22	14	54	35	12	17
10	14	46	23	13	48	36	12	8
11	14	43	24	13	42	37	11	59
12	14	40	25	13	36	38	11	49
13	14	37	26	13	29	39	11	39

SCRVP.	MILLAR.	GRADVS.	SCRVP.	MILLAR.	GRADVS.	SCRVP.	MILLAR.	GRADVS.
0	1	74	10	1	74	10	1	74
53	3	75	57	7	75	57	7	75
8	3	76	43	7	76	43	7	76
22	3	77	30	7	77	30	7	77
7	3	78	16	7	78	16	7	78
52	2	79	2	2	79	2	2	79
36	2	80	48	2	80	48	2	80
21	2	81	34	2	81	34	2	81
5	2	82	20	2	82	20	2	82
50	1	83	6	1	83	6	1	83
34	1	84	52	1	84	52	1	84
18	1	85	37	1	85	37	1	85
3	1	86	23	1	86	23	1	86
47	0	87	8	0	87	8	0	87
31	0	88	53	0	88	53	0	88
16	0	89	38	0	89	38	0	89
0	0	90	23	0	90	23	0	90

*Cognita longitudine & latitudine cuiusvis loci, quomodo
ejus situs in globo terrestri per circulos longitudinum & la-
titudinum inveniendus eidemque inscribendus.*

COGNITA itaque sive per observationē jam indicatam, sive ex tabel-
la aliqua Geographica, longitudine & latitudine alicujus loci vel oppi-
di, situs ejusdem in globo explorari hoc pacto poterit: Datam longitu-
dinem tui oppidi numera inter longitudinum circulos in globi superficie depi-
ctos, incipiendo ab illo, qui per insulas Fortunatas transit: circulum illum, in
quem numeratio desinit, nota: deinde si latitudo tui oppidi data fuerit borea-
lis, numerabis eam inter parallelos latitudinum versus polum Arcticum: econ-
trario

trario si Australis fuerit versus Antarcticum, facto numerationis initio semper ab æquinoctiali: intersectio itaque hujus numerati paralleli cum meridiano notato, situm oppidi indicabit. Quod si vero longitudinum hi circuli in globo tuo non exstent, tunc gradum æquinoctialis, qui longitudini tui oppidi responderet, ad meridianum siste, & in gradibus meridiani latitudinem oppidi tui versus alterutrum polorum numera, & habebis situm oppidi tui in globo.

TABELLA LONGITVDINES ET LATITVDINES ALIQVOT PRÆCIPVORVM

OPPIDORVM OSTENDENS.

	Long.	Latit.		Long.	Latit.
Alexandria	60 30	43 42	Gandavum	19 8	51 24
Amstelod. m. m.	21 43	52 30	Groninga	22 54	53 16
Antverpia	20 16	51 28	Heidelberga	25 38	49 35
Athenæ	52 45	37 15	Iena	29 2	51 8
Bruxella	20 42	51 0	Lutecum	28 30	54 48
Brema	25 16	53 40	Leida Holl.	20 47	52 10
Bamberga	28 10	49 56	Regius Mons	41 16	54 16
Basilea	24 22	47 41	Bor	25 16	51 0
Bononia	32 5	43 54	Marpurgum	28 20	45 6
Constantinop.	56 0	42 5	Mediolanum	28 20	49 24
Castel	26 36	51 43	Noriberga	30 10	41 0
Colonia	33 26	51 0	Neapolis	15 36	47 16
Corinthus	31 15	36 55	Orliens	32 0	50 6
Dresena	31 3	51 0	Praga	17 8	47 55
Dantiscum	39 2	54 54	Parisijs	29 50	48 56
Erfordia	28 40	51 10	Ratisbo.	30 14	54 36
Eßlinga (Menn)	26 36	48 39	Rostocbium	25 39	49 20
Francfordia ad	25 38	50 12	Spira	20 23	48 38
Ferraria	32 15	44 23	Tubinga	34 36	47 44
Genua	28 20	43 50	Vienna.		

CA-

CAPVT IV.

DE ALTITVDINE SOLIS
AVT STELLARVM.

ALTITVDO est distantia Solis aut alicujus stellæ ab Horizonte, numerata in circulo majore per verticem alicujus loci & corpus Solis aut stellæ transeunte. Observandam esse per Radium, Quadrantem, aut aliud hujusmodi instrumentum, adeo notum est, ut frustra monuerim. Gemma Frisius per Gnomonem sphaericum Solis altitudinem observare docet. Sed hic modus observandi nō ita multum placet. Multis obnoxium erroribus, qui periculum fecerit facile deprehendet.

CAPVT. V.

DE LOCO SOLIS INVENIENDO,
EIVSQUE DECLINATIONE

AD DIEM DATVM.

COGNITVM mensis diem in Calendario, quod in Horizonte Globorum describitur, quæras. Hujus è directo in eodem Horizonte respondet signum Zodiaci ejusque gradus, quem Sol eodem die occupat. Sed si annus sit bissextilis, post 28 Februarij accipe Gradum ejus signi, qui adscribitur diei datum diem proximè sequenti. Vtpote si scire velis quem gradum Zodiaci Sol obtinet ad diē 29. Februarij, accipiendus est is gradus, qui primo diei Martij adjungitur, & pro primo Martij secundum accipe, & sic consequenter. Hoc tamen potius suaserim, ut cū Solis locus accuratè sit indagandus, ex tabulis ad singulos dies cujusque anni ritè calculatis (Ephemerides vulgo vocant) locum Solis investigates. Neque enim per Globorum praxim, ea accurate, quæ sæpè requiritur, deprehendi poterit.

Locum Solis inventū Meridiano applica, numeraque in Meridiano gradus, quibus Solis locus ab Æquatore distat, tot enim erunt gradus Solaris declinationis ad datum diē. Est enim Declinatio tū Solis tum cujusque sideris, distantia ejusdē ab æquatore, numerata in Meridiano. Declinationem Solis multo exactius inveniemus ex tabulis, quilibet Nautæ

Nautæ utuntur, in quibus ad singulos dies Meridiana Solis declinatio, quæ & quanta sit, exprimitur. Vnum hoc obiter moneo de hisce tabulis, ut recentioribus plurimum utamini. Omnes enim post aliquod temporis spatium suos habent errores. Atque ideo moneo, quia vidi nonnullos, qui antiquioribus tabulis magna diligentia & cura manu exaratis (qui sæpiusculè 10 m. interdum amplius, à recentiori calculo & ab ipsa veritate aberrant) studiosè & cum quadam quasi religione uterentur. Hi magno labore & industria magnos & non negligendos errores sibi comparant.

Declinationem Solis maximam ex altitudinibus solstitialibus maximâ & minimâ, siue æstivali & brumali indagabis, hac ex illa subtrahita. Relicti enim dimidium est quæsitæ declinatio. Sic Regiomontanus Viennæ die solstitij æstivi deprehendit Solis altitudinem meridianam sexaginta quinque graduum, triginta minutorum. Idem die solstitij hiberni altitudinem minimam Solis observavit octodecim graduum, minutorum triginta: quam cum ex 65. 30, subtraxisset, retinuit 47 gr. 0 m. cujus dimidium illi fuit maxima Solis declinatio, 23 gr. 30 m. quæ communiter nunc retinetur: licet ab alijs minor hac nostra tempestate sit deprehensa.

Longitudo Solis ad quodvis tempus hujus nostri seculi quomodo eruatur, id est, quomodo cognoscendum, in quo signo ac signi gradu, Sol dato tempore nostri seculi existat. In Horizonte Globorum solent describi figura Zodiaci & menses cum suis diebus. Quære itaque mensem & diem dati tui temporis, quinque signi gradus illic diei datæ exactè responderit, is erit locus Solis, eo die & eo mense. Ceterum in anno bisextili si post 28 Februarij diem Solis locum quæras, semper unus dies adijciendus erit diei proposito, ut si quæras locum Solis ad 13 diem Martij accipias locum Solis, qui respõdebit 14 diei Martij nempe 3 grad. V.

CAPVT VI.

*De inveniendâ loci latitudine, ex observata Meridiana
altitudine Solis aut stellarum.*

Meridianam Solis altitudinem observa radio, quadrante, vel hujusmodi quovis instrumento, & Solis locum in ecliptica Globi inventum Meridiano applica, & Meridianum hæc illic in suis fissuris consistentem circumducas, usque dum idem Solis locus totidem gradibus ab horizonte attollatur, quot sunt observatæ Solis altitudinis. In hoc Globi situ polus alter supra Horizontem emi-

P.

minens,

minens, indicabit latitudinem loci in quo fueris. Hujus rei hoc esto exemplum.

Lunij die 12 juxta stilum veterem, Sol obtinet initium Cancrī, & maximam habet declinationem ad Boream graduū sc. 23 cum dimidio. Eo die observata sit Solis altitudo meridiana gr. 50. Querimus loci latitudinem, in quo facta est hæc observatio. Illud autem sic inveniemus. Initium Cancrī Meridiano adjungamus, quem hâc illâ circumducemus, donec idem principiū Cancrī Meridiano applicatū, gradibus emineat ab horizonte 50, quot sunt Meridianæ Solis altitudinis observatæ. In hoc situ Globi polus Boreus elevabitur grad. 63 cum dimidio, & tanta erit loci latitudo, in quo facta est illa observatio.

Non dissimilis est modus, quo vulgò Nautæ locorum latitudines indagare solent, per meridianas Solis altitudines, & tabulas declinationum: quem missum facinus, quod ejus explicatio ad nostrum non spectat institutum, & adeo vulgò notus, ut hoc loco ejus tractatio nō sit necessaria.

Idem effeceris observata altitudine meridiana alicujus stellæ in Globo expressæ. Si enim Globum ita constituas, ut stella observata, Meridiano applicata tanto ab Horizonte intervallo distet, quanta est ejus altitudo Meridiana observata, poli ab Horizonte elevatio latitudinem loci demonstrabit. Sed monco, ut per Meridianam Solis altitudinem potius locorum latitudines exquiras, quam per stellarum fixarum altitudines. quoniam stellarum declinationes plurimum, ut supra probatum est, immutantur nisi si quæ per recentiores observationes suis locis restitute sunt.

Alij non solum per Meridianam Solis aut Sideris altitudinem, sed per duplicem ejus observationem, cognito temporis intervallo aut Horizontali distantia inter duas observationes, id ipsum facere pollicentur. Sed hæc praxis prolixa est & dubia, præterquam quod observationum multitudo multis erroribus, & difficultatibus est obnoxia.

In hoc tamen genere, faciliorem aliquam methodum non novi, quam sit quæ sequitur.

Cognitio Solis aut stellæ loco, & observata duplici ejus altitudine cum temporis intervallo, latitudinem loci exquirere.

Primum intercepto cruribus circini complemento altitudinis prioris observationis, (est autem complementum altitudinis differentia quâ observata altitudo minor est 90 grad.) alterum circini pedem figimus in eo eclipticæ gradu, quem Sol eo die occupat: altero delineamus arcum peripheriæ in superficie Globi, vergentem quodammodo in Occidentem, si observatio sit antemeridiana, vel in Ortum, si fuerit pomeridiana. Facta autem secunda observatione, & intervallo temporis notato, Solis loco Meridiano applicato, volvatur Globus versus Ortum, donec tot gradus æquatoris Meridianum pertranseant, quot spatio temporis inter duas observationes elapso congruent, numerando cuique horæ gradus æquinoctiales 15 signatoque loco in Solaris declinationis parallelo, quem Meridianus post hanc conversionem interfecat: fixoque ibidem altero pede circini, ad complementum secundæ observationis extensi describatur arcus peripheriæ priorem peripheriam interfecans. Communis intersectio harum peripheriarum verticem loci, in quo fueris, indicabit: cuius ab æquatore distantia si numeres in Meridiano, patebit loci latitudo.

Idem efficies, si ad eundem modum cum data & bis observata aliqua stella operabere, aut si ad complementa duarum stellarum, quæ eodem tempore observantur, duas circumferentias sese interfecantes descriperis.

Inventâ beneficio Meridiani altitudine Solis Meridiana facillimus erit modus loci latitudinem seu poli elevationem in quacunque regione deprehendere. Nam cum à vertice cujuscunque regionis ad horizontem interijciatur quadrans circuli, id est, gradus 90: Si ergo existente Sole in alterutro punctorum æquinoctialium altitudo meridiana ex grad. 90 auferatur, relinquetur distantia inter verticem atque æquinoctialem circulû: quæ erit loci tui latitudo. Ratio hujus deductionis manifesta est, quia altitudo Solis æquinoctialis est ipsa elevatio Æquatoris, cujus complementum æquat elevationem poli. Exemplis hoc fiet manifestius: Romæ. Æquinoctialis Solis altitudo est grad. 48, quæ ablata a quadrante circuli videlicet à grad. 90 relinquuntur grad. 42, quæ est poli altitudo ac loci latitudo Romæ. Harderviçi deprehenditur Solis altitudo æquinoctialis graduum 38: Quibus subductis de gradibus nonaginta, seu quadrante circuli, residui erunt gradus 52, quæ est loci latitudo ac poli elevatio nobis jam dictæ.

Hoc idem quoque ex cælo deprehendi poterit per stellam aliquam fixam, quæ polo ita vicina erit ut in data regione nunquam occidat. Huius stellæ observanda cum maxima tum minima altitudo; quarum utraque in Meridiano contingit: Minima quidem infra, maxima supra polum. Hoc facto, minimam stellæ altitudinem adde maximæ, & collectæ summæ dimidium erit altitudo

poli. Exemplum : Stella quæ prima trium est in cauda ursæ maioris, in minima sua altitudine observatur hic Hardervici per globum caelestem esse graduum circiter 12; eiusdem maxima altitudo supra polum posita deprehenditur fere graduum 92. Hi altitudinum gradus in unam summam collecti constituunt gr. 104. quorum dimidium nempe 52 grad. est elevatio seu latitudo civitatis jam dictæ.

CAPUT VII.

DE ASCENSIONE RECTA ET OB-
LIQUA SOLIS ET STELLARVM INVE-
NIENDA AD DATAM QUAMLIBET LOCI
LATITUDINEM ET TEMPVS.

Ascensio Solis vel stellæ est gradus æquatoris, qui cum iisdem supra Horizontem emergit. *Descensio* est æquatoris gradus, qui cum iisdem deprimitur infra Horizontem. Vtraque vel est *recta* vel *obliqua*. *Recta* est gradus æquatoris, qui ascendit aut descendit cum Sole aut Sidere in Sphæra recta. *Obliqua*, qui cum iisdem oritur aut occidit in obliqua Sphæra. Illa simplex : est enim unicus situs Sphære rectæ : hæc multiplex ac varia, prout Sphæra varijs modis inclinatur.

Si ascensum rectum aut descensum cupis cognoscere alicujus stellæ ad datum aliquod tempus & locum, adijunge Meridiano materialis Globi stellam datam : & æquatoris gradus, quem meridianus in eo situ interfecat, indicabit ascensum & descensum rectum : idem occidit etiam & cælum mediat cum eadem.

Ascensionem vel descensionem obliquam si velis cognoscere, Globum statuas ad latitudinem loci, stellamque Orientali Horizontis parti applica : Horizon signabit in æquatore gradum ascensus obliqui. Occidenti item adijunge eandem stellam. Horizon in æquatore monstrabit descensum obliquum. Eodem planè modo Solis aut alicujus gradus eclipticæ ascensionem obliquam invenire oportet, cognito prius ex supra traditis loco Solis. Hinc reperiri poterit differentia ascensionis rectæ & obliquæ, unde diversa oritur dierum longitudo.

Exempli causa. Sol primum Capricorni gradum obtinet die 11 Decembris

Decembris juxta stilum veterem. Hujus gradus eclipticæ cognitam volo ascensionem rectam & obliquam in latitudine 52 gr. Primum igitur Capricorni gradum applica Meridiano : ubi Meridianus interfecabit gradum æquatoris 180, qui erit gradus ascensionis rectæ. Sed si Globo constituto ad latitudinem gr. 52 eundem gradum Capricorni Horizonti adjeceris, invenies oriri cum eo grad. æquatoris 303. 50 m. proximè, & differentia ascensionum (270 gr. rectæ & 303 gr. 50 m. obliquæ) erit grad. 33. 50 min.

Hic *ascensus* & *descensus* aliàs vocatur *ortus* & *occasus Astronomicus*, idque respectu arcuum & partium eclipticæ vel stellæ supra vel infra horizontem. Est autem ecliptica seu Zodiaci *arcus* dupliciter intelligendus, *continuu* nimirum aut *discretus*: *Arcus continuu* qui continua serie ab initio Arietis in consequentia signa numeratur in æquatore: *Arcus discretus* est qui à quovis alio puncto eclipticæ in eodem æquatore numeratur, sic dictus, quia avulsus & distinctus est ab Arietis initio: ut si dicas, arcus à 14 gradu Tauri ad 14 gradum usque Geminorum.

Porro *Ascensio recta* alias etiam *major* dicitur, quod in ea maior de æquatore quam de Zodiaco arcus surgat, supra nimirum horizontem. Dicitur vero *recta*, quia angulus, quem ecliptica & Horizon faciunt, rectior est quam angulus, quem alia pars Eclipticæ facit cum horizonte. Maior æquatoris arcus seu portio dicitur, quæ 30 gradus superat in ortu vel occasu, minor, quæ 30 gradibus est brevior in ortu vel occasu, id est, ascensu vel descensu.

In Sphæra recta quatuor tantum signa recte ascendant: *Gemini, Cancer, Sagittarius, Capricornus*: reliqua igitur octo oblique.

In Sphæra obliqua sex signa oriuntur recte, sex oblique. Recte, *Cancer, Leo, Virgo, Libra, Scorpius, Sagittarius*: oblique reliqua.

Ascensio obliqua est, in qua minor de Æquatore, quam de Zodiaco arcus oritur, id est, obliquus ortus signi est, cum quo minor æquatoris portio supra horizontem ascendit. Occasus igitur sive descensio signi obliqua est, cum minor æquatoris portio descendit. Exempli gratia, Romæ cum arcu Libræ, qui comprehendit grad. 30 ascendit arcus Æquinoctialis continens grad. 37. Vnde signum Libræ dicitur eo loci recte oriri. Maior enim de æquatore quam de Zodiaco arcus surgit. At ibidem cum arcu arietis coascendunt gradus tantum 17 æquatoris: Vnde sequitur signum arietis Romæ oblique oriri. In nostra sphæra, quæ hic Harderici aut Amstelodami similiter est obliqua, quemadmodum illa Romæ ascendit cum arcu libræ æquinoctialis arcus continens gradus circiter 40 & unum: cum arietis arcu coascendunt eiusdem æquatoris gradus haud ultra 13. Est ergo in nostra sphæra ascensus sive ortus Libræ rectus quoque, arietis vero obliquus.

REGVLÆ ORTVS ASTRONOMICI IN SPHÆRA RECTA.

REGVLÆ ortus Astronomici in recta sphaera sunt hæc. 1 Quadrantes Zodiaci & æquinoctialis æquali tempore oriuntur & occidunt. 2 partes quadrantum inæqualiter. 3 Signa æqualiter ab uno punctorum distantia, æquales habent ascensiones, ut *Gemini* & *Cancer*. 4 ascensio signi equalis semper est descensioni. 5 Quatuor signa, scilicet *Gemini*, *Cancer*, *Sagittarius* & *Capricornus* recte oriuntur: reliqua octo oblique.

REGVLÆ ORTVS ASTRONOMICI IN SPHÆRA OBLIQA.

IN Sphaera obliqua 1 duæ medietates conterminales a punctis æquinoctialibus inchoatæ simul peroriuntur. 2 partes medietatum inæqualiter. 3 Signa recte ascendunt, oblique descendunt & contra. 4 Ascensio signi alicuius tanta est, quanta descensio, oppositio & contra. 5 Ascensiones arcuum in Septentrionalibus signis sunt minores quam in recta sphaera, in meridionalibus maiores. 6 Ascensiones signorum oppositorum in sphaera obliqua simul sumptæ, sunt æquales ascensionibus eorundem in sphaera recta. 7 signa æquidistantia ab alterutro punctorum æquinoctialium, æquales habent ascensiones, quia ab æquatore æqualiter declinant.

CAPVT VIII.

Quomodo inueniatur ad datum tempus & locum differentia horizontalis inter meridianum & circulum verticalem Solis aut stellæ alicuius, quem vocant Azimuth.

Observata altitudine Solis aut Stellæ quacunque vis hora, Globum ad latitudinem loci compositum volvas, usque quo observata stella, aut Solis locus, tantum ab horizonte emineat, quanta est observata altitudo. Hoc autem inuenies, si quadrantem altitudinis vertici dati loci affixum, una cum stella aut Solis loco hac illac commoveas, donec incidat in eum quem per observationem in instrumento notatum habes. In hoc situ quadrantis terminus ad horizontem monstrabit distantiam circuli verticalis, in quo Solem aut stellam observasti, à Meridiano. Exempli causa.

In latitudine Boreali grad. 51 die Martij 11 juxta stilum veterem quo tempore principium Arictis Sol occupat, observata sit ejus altitudo ante meridiem gr. 30 supra horizontem. Queritur Azimuth siue distantia Solis à Meridiano. Globo primum ad latitud. 51 grad. posito

posito, & quadrante altitudinis vertici affixo, volvatur deinde Globus donec principium Arietis grad. 30 supra horizontem attollatur. Quadrans altitudinis eisdem Arietis initio applicatus, monstrabit in horizonte Azimuth Solis, sive distantiam à Meridiano, gradum proximè 45.

CAPVT IX.

DE INVENIENDA HORA, ITEMQUE
AMPLITVDINE ORTVS ET OCCASVS
SOLIS ET STELLARVM, AD DATVM
aliquod tempus & latitudinem alicujus loci.

Solem in diversis Horizontis patribus, diversis anni tempestatibus, orientem & occidentem cernimus. Tres autem insigniores & maximè differentes habet ortus & occasus. Æquinoctialis dicitur locus ille, quo Sol oritur aut occidit, cùm æquatorem percurrit. Solstitialis est ortus aut occasus Solis, cùm æstivum Tropicum describit. Brumalis, ubi oritur aut occidit, cum hybernium Tropicum obtinet. Ortus & occasus æquinoctialis in omni Climate simplex est & unicus. Æquator enim Horizontem in iisdem semper punctis intersecat, quæ 90 gr. utrinque à Meridiano distant. Reliqui pro varia sphaeræ inclinatione, varij sunt & mutabiles, horæque diversæ.

Amplitudo ortiva & occidua in specie est arcus Horizontis interceptus inter æquatorem & Solem Orientem aut Occidentem cum punctis Solstitialibus; Estque Septentrionalis & Meridionalis. Septentrionalis, cum citra æquatorem; Meridionalis, cum ultra æquatorem cadit. In æquatore Sol amplitudinem ortivam & occiduam non habet; cum vero in signis Solstitialibus, puta in principio Cancris aut Capricorni existit, summa illi amplitudo, quod ad ortum & occasum competit; vocaturque hæc amplitudo, *Solstitialis æstivalis* in initio Tropici Cancris in principio vero Capricorni, *Solstitialis brumalis*.

Hic observandum, quod in omni climate amplitudo ortiva cujuscunque astri equalis sit amplitudini occidue ejusdem astri. Item quod duo astra equaliter ab Æquatore remota, unum quidem in Boream, alterum vero in Austrum; vel etiã utrumque in Boream vel Austrum, habeant æquales amplitudines ortivas & occiduas.

Horam autem & distantiam Ortus aut Occasus Solstitialis & Brumalis, aut alicujus intermedij, (quam vocant amplitudinem ortivam aut

aut occiduam) si cupis cognoscere ad datum aliquod tempus & latitudinem loci: sic operabere. Primò statuatur Globus juxta latitudinē loci. Quæsitum deinde Solis locum, ad tempus datum, Meridiano ad-
junge, & cuspidem indicis horarij applica 12 horæ cycli horarij : & converso Globo, usque dum Solis locus Horizontem ab Orientali parte attingat, index in horario circulo Ortus horam, Solis locus in horizonte Ortus amplitudinem indicabit, quam ut diximus numerare oportet ab ipso Orientis cardine, sive intersectione æquatoris & horizontis. Si vertatur Globus, donec idem Solis locus horizonti ab Occidente accedat, hora Occasus, & amplitudo occidua eodem modoprehenditur.

Si ad idem tempus eandemque latitudinem, horam & amplitudinem ortus aut occasus, itemque mediationem cœli alicujus stellæ in Globo expressit, cognitam velis: Globus convertatur (manente eadē latitudine, eodem indicis situ, quo prius) usque dum stella data horizonti accedat, vel ab Oriente, vel Occidente, hora & latitudo ortus aut occasus, eodem planè modo quo in sole deprehenditur. Si eandē stellam Meridiano applies, patebit hora transitus per Meridianum, quam Mediationem cœli vocamus. Temporis autem itemque amplitudinis ortus & occasus Solis hoc est exemplum.

Sole occupante principium Tauri (quod nostra ætate evenit circa diem 11 Aprilis juxta stilum veterem) cupio cognoscere horam & amplitudinem ortus Solis ad latitud. Bor. gr. 51. Hoc ut cognoscamus, statuatur Globus, ut polus Boreus emineat 51 grad. ab Horizonte. Deinde primus gradus Tauri Meridiano adjungatur, & index horarius horæ 12 cycli horarij. Postremò versato Globo versus Orientem donec principium Tauri horizontem attingat: inveniēmus illud punctum contingere horizontem gr. 25 proximè ad Boreā Cardinis Orientis: tantaque erit amplitudo ortus Solis eo die. Index autem horam 4 cum dimidia cycli horarij monstrabit, quo tempore Solem eo die oriri dicimus.

CAPUT X.

DE TRIPLICI ORTV ET
OCCASV STELLARVM.

PRÆTER

PRÆTER quotidianam stellarum emersionem & depressionem ab Horizonte ad mundi conversionem, triplicem earum ortum & occasum solent considerare. *Matutinum* sive *Cosmicum*, *Ves-*



pertinum sive *Acronychum*, & *Heliacum* vel *Solare*. *Ortus matutinus* alicujus stellæ est, cum stella supra horizontem simul cum Sole attollitur. *Occasus matutinus*, cum stella aliqua oriente Sole è regione occidit. *Ortus vespertinus* est, cum occidente Sole stella è regione ab Horizonte emergit. *Occasus* est, cum occidente Sole stella una deprimitur. *Ortus Heliacus* (quem emersum rectè dixeris) est, cum stella quæ prius radijs Solaribus illustrata conspici nō poterat, ab iisdem emergit. *Occasus* (quem occultationem licet nominare) est, cum Sol stellam aliquam motu proprio assequitur, ut ob fulgorem radiorum ejus cerni non possit.



De ortu & occasu siderum, qui sit respectu horizontis & æquatoris, supra cap. 7 dictum fuit; Quem & *Astronomicum ascensum* & *descensum* appellari indicavimus: hic autem *ortus* & *occasus* proprie & tantum Solis & Horizontis aspectu consideratur, non vero *Æquatoris*, ideoque & vulgo ac populariter *ortus* & *occasus Poeticus* appellari solet.

Volunt plurimi, stellas fixas primæ magnitudinis oriri vel emergere, si in supero maneant hemisphærio, cum Sol 12 grad. infra horizontem deprimitur: stellæ autem secundæ magnitudinis demersionem Solis ad 13. grad. requirunt: tertiæ magnitudinis, si sint 14 gr. quartæ 15: quintæ 16: sextæ, 17, nebulosæ & obscuræ 18 grad. depressionem Solis requirunt. Ptolemæus in hac re nihil definiivit. Diffici-

Q • lem

lem ejus determinationem rectè monet 8 Almag. cap. ult. Inæquali aëris dispositione inæqualem fieri hanc distantiam Solis ad emersionem & occultationem siderum, probe advertit. De hac vulgata sententia scrupulum nobis injicit, quod Vitellio depressionem Solis infra Horizontem ad 19 gr. requirat, ut finiatur crepusculum vespertinum. Nebulosas autem & obscuras ante finitum crepusculum conspici posse vix persuadebunt. Vt cunque autem se res habeat, sequamur vulgatam sententiam.

Si igitur anni tempus, quo stella aliqua in quovis climate oritur aut occidit matutine vel vespertine, cognitum velis, sic indagare licebit. Stellam datam horizonti Globi ad latitudinem loci constituti adjungas ab orientali parte horizontis. Innotescet gradus eclipticæ, quocum stella data oritur Cosmice & occidit Acronychè: & è regione ab Occidente Horizon indicabit gradum eclipticæ, quocum stella data oritur Acronyche & occidit Matutine. Ortus enim Cosmicus & occasus Acronychus, item occasus Cosmicus & ortus Acronychus idem sunt, juxta vulgatos versiculos:

Cosmice descendit signum quod acronyche surgit.

Acronyche descendit signum quod Cosmice surgit.

Sed hæc sunt latius intelligenda. Neque enim cum eodem gradu eclipticæ stella mane oritur & vesperti occidit. Austrinæ stellæ gradum ortus sui in occasu antevertunt: Boreales sequuntur, si polus Boreus supra Horizontem attollatur; contra, si Austrinus emineat. Invento autem gradu eclipticæ, quocum data stella oritur aut occidit, si ejusdem signi gradum in Horizonte quæras, mensem ejusque diem expressamprehendes quo Sol eundem occupat.

Ortum & occasum Heliacum sic invenies. Globo ad latitudinem loci composito, stellam datam horizonti applices ab Occidente, è regione ad Ortum exquiras gradum eclipticæ, qui ab Horizonte attollitur gr. 12. 13. 14. aut alia quavis distantia, quam stellæ postulat magnitudo. Hujus gradus oppositum cum Sol occuparit, stella ea occidit heliace, sive occultatur radiorum Solarium fulgore. Si converse, applicatâ stellâ Orienti exquiras eclipticæ gradum, qui è regione ab Occidente totidem gradibus supra Horizontem eminet: huic oppositum cum Sol occupaverit, stella oritur heliacè vel emergit è radijs Solaribus. Hos autem eclipticæ gradus si in Horizonte perquiras, mensis & ejus dies patebit, cum Sol hos gradus obtinget. Vnde manifestum

festum

festum erit tempus occultationis & emersionis ejus stellæ. Exemplum hoc est, sed occultationis stellæ fixæ primæ magnitudinis. Emerſio in verſione hujus operationis invenitur.

Syrius lucida stella est præfulgens in ore Canis majoris. Hujus occasus heliacus sive occultatio sit exquirenda ad latitudinem Borealem 51 grad. Syrius autem (cùm sit stella primæ magnitudinis) occultatur, cùm Horizontem tangit in supereo hemisphærio Sole 12 gr. infra horizontem depresso. Si igitur stellam hanc Horizonti adjicias ab Occidente, (Globo prius juxta latit. 50 g. Bor. constituto) & è regione ab Ortū exquiras gradum eclipticæ, minimo sumpto intervallo 12 grad. supra horizontem eminentem (is autem est 11 proximè grad. Scorp.) hujus oppositum in ecliptica gradum, hoc est 11 Tauri cum Sol occuparit, stella illa occultatur radijs Solaribus. Hunc autem gradum Tauri Sol obtinet circa 22 Aprilis, circa quod tempus Occasum Heliacum Syrii esse dicimus. Si eodem modo operabere, adjiciendo stellam hanc Horizonti ab Oriente, innotescet ejus Ortus Heliacus sive emerſio.

Non abſimilis est modus investigandi crepusculorum initia & fines, is autem ſequitur.

Vſus & utilitas doctrinæ de hoc ortu & occaſu præcipue inſignis eſt in veterum auctorum ſeu Poetarum & præſertim eorum, qui de tēporibus & re ruſtica agunt, locis intelligendis. Sic Virgilius libro I Georg. ORTVS COSMICI meminit hiſce verſibus:

Candidus auratis aperit cum cornibus annum

Taurus, & adverſo cadens canis occidit aſtro.

Vult enim dicere & indicare Aprilem menſem, tunc enim Sol in Tauri ſigno moratur & auratis cornibus exoritur. OCCASVS COSMICI eodem in loco exemplum eſt, ubi ait:

At ſi triticeam in meſſem, robuſtaque farra

Exercebis humum ſoliſque inſtabis ariſtis,

Ante tibi Eox Atlantides abſcondantur,

Gnoſtiſque ardentis decedat ſtella corona,

Debita quàm ſulcis committas ſemina, quamque

Invita properes anni ſpem credere terra,

Multi ante occaſum Maia capere, ſed illos

Expectata ſeges vanis eluſit avenis.

Expecta, inquit, illum diem in frumentiſ ſerendis, quo Atlantides, id eſt, Piciades abſcondantur ſeu occidant Eox, hoc eſt matutini, ſive matutino occaſu vero.

su vero, qui dicitur *occasus Cosmicus*. Quo eodem die etiam stella coronæ septentrionalis decedat, id est occidat vespere, & quidem vespertino occasu apparente, qui dicitur *Heliacus*. Atque ita poeta duplici occasu extremos dies Octobris putat 28 & 29 descripsit.

ORTVS CHRONICI exemplum extat in Ovidij libro 1 de Ponto eleg. 9 ubi exilij sui moram describit, ab ortu pleiadum autumnali, id est, vespertino;

*Vt careo vobis Scythicas detrusus in oras,
Quatuor autumnos Pleiadas orta facit.*

OCCASVS CHRONICI meminit 2 Faistorum, ubi de tertio Februarij loquitur ejusmodi perilogia,

*Quem modo celatum stellis Delphina videbas,
Is fugiet visus nocte sequente tuos.*

ORTVS HELIACI exemplum est in Februario apud eundem:

*Tertia nox venies, custodem protinus arse
Aspicias geminos excruisse pedes.*

OCCASVS HELIACI supra mentio in illis verbis 1 Georg.

Et adverso cedens canis occidit astro.

Ibi enim poeta loquitur de verna satione milij & fabarum.

HVC SPECTANT, VTRVMQVE HVNC

ORTVM ET OCCASVM POETICVM BRE-
VITER INDICANTES, HI INCERTI

AUCTORIS VERSVS.

*Cosmicus est ortus, cum sol emergere querit,
Ipsius oppositum lapsus ad ima gerit.
Chronicus est lapsus cum sol in vespere tabet.
Ipsius oppositum Cosmicus ortus habet.
Heliacus signo datur ortus Sole remoto,
Illius occasum proximitate noto.*

CAPVT XI.

DE INVENIENDO CREPUSCULORVM
INITIO ET FINE, AD DATVM QVOD.

VIS TEMPVS ET LATITVDINEM LOCI.

Crepuscu-

Crepusculum definiunt dubiam lucem inter diem & noctem anteorientem & post occidentem Solem. Alterum vocant Matutinum, alterum Vespertinum. Illius initium & hujus finis æquali temporis spatio ab ortu & occasu Solis remota sunt: utcunque duratio interdum major sit, interdum minor in utrisque. Æstate enim longiora sunt crepuscula, hyeme breviora. Mensuram vulgo faciunt, cum Sol 18. grad. infra horizontem latet. P. Nonius rectè monet, non posse dari certam aliquam mensuram, pro diversa aëris affectione, atque altiore vel depressiore vaporum à terra elevatione, variam esse advertit. Vitellio, ut ante eum Alhazenius, graduum 19 occultationem posuerunt. Utcunque se res habet, sequamur sententiam vulgo receptam. Si igitur ex hoc fundamento horam cognoscere cupis, qua crepusculum inchoatur aut finitur, ad datum tempus & locum Globum statuas juxta loci latitudinem & Solis locum dato tempori congruentem Meridiano adjunge, & indicem horarium 12. horæ sui cycli. Signato deinde gradu eclipticæ qui è diametro Solis loco opponitur, vertatur Globus, donec idem gradus oppositus Soli 18 grad. ab Horizonte attollatur a parte Occidentali & index in cyclo horario, monstrabit initium crepusculi matutini: si à parte Orientali, vespertini crepusculi finem indicabit.

Nostre regiones *παρυγασμὸν* seu crepusculum auroramque per horam & paulo plus habent. Illis vero regionibus, in quibus circuli Tropici valde sunt remoti ab Horizonte, plane nullus est *παρυγασμὸς*, nulla aurora, nullum crepusculum. Hinc ijs, qui proxime Equatorem habitant noctis extrema non illustrantur, nec prius illis illucescit quam Sol ortus sit. Contra vero, ubi Tropicus valde propinquus est horizonti, ibi totam fere noctem creperâ esse necesse est. Hinc cum Romani in Britanniam venissent & totam fere noctem in Solstitio æstivo illustrari vidissent, τὸν *παρυγασμὸν* noctium non ausi sunt noctem vocare, sed *minima nocte* contentos Britanni dixerunt.

Est autem *παρυγασμὸς*, ut definit ad Maniliū Iosephus Scaliger, nihil aliud quam τὸ *φωτὸς* seu luminis antiperistasis, quæ nulla esse potest, quum ab horizonte, ut diximus, tropici valde remoti sunt. Nam hic paraugasmos, quemadmodum ab eodem Scaligero accurate ibidem notatum, fit tantum sub illis signis, quæ propius punctum solstitiale sunt, Geminis & Cancro, & quidem in illis tractibus, in quibus nox longiuscula est, quam sub polo Eclipticæ: ut verbi gratia (sunt Scaligeri verba) quibus Tropicus nō est pro Arctico neque tangit punctum horis noctis Aquilonij: illis tantum noctes obscurantur, quantum Tropici ipse abest a pulsu horizontis septentrionalis: ut scimus accidere in Scotia, in qua nostros milites noctu in excubijs alea ludentes nullum lumen adhibebâc

Solstitiali sidere confecto. Tropicus aurem distat ab horizonte Edinburgi part. 9.17 circiter. Tantum igitur medię noctis tempore Sol ab illorum horizonte distat in solstitio; ut reliquum noctis *περὶ ἡμέρας* necesse sit, & ex horis 6 23, duos tantum trientes horę minus 3 scrup. fere noctem obscurari, reliquas autem horas illustrari, & *περὶ ἡμέρας*. Vnde habes rationem lucidarum dierum in illis regionibus, à quarum horizonte propius abest Tropicus. Quare *τὸ φῶς* seu luminis antiperistasin ignorantes Romani putarunt vix ibi noctem esse.

Hinc jam consequens est, ut quanto remotior sit Tropicus ab horizonte, tanto minus noctes illustrentur: & qui proxime *Æquinoctialem* habitant, tantum abest, ut illis noctis extrema illustrentur, ut non prius luceat, quam Sol ortus sit: nulla vero aurora fere aut crepusculum apparet in regionibus, quę intra decimum gradum ab æquinoctiali sunt, cujus rei nulla causa alia, quā maxima Tropici à finitore distantia. Quod si nullus in æstate paragausinus fieri potest, tanto minus fiet, quum Sol erit in altero Tropico: ne quis credendum putet Ludovico Cadamusto, qui quum hoc scriberet, id fieri dixit ideo, quia ibi nulli montes sint, qui orienti Soli officiant. Ridicula ratio, neque digna quę confutetur. Vide uberius Scaligerum ad 3 Astronom. Manilij.

Cadamustus.

C A P V T XII.

Quomodo ad datum aliquod tempus & locum inveniatur quantitas diei artificialis aut noctis, vel quantitas paralleli Solaris, quę supra Horizontem manet quęque infra lucet. Idem etiam de stella aliqua invenire.

DIEM supra diximus esse duplicem. Naturalem, qui definitur integra revolutione æquatoris, cum ea etiam portione æquatoris quę respondet arcui eclipticę, quem Sol motu proprio in uno die conficit. Integræ æquatoris revolutionem (missa ea portione, quę proprio Solis motui respondet) dividunt in 24 partes æquas, quas horas vocant æquales, quia semper inter se æquātur, quindecim æquatoris gradibus orientibus & occidentibus in singulis horis. Hujus diei diversa initia (alii enim ab occasu Solis inchoarunt, ut Attici & Iudæi: alij à media nocte, ut Egyptij & Romani: sunt etiam qui ab ortu Solis, ut Chaldæi: vel à Meridie, ut Umbri, & vulgo solent Astronomi, initium sumpserunt) nostri instituti non est pertractare. Diem artificialem definiunt spatio eo, quo Sol in superno hemisphærio versatur, cui opponunt noctem, dum inferum percurrit Diem artificialem, itemque noctem in 12 utrinque partes dividunt, quas horas vocant inæquales, quoniam diversis anni tempestatibus majores sunt aut minores, neque idem semper spatium obtinent. Artifi-

Artificialis dici quantitas sic exquiritur. Globo ad latitudinem loci composito, inveniatur gradus eclipticæ, quem Sol dato tempore occupat. Eundem Meridiano adjungas & indicem horarium 12 horarum. Conuerso deinde Globo, dum Solis locus Horizontem ad Orientem attingat, index in cyclo horario monstrabit horam Solaris ortus: si Occidenti applicetur, hora Occasus similiter patebit, unde tota dici quantitas inuenietur. Horarum numerum si multiplices per 15 (tot enim, ut sæpè diximus, æquatoris gradus uni horæ æquali congruunt) prodibit numerus graduum Solaris paralleli supra Horizontem apparentis, quos si demas e 360 grad. relinquitur quantitas paralleli latentis. Vel conuerso, licebit primo quantitatem arcus diurni, deinde horarum numerum per diuisionem colligere. Globo enim posito ad latitudinem loci, & notato gradu eclipticæ, quem Sol obtinet, exquiras per præmissa differentiam ascensionis rectæ & obliquæ ejusdem gradus eclipticæ ad latitudinem ejus loci. Hæc enim differentia erit semissis, quia dies artificialis eo loco & tempore excidit aut deficit à die æquinoctiali. Addenda est itaque, dum dies sunt majores noctibus (quod fit ab 11 Martij ad 12 Septembris) subtrahenda autem reliqua anni parte, cum dies sunt minores noctibus.

Exempli causa, 12 die Junij juxta stilum veterè Sol obitinet principium Cancræ, cujus ascensio recta est gr. 90, at in latitudine grad. 52. Si principium Cancræ Horizonti applicetur, inueniemus ascensionem obliquam grad. 56. 10 m. prox. differentia est gr. 33. 50 quam si adjicias 90 grad. 40 m. semissi die artificialis gr. 123. 50 & totus arcus diurnus 247 grad. 40 min. quos si divides per 15 quotus erit 16 cum dimidio fere, numerus horarum dici artificialis 12 Junij latitud. 52.

Hinc investigatur quantitas dici maximi, minimi & alicujus intermedij, ejusque ad datum tempus & locum incrementum & decrementum. Cleomedes augeri & minui dierum quantitates hac ratione voluit: ut primo mense ante & post factum æquinoctium augeantur & minuantur quarta parte totius differentiæ inter diem maximum & minimum: secundo mense sexta parte: tertio vero duodecima parte, utpote, si tota differentia inter diem maximum & minimum sit horarum 9: augentur aut minuuntur dies mense proxime precedente aut subsequente æquinoctium, horâ unâ cum dimidia, hoc est parte quarta horarum 6: secundo mense, integrâ horâ: tertio mense, semisse unius horæ. Atqui hæc quidem ut sint vera ad aliquam datam & defi-

*Modus
exquirenda
dici artif.
quantita-
tem.*

& definitam latitudinem, in univcrsum se ita non habent. Nam ad diversas inclinationes sphæra diversa ratione augmentū capiunt & decrementum. Cum enim paralleli in omni latitudine secantur ab Æquatore dissimili ratione, dissimilis erit incrementi & decrementi ratio.

Frustra dixerim de inveniendō arcu apparente paralleli alicujus stellæ. Eadem planè ratione deprehenditur, qua parallelus Solis diurnus.

CAPUT XIII.

DE INVENIENDA HORA DIEI ET NOCTIS TAM ÆQUALI, QVAM INÆQUALI AD DATVM QVODVIS TEMPVS ET LATITVDINEM LOCI.

HORAM diei æqualem si lubeat cognoscere, Globus statuatur ad datam loci latitudinem. Solis altitudo observetur. Deinde locum Solis in ecliptica Meridiano adijunge, & indicem cycli horarij horæ 12. Postremo Globum volvas, vel ad Ortum vel Occasum, prout facta observatio postulat, usque dum Solis locus tot gradibus ab Horizonte emineat, quot congruunt observationi factæ, ut in inveniendō Solis Azimuth dictum est. Globo enim sic constituto, index in circulo horario monstrabit horam diei, quā facta est observatio. Eodem modo horam noctis deprehendas, observata altitudine alicujus stellæ cognitæ & in Globo expressæ. Index enim maneat, ut prius, ad locum Solis accommodatus, & Globus circumagatur, donec stella obtineat altitudinem ab Horizonte æqualem altitudini observatæ: & index horam noctis indicabit.

Ad inveniendam horam diei inæqualem hæc est ratio. Primo inveniendā est per præmissā, quantitas vel numerus horarum diei artificialis, itemque ejusdem diei hora æqualis exquirendā est; unde per proportionis regulam investigandā est hora inæqualis.

Horæ inæquales respondent diei artificiali, qui supra fuit definitus esse tempus, quo Sol in superno hemisphærio versatur, cui opponunt noctem, dum inferum percurrit. Quod tempus cum utrinque 12 partes contineat, horas ejus inæquales dicunt, quoniam diversis anni tempestatibus majores sunt aut minores, neque

que idem semper spatium obtinent. Sic e contrario *aquila hora* convenient *dies naturalis*, qui definitur integra revolutione æquatoris: Quam dividunt in 24 partes æquas, & inde appellantur *hora æquale*, quia semper inter se æquantur, quindecim æquatoris gradibus orientibus in singulis horis. Nam toto Æquatore in 24 diviso colliguntur quindecim tempora seu partes, mensura unius horæ: ut ita hora æqualis sit vicesima quarta pars totius circuli æquatoris.

In latitudine graduum 49 maximus dies est horarum 16. Cum fuerit ejus diei hora decima antemeridiana vel sexta ab Ortus Solis, cupio cognoscere, quota sit ea hora inæqualis. Dispositio terminorum proportionalium sic habet. 16 dant 6, ergo 12 (tot enim horas inæquales *Exemplum.* singulis diebus itemque noctibus attribuunt) dant 4 cum dimidio.

Quot etiam gradus æquinoctiales uni horæ inæquali congruant, hinc licebit exquirere, si totum numerum graduum arcus diurni divides per 12. Vtpote, si dies artificialis sit 16 horarum æqualium, arcus paralleli diurni erit graduum 240, quos si per 12 diviseris, quotus 20 indicabit numerum graduum æquinoctialium, qui conveniunt uni horæ inæquali. Simili methode noctis hora inæqualis ejusque quantitas investiganda est.

CAPVT XIV.

De inveniendâ longitudine, latitudine, & declinatione Stellarum fixarum, ut in Globo exprimitur.

Longitudo stellæ est arcus eclipticæ interceptus duobus circulis majoribus ductis per polos eclipticæ, quorum alter transit per intersectionem æquatoris & eclipticæ, alter per centrum stellæ. Latitudo est distantia stellæ ab eclipticâ, numerata in eo circulo, qui per ejus centrum transit.

Hæc si cupis cognoscere, accipiendus est quadrans altitudinis, vel alius quadrans in 90 gr. commodè divisus: cujus alter terminus applicandus est polo Zodiaci Boreo vel Austrino, prout postulat stellæ latitudo. Transseat deinde per medium stellæ ad usque eclipticam, ubi alter quadrantis terminus notabit gradum longitudinis ejusdem stellæ, quæ à principio Arietis numeranda est. Ea autem portio quadrantis, quæ intercipitur inter ipsam stellam & eclipticam, indicabit ejusdem stellæ latitudinem.

Longitudo & Latitudo stellarum quomodo accipienda sit, ita demonstratur: Exempli loco esto caput Medusæ, quod invenitur in tabulis esse in 21 grad. &, latitudo vero ejusdem invenitur 23 borealis.

R

Quæra-

Quartatur in superficie globi signum \times & ab initio ejusdem numeretur in gradibus eclipticæ 21. gr. longitudo nimirum stellæ; circulus per hunc 21 eclipticæ gradum ex polo Zodiaci deductus, dicetur circulus longitudinis capitis Medusæ. In hoc deinde per parallelos Latitudinum numeretur stellæ latitudo nempe 23: incipiendo ab ecliptica versus Zodiaci polum Arcticum propter stellæ latitudinem borealem, & terminus numerationis locum capitis Medusæ demonstrabit.

Quoniam vero circuli omnes longitudinum & latitudinum in globi superficie non solent nec possint commodè depingi: id circo eorum loco *circuli quadrans* ex lamina æreâ constans, qui supra pag. 7 delineatus ac descriptus est, adhiberi solet, per quem stellarum situs vice longitudinum & latitudinum circulorum in globo inveniri possunt, idque hac ratione: Sumamus exemplum superius Capitis Medusæ: Cujus stellæ cum Latitudo borealis sit, extremitatē Quadrantis applico Zodiaci polo septentrionali, aliâ si Australis esset, polo Zodiaci Meridionali aptanda esset: Quo facto, quæro in Ecliptica 21 grad. Tauri, longitudinem nimirum stellæ, & huic alteram quadrantis extremitatem adjungo, illo enim modo quadrans officium circuli longitudinis capitis Medusæ supplebit. Si itaque ab ecliptica incipiendo latitudinem stellæ nempe 23 in gradibus quadrantis numeravero, ibi verum stellæ situm in globi superficie habebō.

Sic etiam reciproca ratione ex globo stellis exornato stellæ cujuscvis in cælo cum longitudinem tum latitudinem eruere poterimus.

Si enim quadrantem circuli per centrum stellæ alicujus dimittamus, idque ex polo Zodiaci septentrionali, si scilicet eadem in globi parte septentrionali constituta fuerit: sin vero in meridionali, ex Australi polo; gradus quem altera quadrantis extremitas in ecliptica demonstrat, longitudo stellæ erit. Gradus quadrantis ab ecliptica usque ad stellæ centrum latitudinem ejusdem tibi exhibebit. Sic dimisso quadrante ex polo Zodiaci septentrionali per lucidam coronæ, extremitas ejus in ecliptica in 6 grad. incidit, quæ est longitudo stellæ. Rursus ab ecliptica usque ad centrum ejusdem coronæ numerantur in quadrante grad. 44½, qui sunt latitudo stellæ septentrionalis.

Declinatio est distantia ab æquatore, numeranda in circulo majore transeunte per æquatoris polos. Itaque si aliquam stellam Meridiano applices, facile innotescet ejus declinatio, numeratis gradibus & minutis Meridiani (si quæ sunt) quæ comprehenduntur inter medium stellæ & Æquatorem.

Declinatio stellarum itemque recta earum ascensio hunc in modum ex globo stellis consignato cognoscitur: Applicatur stella proposita meridiano circulo, confestim enim idem Meridianus inter gradus Æquatoris ascensionē ejusdem stellæ rectam indicat: Declinationem idem meridianus dabit, numerando meridiani gradus, qui inter datam stellam & æquinoctialem interjecti sunt; Exemplis sit Canis major cujus ascensio recta & declinatio sic invenitur. Sistatur ipsa stella sub Meridianum, quo facto videbitur Meridianus secare æquinoctia-

lem

sem in grad. 97 minut. 15. Atque hæc ascensio recta est ejusdem stellæ: Deinde ab eodem æquinoctiali usque ad prædictum canem majorem interjacent gradus 16 versus antarcticum nimirum polum, quæ declinatio est stellæ & quidem ob causam jam indicatam Australis.

Potest idem in Sole demonstrari: Sol enim in 3 gra. π existens promovetur sub meridianum circulum, qui æquinoctialem intersecat (numerando a principio arietis in ipso æquatore) circa grad. 63. Quæ ascensio Solis erit in gradu Geminarum 4 existentis: Gradus vero in Meridiano inter eundem Solis locum & æquinoctialem qui interjacent, sunt 21, quæ Solis est Declinatio & quidem Borealis, quia incidit in Signis borealibus.

Fieri & alia ratione idem potest. ut exempli gratia, lucidæ lyræ ascensio recta invenitur in Tabulis Astronomicis graduum 275, m. 31. Declinatio vero grad. 38 m. 26 Septentrionalis. Primum itaque ascensionis rectæ gradus numero in æquinoctiali ab ariete incipiendo, gradumque inventum Meridiano circulo adjuugo, in quo deinceps Declinationē datam numero ab æquinoctiali progrediendo versus mundi polum Arcticum, siquidem stellæ declinatio septentrionalis est.

**TABELLA STELLARVM ALIQVOT
LONGITVDINES ET LATITVDINES,
EARVNDENQVE ASCENSIONES RECTAS
ET DECLINATIONES EXHIBENS.**

		Long.	Latitu.		Ascen. R.	Declina.	
<i>Prima in cornu Arietis</i>	♈	28 0	7 20	B	20 0	18 0	B
<i>Plaustris equus 1.</i>	♉	3 30	53 30	B	188 10	57 27	B
<i>Equus tertius</i>	♊	21 10	54 0	B	202 24	51 5	B
<i>Caput Dracon.</i>	♈	21 0	75 30	B	226 8	52 8	B
<i>Bootis sin. hum.</i>	♊	11 0	49 0	B	212 50	40 0	B
<i>Arcturus.</i>	♊	18 20	31 37	B	209 17	21 53	B
<i>Lucida corona</i>	♈	6 0	44 30	B	229 0	38 25	B
<i>Caput Herculis</i>	♈	9 0	37 30	B	252 51	15 16	B
<i>Lucida Lyræ</i>	♈	8 40	62 0	B	275 31	38 26	B
<i>Galline cauda</i>	♈	0 30	60 0	B	307 30	44 15	B

	Longi.	Latit.		Ascen. R.	Declina.	
<i>Rostrum Gallinae.</i>	♊ 25 50	49 20	B	288 40	27 32	B
<i>Pectus Cassiopeæ</i>	♊ 2 10	46 45	B	4 23	54 26	B
<i>Hircus</i>	♊ 16 20	22 30	B	71 58	45 7	B
<i>In sinif. cal. Persf.</i>	♊ 25 30	12 0	B	50 0	31 0	B
<i>Caput Medusæ</i>	♊ 21 0	23 0	B	41 0	30 0	B
<i>Cap. Andromadæ.</i>	♊ 16 40	24 30	B	357 0	27 0	B
<i>In extre. ala Pega.</i>	♊ 9 0	34 15	B	358 20	13 0	B
<i>Pegasi hum.</i>	♊ 15 0	41 10	B	341 11	13 0	B
<i>Aquila</i>	♊ 25 10	29 10	B	292 40	7 57	B
<i>Caput Ophiuchi</i>	♊ 16 10	38 0	B	288 32	13 5	B
<i>Oculus Tauri</i>	♊ 4 0	5 10	B	63 0	15 54	B
<i>Castor</i>	♊ 14 40	9 40	B	107 0	32 30	B
<i>Pollux</i>	♊ 18 0	6 15	B	110 20	28 30	B
<i>Cor leonis</i>	♊ 23 50	0 10	B	146 13	13 45	B
<i>Spira Virginis</i>	♊ 18 0	2 0	A	195 46	8 55	A
<i>Long. meridian.</i>	♊ 9 20	0 40	A	217 8	14 0	A
<i>Cor Scorpii</i>	♊ 4 0	4 0	A	241 11	24 52	A
<i>Cauda Capricorni</i>	♊ 20 0	4 20	A	319 18	18 5	A
<i>Crus Aquarij</i>	♊ 3 0	7 30	A	337 47	17 24	A
<i>Cauda Ceti</i>	♊ 27 0	20 20	A	5 42	19 46	A
<i>Ceti nares</i>	♊ 9 0	7 45	A	40 32	2 47	B
<i>Dext. bu. Orion.</i>	♊ 23 20	17 0	A	83 34	6 16	B
<i>Si. pes Orion</i>	♊ 10 30	31 30	A	73 15	9 10	A
<i>Canis Minor</i>	♊ 20 30	16 10	A	109 45	5 53	B
<i>Canis Maior.</i>	♊ 9 0	9 0	A	97 15	15 56	A

Quod supra pagina 16 monetur lector inspicere 5 & 14 hoc partis hujus quartæ Caput. error typographicus est, cum intelligatur Caput sequens nimirum 15 & quæ ibi annotata subijciuntur.

CAPIT

CAPVT XV.

De invenienda deflexione acus magnetica à veri Meridiani situ (quam vulgò vocant noſtrates Compaſſi variationem) ad datam quamvis latitudinem.

FERRVM tactum magnetè ab interſeſſione veri Meridiani & Horizontis varijs locis variè deviare tam eſt teſtatum & cõprobatum quam quod maximè. Neque eſt hæc aſſertio ſolum nautarum commentum ad ſuos errores tegendos, ut voluit P. de Medina Nauclerus regis Hiſpaniarum. Neque accidit hoc, quod magnetis viſ longo uſu & exercitatione debilitata defecerit, ut perſuaſum habuit P. Nonius: aut quod ab origine non ſit rectè indita, ut alij frigidè conjeſtant. Suà ipſa naturà ita fertur. Hujus deflexionis cauſà, hætenus fruſtra quæſitam, nemo aſſecutus eſt. In hoc, ut & in alijs abditis & abſtruſis naturæ miraculis cæcutimus proſus. Normam aliquam ſive canonem hujus deflexionis, quaſi regularis eſſet & ordinata, tradere conati ſunt, & hoc fruſtra. Inordinatam enim teſtatur experientia, non ea ſolùm, quæ ex craſſiore nautarum conjeſturà deſumpta eſt, longiuſcule ſæpe à vero berrante. Accuratioꝛibus multò obſervatis compertum eſt.

Apud inſulas, quas vocant Açores, à Meridiani ſitu omnino non deſcètere, tradunt vulgò. Apud eas, quæ ſunt Occidentiores, vix aut non multum deſcètere auſim aſſirmare. Si ad Orientem ab ijs inſulis navigaris, cuſpis ea, quæ Boream reſpicit, paululùm ad Ortum vergit Antuerpiæ in Brabantia 9 circiter grad: prope Londinum in Anglia 11 amplius grad. aberrat à vero Meridiano. Si ad Occidentem ab ijs inſulis proceſſeris, deſcètet eadem cuſpis ad Occidentem. In ora Americę maritime latitud. 35 circiter aut 36 grad. amplius 11 grad. à vero Meridiano deviat. Ultra æquatorem diverſa longe eſt ratio. Prope extimum Braſiliæ promontorium in Ortum excurrens, (C. Frio vocant vulgò) 12 amplius grad. à Meridiano deſcètit. Intra fauces Orientaliores Freti Magellani 5 vel 6 grad. Si ab eo quod diximus promontorio ad Ortum Aphricam verſus navigaris, augetur ea deſlexio ad 17 aut 18 uſque gradus, quod (ut conjeſtura aſſequi potuimus) contingit in Meridiano non multùm diſtante ab eo, qui tranſit per

R 3

Açores.

Açores. Inde minuitur deflexio ad 9 aut 10 gradus, quod accidit prope insul. S. Helenæ, paulum ad Occidentem. Inde ferunt minui, usque dum C. Bonæ Spei prætervectus sis, ubi volunt in ipso Meridiani situ jacere prope flumen illud, quod ab ea causa vocarunt Lusitani R. de las Agulias. Atque hæc tota deviatio est ad Ortum.

Hæc ex observatis (quantum patitur instrumentorum perfectio, quorum usus in navigando conceditur) satis accuratis, per sphaericorum triangulorum doctrinam calculatis, comperta habemus & explorata. Vnde multa, quæ de hac deflexione vulgo feruntur, partim falsa partim suspecta habemus. Quod in eo Meridiano, qui in Açores Insulas pertransit, ferrum hoc verum Meridianum ubivis respicit exacte: quod in orâ Brasiliæ maritima cuspis Borealis in Occalum declinat (ut quidam ferunt) falsum deprehendimus. Quod ad terram Bacalos (vocant nostrates *Newfoundland*) integris gradibus 22 amplius ad Occalum flectere prodiderunt, suspectum habemus, quod cum ea observatione, quam in ora Americæ factam diximus, deflexionis gr. circiter 11 parum videtur congruere, cui tantum fidimus ut præterea nulli. Facebant igitur, qui unicum hujus aspectus punctum quærunt, vel in terra, (ut magneticos montes non multum remotos ab Arctico polo) vel in cælo (utpote caudam minoris ursæ, ut Cardano videtur vel quod in Meridiano Açorensium jacet 16 cum dimidio gradibus ultra polum Boreum) ut Mercator voluit. Facebant etiam, qui ex hac deflexione calculum investigandi locorum longitudes institui posse arbitrantur: quod utinam præstare possent, & revera fieret si unicum punctum semper respiceret.

Sed ijs missis videamus, quomodo hujus deflexionis quantitas, mediante usu Globi, quovis loco cognite latitudinis inveniat. Primum parandum est instrumentum aliquod quo distantiam Solaris Azimuth à situ magneticæ acus observare liceat. Utuntur vulgo nostri Compasso vel indice nautico in 360 gradus diviso, filo transversim centro indicis in pixide imminente, quod objectum Soli umbram projiciat in centrum indicis. Hoc instrumentum nostri Nautæ vocant Compassum variationis. Neque incommodum videtur hoc instrumentum ad hunc usum. Sed velim ut aliquanto majore cura & accuratione, quam vulgo solet, conficeretur. Hoc instrumêto, vel alio quovis hujus generis, observetur distantia Solaris Azimuth ad quodvis tempus & locum à projectione acus magneticæ. Quantum autem idem

dem Solis verticalis eodem tempore à vero Meridiano distet, supra docuimus exquirere. Differentia, quæ est inter distantiam Solis à vero Meridiano & à situ ferri magnetici, est Compassi variatio. Præterea docuimus superius, quomodo veri Ortus & Occasus amplitudo inveniatur. Si igitur huiusmodi instrumento, quod diximus, observetur, quot gradibus Sol oriatur aut occidat ab eod. indicis seu compassi termino, quod Ortum aut Ocasum videtur indicare: patebit similiter deviatio acus magneticæ à vero Meridiano, si qua sit.

Ad finem huius capitis & ea, quæ de acus magneticæ à veri meridiani situ declinatione referuntur operæpretium erit apponere quæ super hac quæstione aliquando ad Davidem Rivaldum oblata occasione perscripserit Iosephus Scaliger. Epistola exstat inter eas epistolas quæ anno 1610 cum aliis aliquot eiusdem opusculis Lutetiæ Parisiorum fuerunt evulgatæ. Et quia in eadem epistola de præcessione quoque æquinoctiorum accurate agitur, de qua ad caput secundum superius nonnihil annotavimus, hic pene totam epistolam ad verbum descriptam exhibebimus. Habet autem in hunc modum:

“ Literas tuas cum maxima voluptate legi, earum duo summa capitula fuere, *χαλυστοκλισία ναυτική*, & *περί ημών ισμίων*. Prioris in literis meis mentionem injeci aliorum potius sententiam eliciens, quam meam opponens. Proposui enim tantum non fancivi, ut quia illa declinatio per meridianos indagatur, meridiani autem ex hypotesi mea sint mobiles, videant Astrologiæ & Nauticæ rei periti, an ex hoc epithiremate causæ & argumenta tam manifestæ discrepantiæ indagari possint. non enim proponerem, si scirem; sed potius demonstrationibus ut id persuaderi possit, agerem: Quare sive ea est causa, quæ peto investigari ex hypothesis mea, sive alia, maneat secuta in sedibus suis. Nam non satis est ad eam rem meridianorum investigatio. Prius enim disputandum de natura magnetis, an ejus proprium sit, ut semper in Septentriones tendat, & si ita est, quum tamen videamus extra terminum propositum tot gradibus declinare, quærendum unde hæc variantia, quæ profecto nulli alij rei, quam meridianis assignari potest. Sed ne solicitemus hanc quæstionem, consulendi sunt qui de magnete scripserunt, præsertim Guilielmus Gilbertus Colcestrensis philosophus & medicus Londinensis; qui ante tricennium tres amplissimos commentarios de ea re edidit, quibus magis mihi probavit doctrinam suam, quam Magnetis naturam. Nam incertior sum quam dudum.

“ Reliqua

Reliqua est altera pars epistolæ tuæ περὶ προσηγήσεως ἰσημεριῶν. Pri-
 mus omnium Hipparchus ex observationibus τῶν ἀστρονόμων Aristar-
 chi Samij, Cononis & Timocharcidis animadvertit æquinoctia suo
 ævo εἰς τὰ προσηγύμενα promota esse, quod quatuor κίνετρα remotiora
 essent ab Epocha stellæ designatæ, quam fuerunt temporibus eorū
 astronomorum. Quod quum vidisset non dubitavit pronunciare æ-
 quinoctia immobilia esse, sphaeram autem τῶν ἀστρονόμων εἰς τὰ ἐπόμε-
 να moveri. Non solum hoc sibi persuasit, sed & Ptolemæo, Ptolemæ-
 us posteritati. Tantum valet præjudicata autoritas. Sphaeram etiam
 solidam innovavit, cujus polus arcticus abesset à cauda cynosuræ
 gradibus 12. 24. idque maluit sibi persuadere, quam an ita res habe-
 ret, noctu cælum ipsum consulere. quod non possum satis mirari:
 quum non solum ejus ævo, sed etiam cccxvi i i annis ante illum cau-
 da cynosuræ non plus abesset à polo mundi, quam hodie abest, ut
 Eudoxus observavit. Quod validissime in libello nostro demonstra-
 mus. Rursus Eratosthenes qui cxxvi i i annis post Eudoxum scrip-
 sit, idem de eadem stella pronunciavit, idem pronunciarunt qui sub
 Augusto scripserunt. Si igitur ante Hipparchum annis cccxvi i i illa
 stella erat, ut hodie, quomodo constat ratio Hipparchi, eam abfuisse
 à polo mundi grad. 12. 24? Nā si sphaera τῶν ἀστρονόμων, ut sanxit Hip-
 parchus, moveretur in succedentia & illius ævo cauda cynosuræ a-
 berat à polo grad. 12. 24. sequitur ut ævo Eudoxi remotior esset à
 polo, puta grad. 13 aut 14. Hoc enim ratio processus illius motus
 postulat. Atqui non plus distabat à polo quam hodie. Ergo & sibi
 ipsi & omnibus qui hætenus cum sequuti sunt, imposuit Hippar-
 chus. Nos certe collegimus omnes ejus τῶν ἀστρονόμων ἀνατολὰς καὶ δύ-
 σεις, quas nemo unquam intelliget, nisi prius globum construxerit,
 cujus polus arcticus absit à Cynosuræ cauda grad. 12. 24. Quam rem
 cum summo artifice Tychoni Brahe communicassem, obstupuit ad
 novitatem & insolentiam ἐπιχειρήματος, & merito. Non enim illi in-
 dicarem de constructione globi Hipparchi, & distantia caudæ Cy-
 nosuræ à Polo illius globi. Quare videmus, quia cauda Cynosuræ
 eodem intervallo a polo abfuit ante annos c13 13 cccclxvi i i, quo
 nunc abest, nullum omnino motum esse sphaeræ octavæ εἰς τὰ ἐπόμε-
 να, sed τῶν ἰσημεριῶν εἰς τὰ προηγύμενα, nam de motu non dubium est,
 præcedit enim hodie æquinoctium stellam in cornu Arietis plusquā
 grad. 28 quod tempore Eudoxi committebatur, fere in ipsa stella.

“ Sed

“ Sed utrum stella Solem, an Sol stellam relinquat, hic vero quaestio-
 “ nis cardo est. Hoc est altero stabili, alterum moveri necesse est, sed
 “ sphæram aut stellas stabiles esse jam ostendimus. Sol igitur & pun-
 “ cta ejus æquinoctialia mobilia sunt, & quidem eorum progressus est
 “ in anteriora manifestus 28 graduum à temporibus Eudoxi. Vidit
 “ hoc summus vir, alter nostri ævi Ptolemæus, Copernicus, Vos, in-
 “ quit, putatis sphæram octavam in consequentia moveri; videte num poti-
 “ us æquinoctia in anteriora processum faciant. Inde vir ille omni laude
 “ major, concludit esse *ισημερῶν προήγησιν*, non autem *τῆς σφαίρας κί-
 “ νησιν ἐν τὰ ἐπόμενα*. Nam altero dato, tolli alterum necesse sit, si enim
 “ non est motus sphæræ stellarum in consequentia, omnino est motus
 “ æquinoctialium punctorum in antecedentia. Hæc recte Copernicus.
 “ Sed τὸ καυρώμενον omisit, vel quia non animadvertit vel quia despe-
 “ ravit posse demonstrari. Nam cum æquinoctialia puncta mobiliâ
 “ sint & circulum maximum, qui ad ea describitur per xx Sphæric. E-
 “ lement. mobilem esse omnino necesse est. Et si circulus est mobilis,
 “ & polus quoque mobilis. Proinde non est idem polus æquinoctia-
 “ lis, cum polo mundi. Nam polus mundi est immobilis, ille mobilis:
 “ & consequenter omnes circuli maximi per illos polos transeuntes,
 “ id est meridiani, sunt mobiles. adeo ut horologia & scioterica vasa li-
 “ near meridiani imposita, post aliquot annos decoquent fidem suam,
 “ quia linea mota sit à pristina epocha: cujus variantiæ egregia argu-
 “ menta in vetustatis monumentis observavimus. Hæc demonstrare
 “ aut videre intererat Copernici, qui fabulosum & ridiculum motum
 “ sphæræ primus arguit, & præcessionem æquinoctiorum primus san-
 “ civit: qui si ea, quæ nos *ισημερῶς* ex priscis Astrologis observavimus,
 “ vidisset, quæ erat ejus summa eruditio, statim manus dedisset, rem
 “ mathematicè demonstrasset, quod sane non est arduum. Adeone
 “ quisquam averso ab omni ratione Iudicio est, ut quum concesserit
 “ puncta æquinoctialia mobilia esse, neget circulum maximum ab ea
 “ descriptum mobilem esse, & hoc dato, polos mobiles, quo rursus
 “ concessio, mobiles quoque meridianos esse? Qui hoc negat, quid il-
 “ li mathematicis operam dedisse profuerit, non video. At inquires, *πῶς
 “ mutantur meridiani, quia transeunt polos mundi, qui sunt immobiles*. Iâ
 “ oblitus es *συμπεριεστροφῆς* nostri, non esse polum mundi eundem
 “ cum polo æquinoctialis. Nam ille est immobilis, iste mobilis. I-
 “ taque videmus necessitatem argumenti, & cum hæc ita sint, ad-

S

huc

"huc nos ignorare multa in sphaera constructione & situ. Nam hoc
 "modo necesse est æquinoctialem circulum, non esse rectum ad po-
 "los mundi; & multa alia quæ prudens omitto, quia mihi cum Ma-
 "thematico res est, qui melius hæc me docere possit. Quare audacter
 "dicam, tam manifestæ historiæ contradicentibus pudorem possu-
 "mus imponere, quum hæc non solum ἱστορίας, sed & ἀποδείξεις ex-
 "plicare possimus. Vestrum vero est, & omnium mathematicorum per-
 "pendere & discutere hæc accuratius. Nam non amplius refragandi
 "locus est, sed videndi, quomodo hæc melius demonstrari possint, &
 "demonstratis constructio & positus sphaeræ corrigi. Plebeis enim
 "mathematicis hæc non dico, qui nihil unquam præter libros
 "Theoriarum legerunt, nec veteres consuluerunt, quos etiam si adi-
 "rent, non intelligerent. De motu trepidationis jam explosa est fabu-
 "la, de libramento Copernici, quæ res & ipsa futilissima est, aliquan-
 "do dicemus, unde hæc deliratio tanto viro incesserit, nam nō multū
 "differt ab impostura trepidationis. Quemadmodum veritas loco
 "pepulit illam trepidationem, ita illum motum octavæ sphaeræ codē
 "relegandum necessitas tandem coget. Hæc ergo summa responsio-
 "nis nostræ: nos orare peritos harum rerum, videant, an hæc variantia
 "acus Magneticæ possint illustrari ijs, quæ de mobilitate meridiano-
 "rum diximus: nullum esse motum octavæ sphaeræ in consequentia:
 "nos primos illud demonstrasse: inde necessario sequi πρὸς ἡμᾶς ἰσχυ-
 "μῶν. Hac concessa, puncta æquinoctialia, æquinoctiales circulos,
 "polos eorum, meridianos per eos traeseuntes esse mobiles. alium i-
 "gitur esse polum mundi à polo æquinoctialis. Horologiorum situs
 "mutare post aliquot annos. Ejus pulcherrimæ rei nos historiam pri-
 "mos observasse. Nam ex Mathesi necessario id sequitur. Hæc est scē-
 "tentia mea, quam semper tuebor. Tu vero amplius cogita ac nos a-
 "ma. Lugduni Batavorum xvi Kalend. Mai Iuliani c1515civ.

Haftenus Iosephi Scaligeri epistola. In qua quod Guilielmum Gilbertum
 Colcestrensem tres ait amplissimos Commentarios de Magnete scriptisse esse
 mnemonicum erratum hinc liquet; quod sex non tres eius de Magnete libri ex-
 stent Londini apud Petrum Short anno m d c excviii. Quorum quartus & quin-
 tus præcipue de ista acus Magneticæ variatione & toto chaluboclisia negotio
 luculenter agit. Quod autem in libello suo validissime se demonstrasse addit
 eandem Cynosuræ eundem hodieque situm, quem olim tenuerit, tenere: intel-
 ligitur *Distributio de Aquinoctiorum anticipatione* edita Lutetia Parisiorum anno
 1613, accurante Iano Ruggerio apud Hieronymum Drovart in via Iacobæa li-
 brarium,

brarium. Quam iatribam comperio Iohannē Maginum Patavinum, Mathematicarum artium in Italia Bononiæ professorem, confutare aggressum: ut indicat Catalogus ver nalis hujus anni 1617. Romæ enim apud Andr. Brugiotti & Coloniz apud Ant. Hierat in 4°. Confutationem hanc (in qua insuper nova quædam dogmata de stella Polari & mutatione æquinoctiorum & stellarum fixarum immobilitate ac aliis varijs rebus Astronomicis, ut titulus promittit, impugnantur) prostare memoratur; Quamvis exemplaria, diligenter inquisita, nobis dhuc nulla videre contigit.

CAPVT XVI.

QVOMODO PER GLOBVM CONSTRV.

ATVR HOROLOGIVM SCIOTERI.

CVM AD DATAM QVAMLIBET

LOCI LATITVDINEM.

INTEGRVM artificium construendi horologia non pollicemur. Prolixius est quam quod hoc loco præstari possit, & quam nostri instituti ratio patitur. Saterit paucula quædam delibasse, & nonnulla hujus artis fundamenta quasi digito monstrasse: quoniam per Globorum usum commodissimè concipi possunt.

Duo horologiorum genera hoc loco monstrabimus, quæ maximè vulgaria: alterum vocant horizontale, quod describitur in plano horizonti parallelo: alterum vocant murale, quod describitur in plano erecto ad horizontem, ita ut Boream aut Austrum respiciat. Sed utrunque non incommodè dixeris horizontale, non quidem respectu ejusdem loci, sed diversorum. Itaque si planum horizontale sit, si erectum, si quovis modo inclinatum, unicum erit horologium in eo describendi artificium.

Videamus igitur, quomodo in plano horizontali alicujus loci horologium delineetur. Preparato igitur plano horizonti parallelo, ducatur in eo linea Meridiana Septentrionem & Austrum quam fieri potest accuratè respiciens. Hanc transversim secet ad angulos rectos alia linea Ortum & Occasum indicans: illa horæ 12 erit index; hæc 6 antemeridianæ & pomeridianæ. Centro factò in harum linearum cōcursu describatur peripheria in eodem plano ad quamlibet distantiam, quam secabimus in 360 partes; quæ vulgata est divisio omnium

circularum. Has etiam, si fieri possit, in minutiores æquales partes distribuere, non est inconcinnum. Restat ut in hac peripheria exquiramus distantias linearum horariorum ad datam loci latitudinem. Hoc ut præstemus usu Globi, constituatur Globus ad loci latitudinem. Majorem deinde aliquem circulum in Globo delineatum, eorum (inquam) qui per polos mundi transcunt, (utpote Colurum, si placeat, Æquinoctiorum) Meridiano applica, in quo situ horam indicat 12 sive medium diem. Volutato deinde Globo versus Occasum si libet, usque dum 15 Æquatoris gradus pertranscant Meridianum, signetur gradus horizontis quem idem Colurus in horizonte intersecat. Is enim in horizonte indicabit distantiam horæ primæ & 11 à Meridiano: quarum utraque unâ hora distat à Meridie. Volutato rursus Globo, dum alij 15 grad. percurrent Meridianum, idem Colurus indicabit distantiam horæ 10 quæ duabus horis Meridiem antevertit, & secundæ, quæ duabus item horis Meridiem subsequitur. Eodem modo reliquarum horarum distantia in horizonte signabuntur, 15 Æquatoris gradibus in singulis horis Meridianum percurrentibus. Sed cavendum hoc est, ut numerentur hæ distantia ab ea horizontis parte, quæ polus attollitur: utpote à Borea horizontis parte, si polus Boreus elevetur, ab Austrina, si Austrinus emineat. Has deinde horarias distantias in horizonte Globi notatas transferas in planum fabricando horologio destinatum, numeratis in ejus circumferentia gradibus numero equalibus ijs, quos Colurus in horizonte Globi signavit. Erigendus postremo est in plano stilus sive gnomon. Vbi hoc observandum (quod est præcipuum ac propè unicum in hac arte præceptum) ut ea gnomonis acies aut linea, quæ horas sua umbra indicat, in omni horologiorum genere sit parallela axi mundi, ita ut cum suo plano æqualem faciat suæ inclinationis angulum atque axis mundi cum horizonte. Oportere gnomonem, Austrum & Boream respicere, sive in Meridiani situ jacere, adeo notum est, ut frustra monuerim. Hæc est ratio construendi horologium in plano aliquo horizonti parallelo.

Si erigatur planum horizonti ad perpendicularum Boream aut Austrum respiciens (vocant vulgo Murale) hoc unum consideretur (cujus ignoratio eos, qui vulgo tradunt artificium describendi horologia, in multos labores & difficultates conjecit) unum inquam hoc advertatur, planum illud, quod uno loco erigitur, in alio loco esse horizontale, in eo inquam loco cujus vertex 90 gradibus ab eo loco distat
ad


ad Austrum aut Boream. Exempli causa. Construendum sit horologium in plano aliquo erecto ad latitudinem 52 grad. Hoc nihil est aliud quam describere horologium in horizonte latitudinis 18. Si planum sit erectum ad latitud. 27 erit horizontale ad latitud. 63. Eadem de ceteris omnibus ratio. Hinc manifestum est, horologium horizontale & verticale idem esse ad latitud. 45. gr.

Hoc artificio licebit describere horologium in plano quovis modo ad horizontem inclinato, modo inclinationis quantitas cognita sit. Vtpote, in plano inclinato ad horizontem in latitud. 52 Bor. cujus inclinatio est graduum 10 ab horizonte ad Austrum, si inscribendum est in eo plano horologium horizontale ad latitud. 62 grad. Bor. Si planum in eadem latitudine attollatur 16 grad. ab horizonte ad Boream, erit illud horizontale ad latitudinem gr. 36 Bor. Hęc de fabricandis horologijs monuisse sat esto.

P A R S V L T I M A:

DE RUMBIS IN TER- RESTRI GLOBO DELINEATIS,

ET EORVM VSV.



INEAS eas quas navis sequuta acum magneticam sui itineris ducem in æquoris superficie describit, Petrus Nonius latine vocat Rumbos, mutuatus hoc nomē à suis Lusitanis. Quoniam autem usus obtinuit, ut inter eruditiores etiam usurpetur hæc vox, licebit nobis etiam uti. Rumbi in globis exprimuntur circulis vel. majoribus vel minoribus, vel lineis quibusdam tortuosis & incurvatis. In chartis suis marinis nautæ rectis lineis exprimere solent. Sed hoc est à veritate alienum, nec ullo modo ab erroribus defendi poterit. Inventio hæc & consideratio delineandi Rumbos in Globo aliquanto est antiquior. Petrus Nonius Lusitanus multa de his in duobus lib. quos de navigandi ratione conscripsit. Mercator etiam in suis Globis eas expressit. Sed usus co-

rum usque dum non adeo vulgo notus. In horum itaque explicatione par esse duximus, ut prolixius paulo insisteremus, & eorum naturam atque originem altius repetentes, ad eorum usum in ratione nāvigandi deveniremus.

Ordinem autem ab explicando ortu atque natura indicis Nautici, quem Compassum vocant nostrates Nautæ. Esse autem planum rotundum, cujus circumferentia in 32 partes æquales secatur, rectis lineis per centrum transeuntibus, tam est notum quam quod maxime. Unicum ejus punctum, cui supponitur acus magneti affricta, Boream respicit, cujus oppositum necessario Austrum respiciet, & reliqua ejus puncta certas & fixas in horizonte sedes (oportet enim, ut Compassus sit horizonti parallelus) respicient. Fixas voco docendi gratia, non oblitus ferrum magneti affrictum, præterquam quod sua natura variè aberrat varijs in locis, à Meridiani situ (quam vocant variationem Compassi vulgo:) pro diversarum gentium more variè etiam in Compasso positum esse. Sunt enim qui gradibus 5 m. 37 amplius seponunt ad Orientem ejus puncti, quod Borealem mundi plagam indicat, ut Nostrates & Hispani. Sunt qui gr. 3 m. 18 fere. Sunt qui integris gr. 11 cū parte quarta ab eodem puncto separant. His tamen non obstantibus supponamus, ferrum perpetuo respicere Boream & Austrum: Sunt autem hæ lineæ in Compasso Nautico expressæ, communes sectiones horizontis & circulorum verticalium, vel potius his parallelæ. Ea, cui acus subjicitur, communis est sectio Meridiani & Horizontis. Hanc quæ rectè secat, communis est sectio Horizontis & Verticalis circuli ducti per Ortum & Occasum Æquinoctialem. Sic habemus quatuor præcipuos mundi Cardines. Et totus horizon in quatuor æquas partes dividitur, quarum quælibet 90 grad. complectitur. Si quamque ex his partem rursus dispescas in 8 partes, per 7 Verticales circulos ab utraque parte Meridiani ductos per verticem, totus Horizon in 32 æquas partes secabitur, quarum quælibet grad. 11 cum quarta parte complectetur. Tot autem mundi plagas nautæ in suis profectionibus quam fieri potest diligenter solent considerare, minutiores partes & divisiones non sectantur. Hæc est Indicis nautici origo, quem ducem suarum profectionum sequuntur Nautæ.

Videamus proximè quales lineas navis secuta Compassum ducem in suo cursu describat. Ad faciliorem autem hujus rei intelligentiam hæc præmittenda ducimus: quæ si rectè perpendantur facile & perspicuum reddent totum hoc negotium.

1 Omnes

1 Omnes omnium locorum Meridiani per utrumque polum transeunt : *Ideoque* secant *Æquatorem* & omnes ejus parallelos ad rectos angulos.

2 Si dirigatur nostrum iter aliò quam versus alterum polorum, novus subinde introducit. Meridianus novusque horizon.

3 Ferrum, si magneti affricetur, communem Meridiani & horizonis sectionem indicat, & alter ejus terminus Boream alter Austrum perpetuo respicit quoadmodum. Non possum hoc loco tacere gravem lapsum Gemmæ Frisij, qui in Corollario ad 15 cap. Cosmogr. P. Appiani affirmat, ferrum magneti affrictum spectare polum Boreum citra *Æquatoris* liniam, Austrinum ultra *Æquatorem*. Cujus opinioni refragatur experientia tum nostra tum aliorum. Fefellit opinor cum nimia credulitas. Adhibuit fidem vanæ alicui relationi temerè contra veritatem effictæ. Ut res se habet, gravis error & tanto viro indignus. Futilem hanc relationem merito jam antea damnavit illustriss. Iul. Scaliger ex fide navigationum Ludovici Vertomanni & Fernandi Magellanes.

4 Idem Rumbus secat omnes omnium locorum Meridianos ad æquales angulos, & similes mundi plagas, in omni Horizonte respicit.

5 Circulus major per verticem (ab *æquatore* remotum) ductus non potest secare diversos Meridianos ad æquales angulos. Itaque nõ assentior P. Nonio, qui voluit Rumbos confici ex portionibus maximorum circularum. Cum enim portio majoris circuli intercepta diversis Meridianis vel minimè ab invicem disjunctis, inæquales cum ijs faciat angulos, non potest ex ijs Rombus constari per propositionem præcedentem proxime: At inæqualitas hæc angulorum (inquit) non percipitur sensu nisi in Meridianis longiuscule remotis. Ego. At arte & apodixi hujus positionis error percipitur. Non decuit summum mathematicum præceptiones artis sensu metiri.

6 Circulus major per verticem alicujus loci ductus & ad Meridianum inclinans, majores facit angulos cum alijs omnibus Meridianis, quàm cum eo, à quo primo ducitur. Oportet itaque, ut linea, quæ cū diversis Meridianis æquales facit angulos (ut sunt Rumbi) incurvetur ad Meridianum. Hinc fit, ut navi procedente secundum unum & eundem Rumbum (præter quatuor primarios & cardinales) linea describatur ad helicam formam incurvata, quales in Globo terrestri delineatos videas.

7 Portiones

7 Portiones ejusdem Rumbi inter duos quosvis parallelos quorū differentia latitudinis est æqualis, intercepti, & ipsæ sunt æquales. Itaque æquale ejusdem Rumbi segmentum, æqualiter ubivis locorum latitudinis differentiam immutat. Verum igitur est vulgare nautarum præceptum, æquali spatio alicujus itineris in eodem Rumbo, alterum polorum æqualiter attolli aut deprimi. Et fallitur Mich. Coignet; qui ex malè assumptis fundamentis contrarium sibi habuit persuasum.

Ex quarta propositione hoc oritur consæctarium, Rumbos productos non transire per polos. Cū enim idem Rumbus æqualiter ad omnes Meridianos inclinetur, Meridiani autem omnes per polos transeant: sequeretur, si Rumbus polos ingrederetur, ut eadem linea in eodē puncto infinitas alias lineas ad æquales angulos fecaret: quod est impossibile, quoniam anguli alicujus pars toti non potest æquari. Neque facit contra hoc consæctarium, quod in postrema propositione diximus, inter quosvis parallelos æqualium distantiarum æquales ejusdem Rumbi portiones intercipi, ut inde sequeretur, segmentum alicujus Rumbi inter parallelum latitudinis grad. 80 & polum, æquale esse segmento ejusdem Rumbi inter æquatore & parallelum latitud. gr. 10 intercepto; quoniam polum non est parallelus. Verè hoc à Nonio positum est, Rumbos polum non intrare. At non æquè feliciter probatum. Nittitur enim fundamentis contra veritatem assumptis, ut prius diximus. Perperam Gemma Frisius in append. ad 15 c. Cosm. Appiani dixit, Rumbos in polis concurrere; ut & alij, quos merito taxat Mich. Coignet.

His animadversis facile erit intelligere, quas lineas navis secuta magnetem sui itineris ducem in mari describat. Si prora navis dirigatur in Austrum aut Boream, quas plagas ferrum magnete tactum respicit; sub eodem semper Meridiano sit profectio. quia ut 3 prop. diximus, ferrum hoc Horizontis & Meridiani intersectiones respicit, & in ejusdem Meridiani plano situm est. Si prora dirigatur in eam partē, quā indicat Rumbus Orientis & Occidentis; delineabitur vel æquator, vel circulus ei parallelus. Si enim vertex in principio instituti itineris sub æquatore sit, navis delineabit æquatoris segmentum. Si vertex ab æquatore remotus sit vel in Austrum vel Boreā, describet nonster cursus parallelum tantæ ab æquatore distantie, quanta est latitudo loci unde sumus profecti. Vtpote, concipiamus institutum esse cursum ab aliquo loco æquatori subiecto secundum Rumbum Orientis & Occi-

& Occidentis : progrediemur semper in ipso æquatore, hac enim conditione iter conficimus, ut cum novo Meridiano, qui subinde in progressu exoritur, linea nostri cursus rectos faciat angulos. Nulla autem linea præter æquatorem hoc præstare potest, ut ex primæ prop. Corollar. manifestum est. Igitur huiusmodi cursu æquatoris portio describetur. Si ab aliquo loco extra æquatorem instituamus cursum secundum eandem Orientis & occidentis Rumbum, sub eodem semper parallelo versabimur. Omnes enim paralleli æquatoris secant omnes Meridianos ad angulos rectos per primæ prop. Corol. Licet autem prora semper spectet exortum vel occasum Solis æquinoctialem, sive intersectionem æquatoris & horizontis : æquatori tamen in progrediendo non appropinquamus, sed æqualiter semper ab eo disiungimur. Neque enim eò pervenimus, quo spectat prora, sed delineamus cursum, qui novum Meridianum, qui semper nobis progredientibus suboritur, secat ad angulos rectos, qui necessario erit parallelus. Si conficiendum sit iter sub aliquo Rumbo ad Meridianum inclinatum, non fiet cursus in circulo aliquo vel maiore vel minore, sed in linea incurvata ad formam helicum. Si enim duxeris maiorem circulum per verticem alicujus loci inclinatum ad Meridianum, idem circulus secabit proximum Meridianum sub majori angulo quam priorem secaverit, per 6 prop. præcedentem, ideo non constituet aliquem Rumbum: qui idem Rumbus secat omnes Meridianos sub eodem semper angulo per 4 prop. Paralleli autem omnes secant Meridianos rectè, Per Corol. 1 prop. Non igitur ad Meridianum inclinant.

Delincis, quæ in projectionibus fiunt marinis, quæ ducem habent indicem nauticum dirigente acu magnetica, Gemma Frisius in Append. ad 15 c. par. 1. Cosm. P. Appian. sic habet. *Verum hoc obiter annotandum duxi, haud parum differre itinera pedestria ab ijs quæ navigijs fiunt. Nā ille per circulos Sphære magnos fieri intelliguntur, ut rectè V Varnerus demonstravit Cōmentarijs in Ptolem. editis. Marine vcrò projectiones maximā ex parte curvæ sunt: quoniam raro per circulos magnos fiunt: sed aliquando per æquatoris parallelos, dum navis in ortū aut occasum tendit, aliquando verò per maximos in Sphæra circulos, ut quando ab Austro in Septentrionem aut è contra navigatur, item sub æquatore tantū in Ortū Occasumve navigantibus. Alijs autē omnibus, directis licet secundum magnetis ductū, navigationibus, curvæ sūt itinera, quæ maximis circulis nō sunt similes, neque parallelis, sed neque circuli sunt, sed lineæ curvæ tantū, omnes tandē in*

T

polorum

polorum alterum concurrentes. Rectè hæc omnia, nisi quod lineas has in polo facit concurrentes, quod alienum esse à natura Rumborum supra monuimus.

- Hactenus de origine & natura Rumborum sive linearum, quas navis in Mari describit secuta acum magneticam vię ducem. Videmus, quem habeant usum in terrestri Globo delineati.

De usu Rumborum in Globo terrestri.

In navigandi arte quæ docet, qua via & ratione dirigenda sit navis, ut ab uno loco ad alterum proficiscamur, quatuor præcipue considerantur. Locorum longitudines, & latitudines, vel earundem differentia, Rumbus, & intervallum sive distantia inter duo loca secundum iter marinum dimensa. Intervallum enim alio modo Geographi, alio Nautæ accipiunt. Illi majoribus circulis locorū distantias metiuntur, ut post Wernerū Peucerus demonstravit in libello de dimensione terræ. Nautæ circulis interdum majoribus, interdum minoribus, ut plurimum lineis incurvatis, cum itinera conficiant, distantias etiā metiuntur par est.

Quæ & quot ex his danda sint, ut inveniantur reliqua, oportet ut consideremus. Loca autem, inter quæ iter nostrum conficimus, differunt vel sola longitudine, vel sola latitudine, vel utrisque.

Si sola differant latitudine, sub eodem constituta sunt Meridiano, ideo Rumbus, qui ducit ab uno ad alterum, erit Septentrionis aut Austris. Reliqua sunt, differentia latitudinis & intervallum, quorum uno dato alterum facile invenitur. Si data sit differentia latitudinis in gradibus & minutis, quomodo solent Nautæ, multiplicatus ille numerus graduum & minutorum per 60 (quot milliaria nostratia uni gradui vulgo tribuunt secundum Ptolemaei mentem, ut supra demonstravimus) prodit numerus milliariorum confecti cursus. Si per 17 cum dimidio eundem graduum numerum multiplicaveris, prodit itineris intervallum in Leucis Hispanicis. Contra si detur intervallum in milliariis aut Leucis, si divides eorum numerum per 60 vel 17 cum dimidio, quotus indicabit numerum graduum & minutorum, qui congruit differentia latitudinis inter duo data. Vtpote, si ab extremo Angliæ promontorio Occiduo (quod vocant *the Lizard*) versus Austrum navigetur, usque dum perventum sit ad promont. Hisp. quod C. Ortegale vocant: quorum differentia latitudinis est gr. 6. 10. m. si distantiam cupis cognoscere inter hæc loca, multip. 6. grad. 10. m. per 60. prodit 370 numerus milliariorum nostratium inter duo data loca.

loca, Multo autem rectius per milliaria nostratia instituetur calculus, quia 60 ex his respondent uni gradui, ut uni minuto unum etiam milliare congruat, unde prolixus & operosus per fractiones labor plurimum vitabitur.

Sequuntur loca, quæ differunt solâ longitudine, quæ si *Æquatori* sint subjecta, cognito intervallo differentia longitudinis invenietur: vel converso, per multiplicationem aut divisionem, eo modo, quo inventa est supra latitudinis differentia. Quod si posita sint extra *Æquatorem*, alia ratio est ineunda. Cum enim paralleli omnes minores sint *æquatore*, qui propiores sunt paulo, qui remotiores sunt magis, qui prope polum maxime: hinc fit, ut certa aliqua & determinata mensura omnibus parallelis non possit attribui. Vulgus Nautarum gravius aberrant, dum tribuunt uni gradui cujusque paralleli *æqualem* mensuram cum uno gradu *Æquatoris*, unde multi errores in navigando orti sunt, & multæ terræ partes proprijs sedibus expulsæ in alienas introductæ sunt.

Hæc etiam ex parte ut consulerem ijs, qui in Mathematicis minus sunt exercitati, Tabulam adjeci, quæ monstrat, quam habeat rationem unus gradus cujuslibet paralleli ad gradum unum *æquatoris*, unde cujusque paralleli propria mensura inveniri possit. In hac autem Tabula prima semper *Columella* proponit parallelos *æquatoris* singulos per unum latitudinis gradum abinvicem distantes. Secunda ostendit minuta & secunda *æquinoctialia*, quæ uni gradui cujusque paralleli congruunt, quæ si convertas in milliaria, cognitum erit, quot milliaria conveniant uni gradui cujusque paralleli.

Mediante hac Tabulâ, si facta sit navigatio sub aliquo parallelo, & *Tabulâ*, cognoscatur spatium confecti cursus, longitudinis differentia invenietur per proportionum regulam: vel converso, si data sit differentia longitudinis, intervallum invenietur. Exempli causa. Ab occiduo *Africæ* promontorio, quod vocant vulgo C. Dalguer, navigatum sit versus Occidentem per 200 *Leucas Anglicas*, hoc est 600 milliaria nostratia. Quærimus longitudinis differentiam. Promontorium illud est latitudinis grad. 30. Bori Vni autem gradui in eo parallelo congruunt m. 51 sec. 57, hoc est milliaria 51 & quinquaginta septem sexagesimæ partes unius milliar. Hinc fiet dispositio terminorum proportionalium ad inveniendam differentiam longitudinis. Milliar. 51, 57 m. (vel integra 52 quia tam exigua est differentia) dant unum gradum. Ergo 600

T 2

dant

dant grad. 11 & viginti octo quinquagesimas duas partes, tantaque erit differentia longitudinis inter locum à quo processeris, eumque ad quem perveneris. Invertendi autem sunt termini, si data sit differentia longitudinis, quæratur autem intervallum. Sed illud est minus accommodum. Neque enim solemus datâ longitudine intervallum quærere, sed converso. Neque enim adhuc modum observandi longitudinû differentias habemus cognitum, utcunque vani quidam homunciones magna ostentatione hoc ipsum pollicentur. Verùm *Expectata seges vanus deludet avenis.*

Sequuntur, quæ longitudine simul & latitudine differunt, quorû magna est varietas & multiplex differentia. Quatuor diximus in navigandi ratione considerari: Differentias longitudinis, itemque latitudinis, Intervallum, & Rumbum confecti itineris. Duobus ex his datis inveniri possunt reliqua. Datorum autem & quæditorum transmutationes in his quatuor terminis 6 esse possunt ad hunc modum.

Data differ.	Longitud	} inveniuntur	Rombus.
	Latitud.		Intervallum.
Data.	diff. long.	} inveniuntur	Latit. differ.
	Rumbo		Intervallum.
Data	diff. long.	} inveniuntur	Latit. differ.
	Intervallo		Rombus.
Data	diff. latit.	} inveniuntur	long. diff.
	Rumbo		Intervallum.
Data	diff. latit.	} inveniuntur	Rombus.
	Intervallo		long. diff.
Dato	Rumbo	} inven. diff.	longitud.
	Intervallo		latitudin.

Singulis binis datis singula bina exquiruntur. Pleraque ex his, imo omnia

omnia, quæ aliquem usum præstare nobis possunt) per Globorum praxim perfici possunt. Hoc autem de universis semel admonuisse latet. Præter hæc datâ, latitudinem loci unde profecti sumus, & quartam mundi partem, quam in navigando secuti sumus, necesse est ut habeamus cognita: aliâs enim non poterimus commodè quasitis satisfacere. Causa est, quia longitudinis, itemque latitudinis differentia, in duas mundi partes numerari solent, hæ quidem in Septentrionem & Austrum; illæ vero in ortum & Occasum. Præcipuè vero: quia à singulis Meridiani partibus & ab utroque ejus termino ducuntur Rumbi æqualium angulorum sive inclinationum, ideo nisi quarta mundi pars cognoscatur, versus quam progressi sumus, incerta erit inventorum notitia. Si quærenda sit latitudinis differentia, ea quidem invenietur, at non poterimus definire, utrum ea numeranda sit versus Austrum vel Boream. Si longitudinis differentiam quæramus, eam licebit dare, at ignorabimus, utrum oporteat numerare versus Ortum aut Occasum. Cùm Rumbus quæritur, inclinationem ejus ad Meridianum licebit dicere: sed non poterimus suam ei denominationem tribuere, nisi quarta mundi pars sit cognita, versus quam alter locorū ab altero vergat. nam à singulis Meridiani partibus Rumbi habent æquales inclinationes. His præmonitis singula disquiramus.

I.

Cognitâ differentiâ longitudinis & latitudinis duorum locorum, invenitur Rumbus & intervallum.

Veritas Globum, donec Rumbus aliquis intersecet Meridianum in latitudine loci, à quo processeris. Deinde volvas versus Ortum aut Occasum, utres postulat, donec gradus æquatoris numero æquales differentię longitudinis duorum locorum Meridianum pertranseant. Postea vide utrum assumptus Rumbus intersecet Meridianum in latitudine loci, ad quem perveneris, quod si fecerit, is est confecti itineris Rumbus: sin secus, alius assumendus est, usque dum occurrat qui hoc præstiterit.

Sierra Lione Africæ promontorium est longitudinis grad. 15. 20. m. latitud. Bor. grad. 7. 30. m. Inde navigandum est ad Insulam S. Helenæ long. grad. 24. 30. m. lat. Austral. 15 grad. 30 min. Quæritur

T 3

Rumbus

Rumbus, in quo conficiendus sit cursus, quem ad hunc modum inveniemus. Adjungamus Meridiano gradum 356.40 min. longitudinis. Et observemus Rumbum, quem Meridianus intersecat in lat. Boreali 7. grad. 30. m. (quæ est loci latitudo, à quo progredimur) Is est Thracius & Leuconotus, sive ut nostri vocant, *Northnorthwest and Southsouth-east*. Volvatur deinde Globus versus Occidentem (quia S. Helena Orientalior est Sierra Lione) donec grad. æquat. 9. 10. m. (quot sunt differentia longitudinis) pertranseant Meridianum. Et inveniemus in hoc Globi situ eundem Rumbū secari à Meridiano in latitud. Austr. grad. 15. 30. m. quanta est latitudo S. Helenæ. Hic ergo est Rumbus, qui ducit à Serra Lione ad S. Helenam. Hoc modo licebit invenire Rumbum inter duo quævis loca, vel expressa in Globo, vel concepta cum hac conditione, ut differentia latitudinis & longitudinis cognoscatur.

Si loca expressa sint in Globo, inter quæ Rumbum quæris extensis circini cruribus datorum locorum distantiam intercipe, camque cuique Rumbo applica (sed in ijs locis ubi transeunt parallelos latitudinis datorum locorum) usque dum invenias Rumbum, cujus portio intercepta datorum locorum parallelis, conveniat distantiae inter circini crura interceptæ. Exempli causa, si velimus cognoscere, quis Rumbus ducat nos ab occiduo Africæ Promontorio (quod C. Cantin vocant) latitud. 32. 20. ad Insulam quæ vocatur Canaria latitud. 28. interceptam locorum distantiam applicamus cuique Rumbo, sed non alio in loco quam inter grad. latitud. 28. & 32 grad. 20 min. quæ sunt latitudines datorum locorum, atque inveniemus distantiam hanc applicatam Rumbo, qui dicitur Africo ad Favonium *Southsouthwest*, ita ut alter circini pes insistat latitud. 32. 20. alterum incidere in latitud. 28 ejusdem Rumbi. Vnde concludere licebit, à C. Cantin ad Canariā navigationem instituendam esse Africo ad Favonium. Sunt qui docent, distantiam hanc locorum interceptam applicare cuilibet Rumbo apud æquatorem communi eorum concursu. Sed ij falsa nobis tradiderunt, suosque errores conscripserunt. Vt cunque enim (quod fatemur) portiones ejusdem Rumbi interceptæ binis parallelis æqualiter ab invicem distantibus in qualibet Globi parte sunt æquales; hujusmodi tamen extensione non sunt metiendæ. Rumbi enim propè æquatorem proximè accedunt, ad majores circulos, remotius plurimum incurvantur.

Invento Rumbo intervallum quærimus. Nonius docet, accepto inter circini pedes spatio 10 Leucarum vel semisse unius gradus, intervalla locorum in dato aliquo Rumbo dimetiri. Alij intercipiunt 20 Leucas vel integrum gradum. Neutrum probo, nec alterutrum rejicio. Hoc solum moneo, pro locorum propinquitate vel remotione ab Æquatore, majorem mensuram vel minorem accipi posse. Prope æquatorem, ubi Rumbi, ut dictum est, ad majores citulos propius accedunt, majorem mensuram interciperi licebit. Cùm longius ab æquatore discefferis, quàm possis minutissimam distantiam oportet intercipias, quia Rûbi plurimum incurvantur. Accuratius tamen multo ex sequenti hac Tabula, cognito Rumbo & latitudinis locorum differentiâ intervalla locorum mensurabis. Sic autem habet.

	gr.	m.	sec.	
Rumb. 1	1	1	10	Hic autem monstratur, quot gradus, minuta etiam & secunda, Æquinoctialis vel Meridiani convenient uni gradui in quovis Rumbo. Gradui autem, ut sæpe diximus, respondent 60 milliaria, singulis minutis singula milliaria, secundis autem sexagesimæ unius millia is partes sive passus 17 proxime. Hinc licet per regulam proportionum intervalla
2	1	4	56	
3	1	12	9	
4	1	24	51	
5	1	47	59	
6	2	36	47	
7	5	7	33	

locorum in dato Rumbo commodissime dimetiri cognita latitudinis differentiâ; vel converso, cognito intervallo latitudinis differentiâ innotescet. Exempli causa. A Promontorio Africæ, quod vocant C. Verde, latitudinis Boreal. grad. 14.30 navigatum est Africæ ad Austrum *Southwest and by South*, ad usque Promontorium Brasilæ C. S. Augustini. latitud. Austr. 8 cum dimidio. Quærimus horum locorum intervallum, ad cujus inventionem sic disponimus proportionis terminos 1 grad. latitud. in hoc Rumbo, qui tertius est à Meridiano, habet 1 gr. 12 m. 9 sec. hoc est milliaria 72 cum novem sexagesimis partibus, ergo 23 grad. latit. (quot sunt inter C. Verde & C. S. August.) postulant milliaria 1659 & dimidium ferè, sive Leucas nostrates 553 paulo amplius: ut tantum sit intervallum C. Viridis & promontorij S. Augustini in tertio Rumbo à Meridiano dimensum.

II.

Cognito Rumbo confecti Itineris & longitudinis differentiâ, quæritur differentia latitudinis & intervallum.

Globum

Globum volvas, usque dum occurrat locus ille, ubi datus Rumbus Meridianum secat ad latitudinem loci, à quo processeris. Inde vertas versus Ortum aut Occasum, ut par est, usque dum gradus Æquatoris pares differentie longitudinis Meridianum pertranscunt: Signaque latitudinis gradum, quem idem Rumbus in Meridiano interfecat. Is enim monstrabit latitudinem loci, ad quem perveneris.

Insula S. Helenæ longit. 24 grad. 20 m. lat. Aust. 15 grad. 30 m. est. Inde navigatum esto ad Corum *VVest Northwest*, ad locum aliquem Occidentaliorem grad. 24. Quærimus ejus loci latitudinem. Primo statuatur Globus, ut Rumbus ille interfecet Meridianum ad latit. Aust. 15 gr. 30 m. quanta est latitudo S. Helenæ, quod fiet, si gr. lon. 37. Meridiano adjungas. Vertatur deinde Globus versus Orientem, donec 24 gradus Æquatoris Meridianum pertransierint. Signatoque gradum Meridiani, quem idem Rumbus interfecat, qui est grad. Aust. latitu. 5 gr. 30 m. proximè. Tanta enim est latitudo loci, ad quem eo cursu perventum est. Cognito autem Rumbo & latitudinis differentia, intervallum ex præmissis facile colligitur

I I I.

*Data longitudinis differentia & intervallo, quaritur
Rumbus & latitudinis differentia.*

Non est quicquam in tota hac arte, quod difficilius sit inventu, quàm Rumbus ex dato intervallo & differentia longitudinis, neque aliàs quàm operosa & sæpius iteratâ praxi & multis dimensionibus exquiri potest per Globorum usum. Cumque sit hæc praxis tam prolixa & tanti laboris, minus est necessaria aut prorsus inutilis: quoniam longitudinis differentia difficulter investigatur, ut supra monuimus. Cujus rei inventionem utinam præstarent magni nostri ostentatores, ut liceret tandem aliquid ab his expectare præter nuda verba, vanas pollicitationes & inanem spem. Sunt etiam (fateor) & aliæ praxes ex his, quas hoc loco tradidimus, minus item necessariae ex eadem differentie latitudinis suppositione. At quia eorum praxis est facilior, liceat exercitationis causa proposuisse.

Cognita differentia latitudinis & Rumbo, invenitur differentia longitudinis & intervallum.

Statuas Globum ita ut datus Rumbus secet Meridianum in latitudine loci, à quo processeris. Deinde circumagas versus Ortū aut Occasum, ut res postulat, donec idem Rumbus secet Meridianum in latitudine loci, ad quem perveneris. Vtroque loco signato, numera gradus Æquatoris interceptos Meridianis utriusque. Tanta enim est longitudinis differentia.

C. D'alguer Africæ Promontorium est latit. Bør. 30 grad. proximè. Hinc navigatum esto Circio ad Favonium *North west by west*, ad latitudinem 38 Bør. itē. Quæritur longitudinis differentia. Vertamus Globum, donec Meridianus secet datum Rumbum in latitud. Bør. gr. 30, quod fiet, si 7 grad. longitud. Meridiano applices. Convertatur inde Globus versus Orientem, usque dum Meridianus secet eundem Rumbum in latitud. grad. 38 Bør. quod fiet, cum gradus longit. 352 Meridiano accesserit. Est itaque locus ille, ad quem perveneris, occidentalior C. Dalguer grad. proximè 15 atque transit ejus loci Meridianus per Orientalem partem Inf. S. Michaelis Aforensium. Intervallum quomodo inveniatur cognito Rumbo & latitudinis differentia, dictum est in prima propositione.

V.

Cognita differentia latitudinis & intervallo, invenitur Rumbus & differentia longitudinis.

Rumbus ex ea tabula, quam supra posuimus, commodissimè invenietur. Exemplo res erit manifesta. A promontorio Africæ maximè Occiduo, quod vocant C. Blanco, quod est latitudinis Boreal. 10 grad. 30 m. navigatum esto inter Septentrionem & Occidentem per intervallum milliariorum 1080. ad latitud. grad. 20. 30 m. Bør. item. Quæritur Rumbus. Sic autem exquiritur. Differentia latitudinis est gr. 10. intervallum 1080 milliariorum. Hinc oriatur hæc terminorum dispo-

sitio. Gr. 10 milliar. 1080 congruunt. Ergo gr. 1. milliarium 108. Quæ si dividas per 60. in quoto 1. grad. 48 m. inueniemus. Quem numerum si in tabulâ quæras, inuenies Rumbo 5 adjunctum. Neque enim ille numerus minor est hoc nostro amplius uno scrupulo secundo. Vnde pronuntiare licebit, navigationem esse factam quinto Rumbo à Meridiano inter Septentrionem & Occidentem. Inuento autem Rumbo & cognita differentia latitudinis, longitudinis differentiam per secundam propositionem exquiras.

VI.

*Dato Rumbo & intervallo, inuenitur differentia
longitudinis & latitudinis.*

Hoc etiam per superiorem Tabulam facile investigatur. Exemplū solum ad hoc etiam monstrandum sufficiet. Ab extremo Africæ Promontorio Austrino, quod C. Bonæ Spei vocatur, latitud. Austr. grad. 35 proxime navigatum est ad Thracium *Northnorthwest*, (qui 2 est Rumbo à Meridiano) milliaribus 642 amplius, vel si placeat integris 650. Quærimus differentiam latitudinis, quod hoc modo fiet manifestum. Gradus & minuta, quæ conveniunt uni gradui latitudinis in secundo Rumbo, convertamus in milliaria. Ea sunt 64. 56 m. pro quibus licebit accipere integra milliaria 65. Sic deinde sunt disponendi termini proportionis. Milliaria 65 congruunt uni gradui latitudinis. Ergo 650. decem gradus latitudinis convenient. Quos si demas à 35 latitudinis loci, à quo profectum est, quia navigatum est versus Æquatorem, reliqui sunt gr. 25 latitudinis Australis loci, ad quem pervenimus. Cognito autem Rumbo & inventa differentia latitudinis, ex secunda propositione inuenietur differentia longitudinis.

F I N I S.

FIDELITER.



AMSTELODAMI.

Excudebat IⁿDOCUS HONDIUS, sub signo
 Canis vigilantis in Platea Vitulina prope Senatori-
 am Domum ANNO cl^o lxxvii.

AD1
C1488

B.10.

xxviii
D. 43

